

INKONDO MPATIMANINGI

YAKALWANWA LYOONSE

 Wa lumbwa, Mukwesu Orman. I Mwami a kulongezye.

² Mwabuka, beenzuma. Botelwa kuba kuno alimwi cifumo cino, a kubaanga ku talangilwa kusyonto, Nda yeeyela, kuli lwangu, alimwi Ndili masimpe inga caba ku mbunga. Alimwi Nda li kubala buyo a . . . Wa lumbwa, mucizi. Alimwi Mwami wa baanga wabikka cintu cimwi ciniini buyo aa moyo wangu, ku leta ku Mbungano, alimwi Nda ci yeeya kuti cali ciindi caku cicita. Alimwi eno eci . . .

³ Cindi ne Nda sika, alimwi mpawo kakutakwe kuziba kuti inga twaba kuno Nsondo ino, Nda kaambilizya kuti Ndi jisi i—i Mulumbe wa Mbungano. Alimwi Ndi yanda ku, ikuti na Leza wayanda, leta Mulumbe oyu Nsondo iicilila. Alimwi kuyooaba ciindi cilamfu loko cikubwene, aboobo, antela taunooli namana kakutanaba twelufu—theeti, wani okkuloko, ndiza, ikuti na ku ciindi eco. Wali aa moyo wangu kwa ciindi cilamfu, alimwi Ndi yeeya kuti Ndi jisi kaambo ka bwiinguzi kubuleya kuti nkaambonzi nce Nda tali kunyanyaala kuya mu mulimo. Nda kambauka munzila yaco yoonse, pele Ndili masimpe tacina zwiidilila buyo kabotu oko nko ceelede kuba. Aboobo Ndi yeeya kuti, Mwami na wayanda, Nsondo iicilila, Ndi yanda buyo kuliiba a kubamba buyo, kaambo a kaambonzi, alimwi a ku muzibya, zya Lugwalo, eco cili mukucitika, mwabona, kaambonzi buyo mbocibede coonse. Nkaambo, antela Ndi yooinka ku masi aa mutala lya lwizi na ku busena bumwi ndyoonya buyo. Ndili mukulindila eno kubona naa ni nzila ili Nja yoondiitia kwiinka. Mamanino . . .

⁴ Kutandila masiku otatwe akainda, na masiku bobile, Nda katuminidwe fooni nikwaatibe aakati ka masiku; elyo lwakali lwa ku kombela mukaintu umwi oyo wakali mu cibbadela. Alimwi ba kanduumina, alimwi kaamba, “Komba.” Alimwi Nda kaluba i zina elyo ndyo bakandipa, elyo . . . Kaamba wa kali mulongwe kuli Muka. James Bell, mucizi wesu awa ku mbungano, i mucizi mukkaladi, mukaintu mubotu, uusyomeka loko. Nda syoma i zina lyakali Shepherd, lyakapegwa kuli ndime. Aboobo Nda kazwa mu bulo a kufugama ansi, alimwi—alimwi ndakaambila mwanakazi wangu. I fooni kailila, ka mu sinsimuna. Elyo Nda kaamba, “Twe elede ku kombela Muka. Shepherd, i mucizi oyo watuma, oyo mulongwe kuli Muka. James Bell.” Aboobo twa kamu kombela, ka joka mu bulo.

⁵ Elyo mpawo awo kutandila teni na ileveni okkuloko, buzuba bucilila, Nda katambula luwaille alubo. Wa kali Billy. Elyo wa kaamba, ti bakali ba Muka. Shepherd, kaamba bakali ba Muka. Bell, lwabo, kutali mulongwe waba Muka. Bell. “Ba kali ba Muka. Bell, alimwi bali mu cibbadela, bacimvwide loko.” Elyo mukubindila kuya ku cibbadela, pele wa kali fwide. I Mwami wakaita ba Muka. Bell, ku Muunzi.

⁶ Muka. Bell wali sikuswangana uusyomeka a ndiswe kuno ku mbungano, kwa myaka. Mulumi wakwe, James, a Ndime, kabeleka antoomwe, a bataata bangu, myaka minji yainda, kuya, kweendelezya...Twa kali kweendelezya masena aa nkwaalale aya mukati, kuzwa ku Pennsylvania, mukati muli zya Colgate awa, myaka minji yainda, Ndi yeeyela kuti myaka iili makumi otatwe yainda, na kwiinda. Elyo tu lamuyanda Mucizi Bell. Wa kali muntu mubotu maningi.

⁷ Elyo Nda mvwa kuti waka jisi kulwanwa kupati kwa ciimo ca cikkalilo ca mululwe, alimwi ba...Musilisi wakwe, oyo wakazi bulwazi kabotu ncobeni, tana kali mu dolopo ku ciindi. Elyo musilisi mupya wa kaboola ku mulanga, elyo—elyo wakakulwaizya kupandulwa kwa cibukilambuta, elyo kwiina nakapona kuzwa kuli nkuko. Elyo—elyo wa kali...Ndi yeeya kuti zyakwe...Nzila mbo Ndi ciyeeyela, nkuti musilisi wakwe wa lyoonse inga na takazumizya i—i kupandulwa, nkaambo wakali a mubili mulemu-mufwaafwi alimwi cikkalilo cakwe ca mululwe cakali cibbi. Alimwi waka jisi mabwe, nda syoma, na cintu cimwi muli ncico, alimwi—alimwi Mwami wakali siluse. Wa kali jisi kulwanwa oko kale elyo Mwami wakali bambide ezyo, ziindi zinji. Pele cacitika buyo kuba boobo...Ee, ikuti na twaceeta mu kweeleka kuzwide, inga twaamba eci: Leza wa katola Mucizi Bell, alimwi eyo nje nzila mbo cakeelede kubwezwa, nywebo mwa bona.

⁸ Elyo obo akwalo mbokwa takazibwa, kacileta koonse kuli ndime, kuti Nda kali kuyeeya kuteeti wakali Muka...i Muuka Shepherd. Tii ndaka muzi Muuka Shepherd. I mulindu ndiza uli ano, kuseeni kuno, alimwi a inga Nda muziba ikuti na Nda mulanga aa busyu bwakwe. Pele, kwa kaambwa kuti wakali Muka. Shepherd. Alimwi naa cakacitwa koonse mbuli obo, kutegwa ikuti na ca...Ikuti na Ndali kuzi kuti wakali Muka. Bell kuti wakali mu ciimo mubili oyo, inga antela ni Nda kaunka kuya elyo nindali kumu kombelezezya ndyoonya buyo. Alimwi mpawo, mwabona, kuti, Leza taakali kuyanda ndiswe kucita eco, ambweni. Aboobo, “Tu lizi kuti zintu ezi zyoonse zilabeleka antoomwe ku bubotu kuli baabo bayanda Leza.”

⁹ Elyo Ndi masimpe kuti Mucizi Bell wali kumuyanda Mwami wesu. Wa kali mukaintu mubotu. Lino, ngu umwi wesu. Mukati muno, ta tu jisi minyinda ya mibala iili yoonse. I mukwasyi wa Leza tau bambi minyinda ya mibala. Naa tula salala, kusalaluka, kusiya, nanka yello, takukwe

makani, utuba. Kufumwa mbo cibede, tuli bakwesu a bacizi muli Kristo. Alimwi abooobo tu—tu la muyanda. Alimwi tu yoomuzimba, i cikombelo. Obo mbo Ndi yoozimba, aa Mucizi Bell, alo “maameni” makomwe mapati, ncobeni, kusule kuya mu kkona. Alimwi ka ndimutola kutala kuya ku muunzi, wa kali kunga ulambaula kujatikizya Mwami Jesu.

¹⁰ Elyo ikuti na Nda cimwisya kabotu, tii ndaka cizi kusikila buyo kaindi kasyonto kainda, pele Ndi yeeya kuti dilwe lyakwe lyeelede kucitikila kuno nkoonya mu mbungano. [Mukwesu Neville waamba, “Cili luleme.”—Mul.] Obu Bwabili buboola aa [“Wani okuloko.”] wani okuloko. Alimwi Ndi yeeya kuti yebo a Ndime tulelede kweendelezya camulao [“Cili luleme.”] mu muswangano oyu wa dilwe.

¹¹ Pele, mu mbunga buyo, kuti tuli kompeme loko nkambo ka omwe utako kuseeni kuno. Mu kupa bulemu bwa Mucizi Bell wesu, atwiime buyo ku matende esu kwa kaindi kasyonto, mbuli mbo tukotamika mitwe yesu.

¹² Leza wa buumi, Oyo uupa a kunyanzya buumi; mbuli Jobu wa kale mbwa kaamba, “I Mwami ulapa alimwi i Mwami ula nyanga; lilumbaizigwe Zina Iya Mwami.” Imwi myaka yainda, Wa katuma Mucizi Bell aakati kesu, kuti abe sisisima antomwe andiswe, wa cisi cipati ca Leza. Alimwi twa kalumba Nduwe nkambo ka bunanike boonse obo mbwa kabede kumbele lyesu, obo kwalo mbwakali kuyanda kwiimba a kupa bumboni, alimwi wali kunga wazulwa loko a Muuya mane wa kali kukonzya kukwiila a koongolola. Alimwi tana kali kuusa bweeme ku Makani mabotu aa Jesu Kristo, nkambo, kuli nguwe, Zya kali Nguzu zya Leza ku lufutuko. Mukubona kuti myaka yakwe yagola, elyo ciindi cila boola toonse no tweeledede kwiingula. Alimwi Yebo wamutola kuzwa aakati kesu, kuseeni kuno, kuti abe mu Busyu Bwako. Nkambo, cili ncobeni eco, cindi twa zwa ano, tu li mu Busyu bwa Leza.

¹³ O Leza, twa kulumba Yebo kuli koonse. Twa komba kuti Uyo longezya mulumi wakwe, mulongwe wangu, James; mwanaakwe mulombe, bana bakwe basimbi, boonse aabo. Tu yeeyela kuti mulombe wakwe uli mukuuluka kuzwa ku Germany, kuzwa mu busena bwa mpi ya basilumamba, ku boola ku muunzi, kuzo tondeezya kulemeka kwa mamanino mbwa konzya, aa nyika, kuli banyina bakafwa. Obo moyo wa mwaalumi oyo mukubusyi mbuweelede kuti ulatongela kuseeni kuno. Nda mu kombela, Mwami. Leza, mu longezye. Longezya Jimmy, alimwi obo mbwali... Mu gwasye kuti azwiidilile kuya, a maora aku minwa, kujana zyakugwasya mukwasyi wakwe. Nda komba kuti mukwasyi mupati tuko andaanisigwa, pele cilengwa ca mukwasyi ta cika nyonganisigwi mu Nyika eyo ku lubazu lumbi.

¹⁴ Akube kuti swebo, Mwami, eno twangisye zilwanyo a mungwala mulamfu muyumu walubulo, kujatitsya loko aniini, a kuzwa kuya mu nkondo eno, kuyo lwana a omwe uubulide kwiinda mbuli mbutwaka jisi nsondo yainda. Twa komba kuti Uyo tubamba a ku tuyuunya, a kutugwasya mbuli mbo tuzumanana, alimwi buzuba bumwi akube kuti toonse tukabungane antoomwe alubo ku lubazu lumbi. Nkambo twa cilomba mu Zina Iya Jesu. Ameni.

¹⁵ Lino akube kuti buntu bwa mucizi wesu wakafwa bulyookezeze mu luumuno. Ndi yanda kwaamba kuti dilwe lyakwe—lyakwe lyeedele kukambaukilwa kuno mu Nsondo, na Bwabili, alimwi inga twa . . . Kufumbwa muntu uli tambwidwe kuboola oyo uyanda kuboola. Ndi yeeyela kuti Mukwesu Neville ano uli jisi nzila zyangubambe. [Mukwesu Neville wasimpya kwaamba—Mul.] Alimwi waali zijisi. Lino, sunu, Ndi buyo . . .

¹⁶ Mwabona, takukwe banji loko. Ikuti na inga kuli cuuno a busena bumwi cinga ca letelwa Mukwesu a Mucizi Slaughter kusule kuya. Nda katambula luwaile lwako, Mucizi Slaughter, elyo twa kaunka ku yookombela wako . . . umbi Mucizi Slaughter, Mucizi Jean Slaughter uli ayeeyo ntuntumaanzi ya basulwe, bulwazi bwabasikaale. Ula ciimo ncobeni cabulwazi cibbi ca ncico ncobeni, pele tuli mukusyoma Leza kuti uyoba kabotu.

¹⁷ Lino tu yanda kubala Lugwalo lumwi. Alimwi Ndi yanda buyo ku yiisya kuseeni kuno, kutola ciindi cipati cakutabinda, nkaambo kuzwa ciindi ni Nda zwa ku busena bumbi, Arizona, ee, kameneno kangu kali kabotu aniini.

¹⁸ Elyo eno, Nsondo iicilila, muta kalubi, alimwi Ndi yeeya kuti Billy watumina kale kunji ku masena i—i kuzibya. Alimwi kuyooaba kuswangana kulamfu loko kukubwene, tula syoma, aboobo a mu kaboole cakufwambaana mbuli mbomu konzya. Tu yanda kuyo talika, mponya kutandila naini—theeti, na Nda amba, teni okkuloko. Alimwi ndiza, amuyeeye, kutandila wani na wani— . . . ndiza, na twelufu—theeti, wani okkuloko, cintu cimwi mbuli eco, maora otatwe na one, na kwiinda, Ndi yanda kuyo bweza, a ku bweza buyo Magwalo. Amukaletе penso zyanu a mapepa, a ku cibamba buyo. Na kuli mubuzyo uli oonse, amu buzye—mu kaubuzye, nywebo mwabona, alimwi ndiza inga twa kuupandulula, kucita eco nco tu konzya ku gwasya.

¹⁹ Lino atu bale Magwalo amwi, lutaanzi, eno. Ndi jisi masena otatwe mu Bbaibbele, ayo nge Ndi yanda kubala. Alimwi butaanzi bwa ngawo, ikuti na inga mwayanda kululemba aa pepa, alimwi ikuti na mu jisi penso, Ndi yanda kwaamba, kuseeni kuno, ku zibalo zikubwene ezyo Nze nga . . . Magwalo aakubwene, mubwini, ayo nge Ndi yanda kwaamba ko. I butaanzi buyooaba Mutaanzi Petro 5:8-10, ba Efeso 6:10-17, a Daniele 12:1-14. Lino, mu kubala, kubweza ciindi cipati cakutabinda.

²⁰ Elyo bantu kutegwa bali kkede. Aboobo, basyonto mba ciimvwi, ku sule a ku lubazu. Pele tuyo soleka kumanizya ca kufwambaana mbuli mbo cikonzeka a ku muleka kuunka, mpawo tuyo kombela baxiswa.

²¹ Jisi mulindu muniini ulede awa kuseeni kuno, oyo uucisidwe loko. Ndi yeeyela kuti wakali cisidwe loko, jilo. Elyo Nda—Nda kayanda nguwe buyo kuti aswiilile, kuseeni kuno, lutaanzi, ka Ndi tana kumu kombela. Alimwi Ndili zi ziimo zya mulindu muniini. Elyo uli cisidwe loko, pele tuli jisi Taata wesu Wakujulu mupati loko Oyo wazunda malwazi oonse cakwiinda. Elyo Ndi jisi i—i kasyonto. . .

²² Nda lombede Muka. Wood ikuti na inga wacibala, pele wa—wa li utanyanyeede asyonto ku—ku cita boobo. I mbali yabulembo, awo dokotela wa zyamalwazi abusilike mba kagambwa ncobeni. Cindi, wa kali sikujana butongo aa kuponesegwa kwa Buleza a kwalo tana kali kunga walekela kufumbwa muntu kwaambaula kujatikizya nkuko mu ofesi lyakwe; a narsi wakwe, awalo. Aboobo, cakacitika kuba kuti, jisi mulwazi oyo wakali wa ciimo ca bulwazi bwa kkulenge, i kkulenge pati. Ta na kali kuyanda cintu nociba comwe cacucita a ceeco, aboobo wa kamutumina ku kabbadela kambi. Tii bakali kuyanda cintu nociba comwe cacucita a ncico kuya, aboobo baka mujosya. Aboobo ba. . . Oh, lyakali aa lukolo, alimwi cakali ciimo cibbi loko. Alimwi lukanda loonse lwa kaligwa. Alimwi kkulenge, lyakainka aansu mu lukolo, mu mabambo. Ndi yeeyela kuti mula mvwisya eco nce Nda amba.

²³ Bali jisi mweenzuma dokotela wesu muniini uzwa ku Norway uukkede a ndiswe kuseeni kuno.

²⁴ Elyo waka bweza zyakubelesya zyakwe zyoonse ka zibambidwe, nkambo wa kaamba kuteeti walizi kuti—kuti wali kuyanda nguwe kuti amu pandule a kugwisya lukolo. Alimwi wakali mulimo wakuzwa bulowa maningi. Elyo—elyo wa kabweza zibelesyo zyakwe zyoonse zyzilonda, zintu zyoonse. I narsi waka bamba mulindu a ku mweeta mu kaanda ka kupandula, alimwi mpawo wa kajoka kuyo leta zibelesyo, awalo, ezyo zya keelede kubelesywa a dokotela a mugwasyi wakwe, kutegwa bagwisye lukolo. Alimwi aboobo bakali jisi zisansamuzyo a zintu kazilede atala lyakwe. Alimwi aboobo ba katalika. . .

²⁵ Cindi na katali kucinca ciimo, mulumi wakwe wakali kuyanda kuziba kuti na inga wakkala mukati kumamanino aa kaanda a kukomba. Wa kali mukambausi wabusalali. Elyo wa kakkala kumbali aa lubazu lwa mitandabilo yaku bulo, alimwi kukomba. Mu bwini, dokotela tana kakkutilide kabotu loko a ceeco, nywebo mulizi, walo kali mukati muya. Pele kufumbwa kuti tana kali kukonzya kulanga, elyo inga nicataka mucisa, baa, “Nda yeeyela kuti cakali kabotu; nataka—nataka wizuka.”

²⁶ Aboobo kucindi kakkede, kakomba, mpaawo kwaka boola cakazwela mu kaanda. Elyo dokotela wanyona kuti aunke, awalo, a cibelesyo cakwe, ku talika kugwisya lukolo. Wa kagwisya zibelesyo zyazilonda cimwi acimwi. Tii kwakaliko ayalo mbata aa lukolo; kakutakwe ayalo mbata. Wa kaamba, “Sena—sena ci...Sena ci leenda?” Elyo wa katalika...Elyo narsi wakapa bumboni bakwe. Boonse lwabo ba kazwa a kuba bana pentekoste, bazwide a Muuya Uusalala, babelekela Mwami. Kakutakwe ayalo mbata!

²⁷ I Dokotela Holbrook wakapa bumboni, lwakwe, kaamba, “Kaindi kaniini kakutanaba kuya, mpaawo kwakali i—i mwanakazi wakalede awo, alimwi narsi, a kkulenge pati ncobeni lyakafutumuka koonse aa lukolo lwakwe. Alimwi kaindi kaniini nikwakamana, tii kwakaliko akwalo i mbata awo mpo cakeenzegwa.” Oyo ngu umwi wa madokotela mabotu wazyamalwazi abusilike kuno mu America. Wa kaamba kuti wakalamwa mpawo ncobeni. Alimwi walo, nekuba, wa kali daikona mu mbungano. Mwabona?

²⁸ Mwabona, i bantu bayeeya buyo kuti mbungano ngu cintu cimwi nkounka buyo, alimwi ngo, “Oh, yebo uunka kuya kuyo yiyi kuba mubotu, na cintu cimwi mbuli eco.” Eco tacili ncico, mweenzuma. Peepe. Leza ngu Leza. Ngo mupati buyo sunu mbuli Mbwa kabede, lyoonse mbwakabede. Alimwi Mbwa yooba lyoonse nguwenya. Alimwi Ngu i...Tu la Mu yanda buyo.

²⁹ Lino, tu yanda kubala lino kuzwa kuli Mutaanzi Petro, capita 5, i kampango ka 8 a 10, mu kotalisya.

Amu libatamike,...kucenjela; nkambo sinkondo nyoko dyabolosi,...i syuumbwa wabutambo, uleendenda koonse, kuya buyandaula ngwati lume:

Walo mumukazye cakuyuma mu...lusyomo, mukuziba kuti mapenzi ngaonya ala citwa muli babunyina banu abo bali mu nyika.

Pele Leza wa luzyalo loonse, uwa ka twiita ku bulemu bwakwe butamani kwiinda muli Jesu Kristo, nikwakamana kuti nywebo mwaka penga kwa kaindi kaniini, amubamba balondokede, kuyakwa, kuyumya, a kumu bombomeka.

³⁰ Obo Leza alumbaizigwe! Lino mu Bbuku lya ba Efeso. Tu yanda kuvununa awa ku Bbuku lya ba Efeso, i capita 6, alimwi ndiyanda kubala kampango ka 10 kusika ku 17, Nda cilemba ambali.

Kumalekelo, bakwesu bangu, a muyume mu Mwami, a mu nguzu zyakwe impati.

Amusame zilwanyo zyoonse zya Leza, kuti mukonzye kwiima kulwa mameneno aa dyabolosi.

Nkambo ta tulwi aa bantu balya maila, pele tulwa malelo, tulwa basinguzu, tulwa beendelezi ba mu mudima wa nyika—nyika eyi, tulwa bubi bwa kumuuya mu myeenya ya kujulu.

Nki kaako amu libwezele lwanu zilwanyo zyoonse zya Leza, kuti mukonzye kwiima mu buzuba bubi, . . . elyo mwamana kucita zyoonse, i kwiima.

Aboobo amwiime, ka mulyaangide mu zikungu zyanu a lutambo lwa bwini, . . .kamusamide ku camba cikwabilizyo ca bululami;

Elyo zituta zyanu zibambwe a kusamikwa a makani mabotu aa luumuno;

Kwiinda zintu zyoonse, . . .i ntobo ya lusyomo, anjionya njimu yokonzya kuzimya mimvwi yoonse iipya iifuswa ku mubi.

Elyo amu bweze ngowani ya lufutuko, a ceba lya Muuya, lili ndi ijwi lya Leza:

³¹ Lino kuya mu Bbuku lya Daniele, Ndi yanda kubala amwi ambi. Lino, Daniele i capita 12. Ndi yanda kutalikila a 1, a kubala cibeela cilamfu loko i—i cikubwene ca eci, tumpango tuli kkumi a tone.

Elyo ku ciindi eco . . .Mikayeli uyo buka, mwami mupati oyo wiiminina bana ba bantu bako: nkabela ku yoba . . .ciindi ca mapenzi, ayo aa tana bwenwe kuzwa nikwakaba cisi akwalo ku ciindi eco nciconya: elyo ku ciindi eco i bantu bako bayo vunwa, bantu boonse bayo janwa kabalembedwe mu bbuku.

Elyo bunji bwabo baona mu bulongo bwa ansi bayo buka, alimwi bamwi ku buumi buteeli, . . .bamwi ku nsoni a zyacisesemyo buteeli.

Elyo abo basongo bayo mweka mbuli kubekema kwa mulengalenga; alimwi abo ba pilusya banji kuzwa—pilusya kuzwa kuya ku bululami mbuuli inyenyezi kwa lyonse a lyonse.

Pele yebo, O Daniele, ko jala i—ko jala . . .bbuku, mane ku ciindi ca mamanino: banji bayo tuntulika, a luzibo luyo yungizizigwa.

Elyo Nde Daniele ndakalanga, elyo, ndakabona, mpawo kwakaimvwi bamwi bobilo, . . .umwi ku lubazu olu lwa nkomwe ya mulonga, alimwi umwi aa i . . . lubazu olo lwa nkomwe ya mulonga.

Elyo umwi wa kaamba ku muntu wa kasamie masani, oyo wakali aa tala lya maanzi aa mulonga, Kwasyaala ciindi cili buti kuti cikabe ku mamanino a zeezi zyakali . . .zigambyo?

Elyo Nda kamwa muntu wa kasamide masani, oyo wakali aa tala lya mulonga, cindi naka sumpula ijanza lyakwe lyalulyo a janza lyakwe lya lumwensi ku julu, a kukonka kuli yooyo upona lyonse kuti kuyooba i ciindi, ciindi, a cisela; alimwi cindi na zoomana kumwaisya nguzu zya bantu basalala, . . . ezi zintu ziiyo mana.

³² Nda syoma Ndi laima mponya awa. Ndi yanda kubweza cibalo, ikuti na inga ca itwa kuti cibalo kuzwa awo, kuzwa kuli eco, kubaa kumaninizya oku kwa: *I Nkondo Mpatimaningi Yakalwanwa Lyoonse*. Eco nceeco nce Ndi yanda ku belesya ku cibalo.

³³ Lino, obo mbu Nda jana eci kuba cibalo ca kuseeni kuno. Twazwaa ku joka buyo; nkamu ya basyomesi, kuno ku mbungano, alimwi lwangu, ndakali ku busena mu Arizona. Elyo twa kazwa, cancobeni, kuba a muswaangano ku Phoenix, antomwe a Mukwesu Sharrit, ku cikombelo cakwe. Pele cindi Nda kajana kuti i—i mukwesu wakali mu tauni, kajisi ni miswangano mu tente, ee, mpawo Nda kalimvwa kuwayawaya asyoonto kujatikizya kuba a muswaangano. Nda kayeeya kuti ndiza inga Nda ba awo isikati mu Nsondo, kutegwa taakwe naba umwi unga wanyonganisigwa mu mabungano abo. Pele, kajana, kuti wa kajisi miswangano isikati mu Nsondo, amwalo. Elyo Nda kali i—i bilika asyoonto kujatikizya kuba a kuswaangana.

³⁴ Elyo nkokuti swebo to bakwesu, mu busena bwa kuzumanana mu buzuba, mbuli mbu twakali ku busena kuyovwima, twa kainka mu dolopo, mponya a kulibambila, elyo twa kaunka ku miswangano ya Mukwesu Allen. Mukwesu A. A. Allen waka jisi miswangano. Aboobo twa kainka ku miswangano, alimwi Mukwesu Allen wakakambauka nkambauko yanguzu. Twa ka jisi i—i ciindi, i ciindi cibotu, kuswiilila ku Mukwesu Allen, kumvwa i—i baimbi, azimwi zimbi, obo mbo bakaimba, a koongolola, alimwi baka jisi kuswangana kupati.

³⁵ Mpawo twa kabona, ciindi coonse mu mugwagwa, i janza lya Mwami. Kufumbwa nku twa kainka, i Mwami Jesu wakali kunga wa swaangana a ndiswe. Alimwi kuli cintu cimwi kujatikizya kuba ku busena olike, busena mu nkanda. Kuli cintu cimwi ku jatikizya cinco, ikuti na wasola kuba olike nzila eyo, kuli cintu cimwi eco ciku kwela. Eco ci, Nda yeeyela, nke kaambo kamwi nce Ndi yandila masena ayo amwi aali-kulaale. Yebo ulazwa ku nguzu zya mulwani, kunji loko mbuli mbo tujisi ano.

³⁶ I dyabulosi mu bwini tanyonganyi cita kuti wakonzya kuba a cimwi cintu ca kubelekela mo, nca jisi. Nywebo mula yeeya badyabulosi aayo akatandwa kuzwa kuli Legiona, akali jisi? Ba layanda kucita nzila ya kunyonganya loko, aboobo

bakali kuyanda ku njila mu ngulube. Aboobo, badyabulosi alelede kuba cintu cimwi mwa kubelekela, muntu umwi wa kubelekela mumo.

³⁷ Elyo eeyo nje nzila Leza njacita, awalo. Ule elede kujana ndiswe. Uli muku langila aali ndiswe, kubeleka kwiinda muli ndiswe.

³⁸ Elyo banji baka boola mu ciindi nitwakali mu lweendo lwa kuli kwaya, a ziloto. Alimwi Mwami Jesu taakwe na kakakilwa pele wakapa bupanduluzi ca kululama, akuba buyo obo, mbubonya buyo nzila eyo.

³⁹ Elyo mpawo Wa kali kabotu kuli ndiswe, kutu sololela ku banyama ba musokwe aku twaambila aawo mpo bakabede. Alimwi, nywebo mulizi, kuba buyo abusena mbuli obo, ngo cibotu buyo. Kukkala koonse, i masiku, mumsi a mulilo wa cilabba, iku tantamuka kuzwa ku bantu boonse, kwa mamaile a mamaile a amamaile, a kulangilila i—i ku mwatulamwetula kwa mulilo wa cilabba ku zyunguluka moombe wa mubalo uzwide mabwe. Alimwi, oh, cakali cibotu maningi!

⁴⁰ Umwi mukwesu awa, oyo wali ku jisi penzi a mwanakazi wakwe, oyo wakajisi...Myaka yainda, wa kanusya mutwe wakwe mu muswaangano, oko nku Nda kali kujisi kuswangana. Elyo Nda kaba lomba kuti bazumanane kukotamika mitwe yabo; ka jisi muuya mubi oyo watali kuzwa mu—mu mwanakazi, aa cibumbili. Alimwi i mwanakazi, katapede buyo bulemu, wakanusya mutwe wakwe mu nzila iili yoonse. Elyo muuya wakazwa mu mwanakazi, aa cibumbili, elyo kainka kuli nguwe. Alimwi oku nkutandila myaka iili kkumi a yone, alimwi i mwanakazi wali mu ciimo cantenda; ca kuti, akwalo zyakuyeeya, kusikila ucita buyo zintu eezyo azyalo zitali kabotu. Kupa mukozyanyo, kasiya mulumi wakwe wini, kainka a kuyo kwatwa mwaalumi umbi kumwi wakali kupona a mwaalumi wakwe; kataminina kuti tana kazi kuti waka cicita. Elyo aboobo ba—ba kasola kumulanga langa nkambo ka ceeci. Ino ncinzi mbo mwiita eco, cindi yebo...Amnesia? Ci...Ma, kufumbwa zina elyo mbo libede. Ndi yeeyela kuti eco cililuleme, dokotela. Pele tii cakali eco. Wa kali i muuya. Alimwi walo... Alimwi mulindu wa kali mulongwe wangu mubotu. Pele kuzwa masiku ayo, kuyabuya, wa kandisula a caali. Mubwini, inga mwabona kuti nkaambonzi cakali obo.

⁴¹ Pele mpawo cindi mulumi wakwe nakasika, elyo twa kafugama ku kaanda kuti tukombe, mpawo Muuya Uusalala wakaseluka ansi. Eco cakali ncico. Mpawo Wa kalibonya ku mulumi wakwe masiku ayo, mu ciloto. Wa kajoka a ciloto, wa kali kuyeeya kuti nca kudana. Kuboola kujana kuti, kwakali kwiingulwa nkukonya kwa kuponesegwa kwa mwanakazi wakwe. Nzila eyo Muuya Uusalala mbuwa kabeleka!

42 Kuyabuya kumselele mu Tucson, a Mukwesu Norman a balo, alimwi awo Mwami waka talika kumbekeka alubo a zintu zyanguzu, zipati a kuyubununa zintu.

43 Masiku amwi, eco candikwela ku kumaniniza oku awa, Nda kaliimvwi a Mukwesu Wood a Mukwesu Sothmann. Elyo twa kali...Ca kali kutandila teni okkuloko i masiku, alimwi Nda kali kulanga mujulu ku mulengalenga, elyo kulimvwa kupati kwa bulemu kuyoosya kwaka ndivumbilila. Elyo Nda kaamba, “Amulange buyo! Lyoonse elyo bbunga pati, lya zintu zinji zyakujulu!” Elyo Nda kaamba, “Zintu zyoonse zili mulumvwano cakumaninina.”

44 Elyo Mukwesu Wood wa kaamba, “Kulanga aa tunyenyezi tobilo tuniini katuswenene mumsi loko, kuti, ca kacibamba kuboneka mbuli mumuni.”

45 Nda kaamba, “Pele, yebo ulizi, Mukwesu Wood, kweendelana a sayansi, mu Nkamu eyo yanyenyezi zili ciloba zimwekesya, Nkamu Mpati yanyenyezi zili ciloba zimwekesya, ezyo nyenyezi taziboneki kuya mainci akasibe obilo kutantaana; zili kulaale loko kuzwa kuli imwi aimwi kwiinda mbo tutantamukide kuzwa kuli nzizyo. Alimwi ikuti na zyatalika kweenda kuboola ku nyika eyi, inga ca tola, ku zyuulu zya mamaile mu ora, inga ca tola myaanda a myaanda ya myaka kuli nzizyo kuti zisike ku nyika.” Alimwi Nda kaamba, “Mu bubeleke boonse bupati, obu awa, alimwi nekuba bala twaambila kuti bala langa kwiinda mu magilazi, inga babona myaka iili mamiloni ali mwaanda a makumi obilo ya ciindi ca mumuni, kule loko mukati muya; elyo kucili myeezi a nyenyezi. Alimwi—alimwi, nekuba, Leza wakapanga cimwi acimwi cazyo. Alimwi Ula kkala aakati ka nzizyo.”

46 Nda kaamba, “Kumwi ku busena mukati muya, Nda kalaambide kuli ndime, ciindi cimwi mu buyake basayansi mubalangilila zyakujulu, i zodiac; kutalika a nakalindu, kuzabuza kwiinda mu bukkalo bwa kkulenge, alimwi kuyabuya ansi kusikila ca mamanino wakali syuumbwa, Leo i syuumbwa. I kuboola kutaanzi kwa Kristo, kwiinda muli nakalindu; i kuboola kwabili, kwiinda muli Syuumbwa wa mukowa wa Juda.” Alimwi Nda kaamba, “Nda soleka ku ntaamo mpati yangu kubona zodiaki eyo, elyo ta Ndi konzyi kwiibona. Pele, nekuba, nkoili kuya. Abo ba kayisigwa, balizi nkwiili kuya. Jobu wa kiibona. Bantu bakali kunga balalanga ali njiyo. Lya kali Bbaibbele, ku buzuba bumwi. Pele mu bunji obo boonse bupati bwa mamiloni a mabbiloni a—a myaka ya mumuni, Leza ulikkede aakati ka koonse kwa ncico, alimwi Ula langa ansi. Paulo mwali muya. Baama bangu mubali muya, busena bumwi, kabalanga ansi.”

47 Elyo Nda kayeeya zya ncililano ya zintu zinji zyakujulu, taakwe cimwi cazyo cizwide mu busena. Cimwi acimwi

cilabamba ciindi caco, cakulondoka. I mpi ya Leza mpati! Nda kayeeya zya basilumamba; obo cakuti na mweezi oyo wacitika kuzwa mu ncililano, i nyika yoonse inga yavumbwa lubo a maanzi, mu maminiti buyo masyonto. I nyika inga yaba buyo mbuli mbukwa kabede cindi Leza nakayanda kwiibelesya, kutegwa abikke ndiswe ano aali njiyo. “Ya kanyina ciimo, alimwi yaka lipilingene, alimwi mudima, a maanzi akali atala aa busasa bwa nyika.” Alimwi ikuti na mweezi oyo wasola kusonzuka, inga wacita cintu nciconya alubo. Cindi i mweezi wa yambaana aniini kuzwa kulaale ku nyika, bukunke bwamaanzi mulwizi bulaboola. Cindi wa bbila, kutobela buyo bukunke bwamaanzi mulwizi. Ngu mpi mpati ya Leza. Alimwi cindi Nda yeeya kujatikizya i . . .kuti mukuba mpi ya Leza mpati kuya.

⁴⁸ Lino, twa kaunka kuyolala. Alimwi mpawo Nda katalika kuyeeya kuti kwiina cimwi ca zeezyo cizwa mu busena bwaco. Zyoonse zila kkala mu busena. Alimwi ikuti na kuli kweenda, kufumbwa busena, kwa zyo, ngu kaambo ka bukanze, elyo ciyocinca nyika eyi. Tu bona buyo kucitika kwaco eno, kuzwa kuli zimwi zyazyo kazyeenda mu masena azyo ambi. Ci laleta kucitika kuyandika. Ci lacinca zintu zyoonse.

⁴⁹ Elyo Nda kayeeya, mpawo, ikuti elyo bbunga pati lya zintu zinji ziyakujulu, mbuli obo, lilelede ku bamba busena bwayo, ku bamba zintu zyoonse mu ncililano, ino kujatikizya mpilingano ya nkamu ya zintu zinji zyaa nyika? Buti, cindi cimwi cazwa mu ncililano, obo mbo cisowela zintu kumaninina mu kukolongana! I mabambe oonse aa Leza anyongana cindi cizo comwe cazwa mu ncililano. Tu leelede kusoleka canguzu cakuzumanana kubamba ncililano ya Muuya.

⁵⁰ Elyo inga Nda ti, kuli Leza, kuseeni kuno, kuti inga twa leta eci ku kuswangana kwa kuponesegwa kwa ncobeni, kuti inga twa bamba cibeela eci. . .nkamu kuti twa bungana kungsi aciluli kuseeni kuno, mu lumvwano boobu, kuti Muuya Uusalala inga uyo bikka zizo zyoonse zya Mubili, zili ano kuseeni kuno, mu lumvwano boobu, mane inga kuyooba kuponesegwa kucitika kulikke kwa buntu a mubili, ikuti na tu yoojata masena esu.

⁵¹ Lino, mbuli mbo Nda amba ku matalikilo, oyu mulindu waka jiisi kkulenge oyo Dokotela Holbrook kabweza. . . ngwa kali kuyogwisya. Lino, i Leza oyo wakacitya coongo ca kuzwela ku boola mu kabbadela ako, a kunonkola kkulenge elyo kakutakwe akwalo kusiya mbata, sa tamuzi kuti Leza nguwenya uli ano? [Mbunga yaamba, “Ameni.”—Mul.] Alimwi cintu buyo Nca li mukulindila, ngu mpi Yakwe—Yakwe kubweza busena bwayo, mbuli inyenyezi, bweza busena.

⁵² Lino, sena mu lizi, twa kali jisi lumamba a lumamba, a mpuwo zya lumamba? Alimwi ikuti na nyika kaimvwi, tu yaaba a lumamba lunji lumbi. Pele sena mu layibaluka kuti

kuli biyo inguzu zyoobile ncobeni mu bulenge boonse? Ku kwiimpana kwesu koonse aakati ka zisi, a kwiimpana aakati kaumwi aumwi, a zintu zyoonse, zyoonse ziya buyo mu inguzu zyoobilo. Kuli buyo inguzu zyoobilo, alimwi kuli buyo mami obilo; inguzu zyoobilo, a mami obilo. Zyoonse zimbi, zintu ziniini zitasinizizye, zili swaangene antomwe naa ayimwi ya inguzu ezyo. Alimwi inguzu ezyo ni nguzu zya Leza a nguzu zya Saatani. Eco nce . . . Lumamba loonse, mpilingano zyoonse, zintu zyoonse ezyo ziboola aa busena, ci leendelezegwa naa a nguzu zya Leza na nguzu zya Saatani, nkaambo ezyo nze inguzu buyo zyoobilo ziliko. Alimwi ezyo ni nguzu zya buumi a nguzu zya lufu. Lino, ezyo nze inguzu zyoobilo buyo.

⁵³ Elyo Saatani ukonzya buyo . . . Nguzu zyakwe, uli jisi, ni nguzu zya Leza zya kasandulwa. Ta zili nguzu zya kasimpe. Ngu lusandulo lwa nguzu zya Leza, zintu zyoonse ezyo Saatani nzya jisi. Lufu ngu buyo buumi bwa kasandulwa. I bubeji ngu bwini buyo bwakataambwa kabotu. Mwabona? Mamambe i ngu—i ngu mucito watabelegegwa bweelede, mucito ululame watabelegegwa bweelede. Mwabona? Zintu zyoonse Saatani nzya jisi zintu zimwi ezyo zyaka sandulwa, pele ni nguzu.

⁵⁴ Elyo tu li, sunu, kukkede awa, alimwi nguzu imwi na imbi iyo tweendelezya. Aboobo atu tande umwi mubi. Atu bweze busena bwesu mbuli inyenyezi zya ku majulu.

⁵⁵ Mbuli Bbaibbele mbuli kanana, “Inyenyezi zyendeenda buyo,” kuya mu Bbuku lya Juda, “kazicovola bweeme bwabo bwini.” Elyo ta tuyandi kuba inyenyezi zyendeenda; nda yeeyela *eci* ikuti na cililuleme, nda yeeyela ikuti na *eco* cililuleme, nda yeeyela ikuti na *ciyo* citika, nda yeeyela obo mbocinga ca citika. Muta tuntuliki. Amukkale mbuli inyenyezi ezyo zya kujulu, mbuuli silumamba wakasimpe uli a bulizi bwa mulimo wakwe. Amwiime awo, kamusyoma! Buumi a lufu.

⁵⁶ Lino, i mpi, cindi mpi cancobeni, cisi cali bambila kuyo lwana cisi cimbi, ci leelede kukkala ansi lutaanzi a kuyeeya *eco* ciluleme a cilubide, elyo naa bayo konzya kuunka kuyo lwana cisi cicilila na pe. Jesu waka yiisya *eco*. Elyo ikuti na bantu ba konzya kucita *eco*, ikuti na zisi zyakonzya—zyakonzya kukkala ansi, a kwiima a kuyeeya zintu ezyo, mabazu oonse, inga no tutano jisi lumamba lumbi.

⁵⁷ Lino, tu jana kuti, ikuti na muntu taciti *eco*, ikuti na beendelezi bampi ya cisi taba kkali ansi, lutaanzi, a kuyeeya a kubona kuti bali luleme, a zibacitya a makanze abo kuti ali luleme, alimwi ikuti bali jisi kukonzya kweelede a nguzu kuzunda mpi icilila, mpawo bali masimpe kusweekelwa.

⁵⁸ Awo mpe mpawo Mweendelezi mupati Custer mpaka panga bulubizi bubyaaabi. Mweendelezi mupati Custer, mbuli mbo Ndi yeeyela, ka jisi malailile kuzwa ku mfwulumende, akutaunka

mu nyika ya Sioux, nkaambo cakali ciindi cabo ca bukombi. Ca kali ciindi ca kukomba. Ba kali ku jisi pobwe. Pele Custer wa kakolwa, elyo wa kayeeya kuti inga wacicita buyo munzila iili yoonse. Inga na kanyansya, naa akali malailile na kutali malailile. Alimwi mpawo camu kasimpe baka dubula baalumi bamwi bakanyina kaambo, baka ba dubula. Ndi yeeya kuti bakauma bamwi babo. Ba kali bakubusi bayiyya mukuwila, mubusena, kabayandaula zyakulya, zya kusanizya bantu babo—babo kuciindi ni bakali mu kukomba. Alimwi Custer, mukunyansya, wakaba bona, a kuyeeya kuti bakali kuyandaula lubazu lwabo, elyo aboobo baka dubula mu bakubusi abo bakali kwiiya mukuwila. Alimwi bakubusi aba bakali kwiiya mukuwila bakacija, baka joka. Ino baka citanzi? Ba kalibambila azya kulwanya, elyo mpawo baka boola. Elyo ayo akali magolelo aa Mweendelezi mupati Custer, nkaambo tana kakkala ansi a kuyeeya, lutaanzi.

⁵⁹ Wa kanyina mulimo kuya. Ta na kajisi nguzu kuba kokuya. Wa kaatikizya bama India kuzwa ku Nkomwe Yakujwe, ku busena boonse mane do Kumbo, munzila ili yoonse. Alimwi ba kajisi cizuminano, pele wa kajaya cizuminano. Alimwi cindi na jaya cizuminano, mpawo wakasweekelwa nkondo.

⁶⁰ Elyo mbombubo i mpi, lutaanzi, mu kulibambila ku nkondo, lutaanzi kuleelede kuba nkamu ikketedwe, basilumamba bamwi. Ba leelede kusamikwa zya kulwana. Ba leelede ku yiisigwa zya kulwana.

⁶¹ Elyo Nda syoma kuti nkondo mpatimaningi eyo yakalwanwa lyoonse, ili libambilide ku njila mu mulimo. Nda syoma kuti Leza wali kukketa basilumamba Bakwe. Nda syoma Wa li kuba samika, ku bayiisya. Alimwi bbuwa lyankondo eno lya bambwa, kuli bambila kutalika.

⁶² Eyi nkondo, mpati ntaanzi eyo yakalwanwa lyoonse, yakatalikila ku Julu, Mikayeli a Baangelo Bakwe ni bakalwana Lusifa a baangelo bakwe. Ya katalika lutaanzi, nkondo ntaanzi yakali ku Julu. Aboobo, cibi tii caka talikila aa Nyika, ca katalikila ku Julu.

⁶³ Elyo mpawo yakasowelwa ansi kuzwa ku Julu, kutandwa kuzwa ku Julu, kuya ku nyika, elyo kawida aa bantunsi. Mpawo nkondo, kuzwa ku baangelo, yakaba inkondo ya bantu. Elyo Saatani wakaboola kunyooyona bulenge bwa Leza, eco Leza nca kalenga kuba Cakwe. Wa kaleelede, Saatani, kuboola kunyonyoona eci. Ayo nga kali makanze akwe, akali aku cinyonyoona. Mpawo nkondo yakatalika ano aa nyika, a kutalika muli ndiswe, alimwi yali kulutula kuzwa ciindi eco.

⁶⁴ Lino, kufumbwa nkondo kiitana konzeka kubikwa mukuli bambila kulwa, lutaanzi ba leelede kusala bbuwa lyaku swanganina, na busena awo nkondo mpo yeelede ku lwaninwa, busena bukketedwe.

⁶⁵ Mu Lumamba Lutaanzi Lwanyika, lyakabikwa, aa nyika-iitazulilwi-kulubazu lumwi a masena awo mpo bakalwanina. Elyo kuleelede kuba busena bukketedwe.

⁶⁶ Mbuli cindi Israyeli ni yakainka ku lumamba a ba Filisiti, kwakali i—i—i kalundu ku lubazu alumwi oko nko bakabungana. Alimwi oko nkoku busena Goliati nkwa yutukila a kwiita ku mpi zya Israyeli. Oko nko ku busena Davida nkwaka muswanganya, mu kkuti, cindi na kakosola i kalonga kaniini ako kakunkila aakati katulundu tobilo, wa kabwezelela mabbwe.

⁶⁷ Ku leelede kuba busena bukketedwe. Alimwi muli eci, kuli i—i busena buzuninenwe, aanyika-iitazulilwi-kulubazu lumwi, elyo bala lwana *awa* aa busena obu. Taba citi buyo, umwi walwana abusena *awa*, a umwi ansi *awa*, a umwi wazuzila abusena *awa*. Kuli bbuwa lyankondo awo mpo baswangana a kusunka inguzu zyabo, awo mpi imwi aimwi mpoisunka kukonzya kwayo kulwana mpi imbi, busena bwa kuswanganina buzuminenwe. Lino, muta (kumvwa) sweekelwi eci.

⁶⁸ Cindi eyi nkondo mpati niyakatalika aa nyika, kwali elede kuba busena bwa kuswanganina buzuminenwe. Ku leede kuba busena bukketedwe bwa nkondo kuti italikile, a nkondo kuti ilutile. Alimwi ncakuti masena aankondo atalikila mu maanu a muntu. Mpawo aa busena nkondo mpo italikila. I maanu a muntu aka salwa kuba busena bwa nkondo, busena nko yakatalikila, alimwi ako nke kaambo kakuti mizeezo ibambilwa kuzwa ku maanu, i mutwe. Lino, tii baka yitalikila kuzwa ku kabunga kamwi. Tii baka yitalikila kuzwa ku makani amwi aa zya mincini. I mabbuwa tana katilikila kuya. Aboobo, ako kabunga taka konzyi, konzyi kucita mulimo wa Leza, nkaambo mabbuwa aankondo, aa busena mpo yeleede kuswanganana sinkondo nyokwe, ngo mu maanu. Yebo uleelede kubamba kusala kwako. Ula ku swaangana.

⁶⁹ Ndi yanda musimbi oyu munini awa, oyo uucisidwe maningi, kuba masimpe kuswiilila eno kuli eci, cakupakamana ncobeni.

⁷⁰ Kusala kubambilwa mu maanu, i mutwe. Mpaawo aa busena Saatani mpa kuswaangana, a kusala mpokubede, nkaambo kakuti Leza waka muntu mu nzila eyo.

⁷¹ Lino, Ndi jisi (ikuti na mwali kulanga aa bulembo bwangu awa) i ka maapu keengwa cakukomena. Nda kali ka jisi kutali ciindi cilamfu cainda, aa . . .kakabelesya aa bboodi. I muntunsi upangidwe buyo mbuli nseke ya whiiti. Ngu mbuto. Alimwi muntunsi ngu mbuto. Munzila yabupange, uli mbuto ya bauso abanyoko; alimwi buumi buzwa kuli bauso, cibeela citeteete eizwa kuli baama. Aboobo, i zyobilo, antoomwe, i ji alimwi a—a bulowa, ziboola antomwe. Alimwi mu seelo lya bulowa muli buumi. Elyo mukati muya bulatalika, kukomena, kupanga i—i mwana. Lino, kufumbwa mbuto ila cikwa atala

lyaanze; i mukati ngu cibeela citeteete; alimwi mukati lya cibeela citeteete ngu busonga bwa buumi. Ee, eyo nje nzila mbotu pangidwe. Tu li mubili, buntu, a muuya. I caanze, i mubili, i cikwa; i camukati ka eco, i manjezeezya a zimwi zimbi, ngu buntu; alimwi i camukati i buntu, ngu muuya. Elyo muuya uleendelezya zyoonse zimbi.

⁷² Lino, ikuti na muyo kkala ansi cindi mwainka ku muunzi, elyo a kweenga tubalo totatwe tuniini. Muyo jana kuti i mubili waanze ula magano osanwe ngu kwabisigwa awo, elyo oko ngo ku kubona, kulabila, kulimvwa, kununkizya, kumvwa. Ayo nge magano aa endelezya mubili wa buntunsi.

⁷³ Mukati ka mubili ngo buntu, elyo buntu obo bwendelezegwa aa kuyeeyela, manjezeezya, kwiibaluka, bupanduluzi, a kulimvwa kwakuyanda. Ezyo nze zintu zyeendelezya buntu.

⁷⁴ Pele, i muuya, ujisi buyo gano lyomwe. I muuya... Oh, atu lijane. I muuya ula gano lyomwe, alimwi gano elyo ngu, naa lilalyeendelezya, ngu lusyomo na kuzumbauzya. Eco mbombubo. Alimwi kuli nzila yomwe buyo kuli ncico, oyo mulimu wakulisalila cakucita. Yebo inga wazumina kuzumbauzya na yebo inga wasala lusyomo, naa cimwi nco yanda kuzwidilizya. Aboobo, Saatani waka talikila aa cibeela cipati, kucitya muuya wa muntu kuzumbauzya Ijwi lya Leza. Leza kali aa cibeela cipati, kubikka Ijwi Lyakwe mu muuya oyo. Nceeco we. Eco nce cicicita.

⁷⁵ Ikuti na mbungano eyi, ndyoonya eno yakonzeka kubikkwa antoomwe, a kuswanganisigwa antoomwe a ceeco cakuti bantu boonse babe mu moyo omwe, a kakutakwe cimvule cimwi ca kuzumbauzya kufumbwa busena, inga taku kooba muntu uukompeme aakati kesu, mu maminiti aambi osanwe. Inga taku kooba muntu naba omwe ano kulimu kuyanda Muuya Uusalala pele inga uno Uta mbwide, ikuti na mwakonzya buyo kucita cintu eco cimwi kubambwa kabotu. Lino, mpaawo aa busena i nkondo mpo italikila, mu monya mu maanu ako, naa ula zumina.

⁷⁶ Lino amuyeeye, ta cili Christian Science, eno, kubelesya nguzu zya maanu akumana mapenzi azyakunyama. Eco taci jisi... I maanu ala tambula Buumi, buli ngu Ijwi lya Leza, alimwi awo lilaleta Buumi. Muyeeyo wako buyo tau ciciti. Pele, Ijwi lya Leza, lya letwa mu nzila ya muyeeyo wako. Mwabona? Ta uli muyeeyo, mbuuli Christian Science mboici bamba, kubelesya nguzu zya maanu akumana mapenzi azyakunyama. Peepe. Eco tacili ncico.

⁷⁷ Pele, maanu ako ala Ci tambula. Bula Ci jatilisisya. Ino maanu bwako bweendelezegwa anzi? Muuya wako. Elyo muuya wako ula jata Ijwi lya Leza, eco nce cintu jicisi Buumi muli Ncico. Ci laleta Buumi muli nduwe. Oh, mukwesu! Cindi eco cacitika,

cindi Buumi bwa boola ansi mu nzila eyo, muli nduwe, Ijwi lya Leza lilyubululwa muli nduwe. “Ikuti na nywebo mwakkalilila muli Ndime, elyo Majwi Angu akkalilila muli ndinywe, mpawo amu lombe eco ncomu yanda elyo ciyo citilwa ndinywe.”

⁷⁸ Mpawo eco cicita nzi? Kuzwa aakati ka moyo, uli ngo buntu, kuzwa awo kulaya kumbele, kusanina inzila zyoonse. I penzi lya ncico ngu, tu liimvwi mukati *awa* a kuzumauzya kunji, kusoleka kuzunina eco cili anze *awo*. Nywebo mu leelede kulesya eco; a ku boola ansi ku nzila eyo a Ijwi lya Leza lya bwini, elyo mpawo cilazwa, lwaco, kuyocitikila. Ngu ceeco ca mukati. Eco nce cintu cijisi makani mapati.

Kubeleka kwa Saatani nku zwida mukati.

⁷⁹ Lino, yebo waamba, “Ta ndibbi. Ta ndinywi. Ta ndiciti zintu ezi.” Eco tacikwe cintu nociba comwe cakucita a ncico.

⁸⁰ Mwabona, ngu camukati. Tacikwe makani obo mboli mubotu, obo mboli lilemeka, obo mbo syomeka, ezyo zintu zila lemekwa. Pele Jesu wakaamba, “Cita kuti muntu wa zyalululwa.” Mwanona? Kuleelede kuba cintu cimwi cicitika mukati. Ikuti na to citi, oko nkuli-samika kwa kulipangila, nkaambo kungsi mu moyo wako ula yanda kucicita munzila iili yoonse. Ta cikonyi kuba ca kulipangila. Ce leede kuba ca kasimpe.

⁸¹ Elyo kuli nzila yomwe buyo eyo cakuti inga ca boola ansi, alimwi eeco nkwiinda munzila ya mulimu wakulisalila cakucita, ku boola mu buntu, kwiinda mu miyeeyo yako. “Mbuuli muntu mbwa yeeya mu moyo wakwe, mbombubo mbwabede.” “Ikuti na waamba ku dundu eli, ‘Zyuka,’ a kuta zumbauzya mu moyo wako, pele kusyoma kuti eco nco waamba ciyo citika, inga watambula eco nco waamba.” Sa mwa cimvwa? [Mbunga yaamba, “Ameni.”—Mul.] Nceeco we. Mwabona? Ngaayo mabbuwa aankondo. Ikuti na inga mwalekela buyo eco kutalika, lutaanzi.

⁸² Tu la yandisisya loko kubana zintu kucitwa. Tu la yandisisya loko kucitila Leza cintu cimwi. Oyo mulindu muniini ta li...ku yandisisya, taakwe kuzumbaizya, la yandisisya loko kupona. Uu yanda kuba kabotu. Bamwi bali ano, bayanda kuba kabotu. Alimwi cindi twa mwawa kujatikizya ciimo eco ca bulwazi, mbuli dokotela, bubuke bwa bafu, zintu zya nguzu zipati ezyo Leza wesu nzya kacita, mpawo twaba ba yandisisya loko. Alimwi cintu ca ncico ngu, tula sola kusika kwiinda mu magano aya, ku kwempa kujata cintu cimwi awa, mbuli manjezeezya.

⁸³ Bunji maningi bwa bantu, ziindi zinji, balaimpya kumvwisya Ijwi. Alimwi te Nda teelelwa kabotu kwiinda kuli eci, kwiinda mu kubamba kwiitwa kwaku cipaililo. Nda kaamba, “Tii ndakali kwiiminina loko aa kwiitwa kwaku cipaililo,” kutali kwaamba kuti tamweelede kubamba kwiitwa kwaku cipaililo.

⁸⁴ Pele muntu umwi ula jata muntu umwi ku kuboko, kwaamba, “Oh, Mukwesu Johane, yebo ulizi na? Mebo a nduwe twali basimukobo nyina ciindi eci coonse. Boola atala awa aa cipaililo, ko fugama.” Ino uci tanzi? Ndi lombozya kuti ni Nda li jisi bboodi lisiya, ni Nda mu tondezya eco ncali muku cita. Uli mukusola ku beleka mu buntu bwakwe, aa kulimvwa kwakuyanda. Eco ta cibeledi. Eyo taili nzila. Ncamasimpe, sa embo.

⁸⁵ Ndiza uli mukubeleka mukati (i nzi?) i kwiibaluka, kwiinda mu gano lya buntu bwakwe. “Oh, Mukwesu Johane, yebo waka jisi banyoko babotu. Ba kafwa ciindi cilamfu cainda.” I kwiibaluka! Mwabona? Yebo tokonzyi kucita eco.

⁸⁶ Ci leelede ku boola ansi mu mukondo wa mulimu wakulisalila cakucita. Yebo, lwako, lekela Ijwi lya Leza... Yebo to booli nkaambo kakuti banyoko bakali mwanakazi mubotu. Yebo to booli nkaambo uli simukobo mubotu. Yebo ula boola nkaambo kakuti Leza wa kwiita ku boola, elyo ula Mu tambula aa mbaakani ya Ijwi Lyakwe. Elyo Ijwi nce cintu ciyandisi ca zintu zyoonse. Elyo Ijwi! Ikuti na wakonzya kugwisya zintu zyoonse mu nzila, oonse manjezeezya, oonse magano, nkabela akulekele buyo Ijwi ku boola mukati, elyo Ijwi liyo leta mbubonya buyo.

⁸⁷ Awa, mubone eco Nco civumbidwe aco atala na? Yebo wati, “Ee, eno,” yebo wati, “ee, aya, manjezeezya a magano, a zimwi zimbi, tazi jisi cintu nociba comwe cakucita a ncico, Mukwesu Branham?” Ncamasimpe, ci lacita. Pele ikuti walekela Ijwi ku boola mukati, a ku Li vumbya atala a manjezeezya, mpawo Ta likonzyi kukomena; li yooba ijwi lyaka pilingana.

⁸⁸ Sena mwaka sola kubona inseke ya mbotu ya mapopwe yakasyangwa mu bulongo, elyo mulekele kasamu kuwida atala aali njiyo? Iyo komena kaipilingene. Kufumbwa musaansa, kufumbwa cintu eco cikula, ciyoba, nkaambo cintu cimwi ca yisinkila.

⁸⁹ Ee, ayo nge makani a Lusyomo lwesu lwa pentekoste sunu. Twa lekela zintu zinji loko ku Lu sinkila, i Lusyomo olo ndu twa kayiisigwa, i Muuya Uusalala oyo wali kupona muli ndiswe. Twa lekela zintu zinji loko, kulanga aa muntu umwi umbi.

⁹⁰ Elyo dyabolosi lyoonse usola ku kutondekela ku kukacilwa kwa muntu umwi, pele usola ku kusinkila kuzwaa ku bumboni ncobeni obo buli kasimpe. Uyo kutondekela kuli sikuupaupa, ciindi cimwi, oyo wakainka kayabuli cengeezya kuba cintu cimwi. Ta na ka cicita, nkaambo wakali kulicengeezya. Pele ikuti na cazwida ku busena bwini bwa Ijwi lya Leza, “Majulu a nyika ziyo loba, pele Ijwi Lyangu tali konzyi kuloba,” Li leelede kukkala awo.

Yebo wa cibona na, mucizi?

⁹¹ Ci leelede kuzuminwa mu maanu, mpawo Ci la syomwa a moyo. Mpawo Ijwi lya Leza li laba kasimpe, mpawo magano oonse aa buntu a mubili a lajulwa buyo a Muuya Uusalala. Mpawo gano lyako lya Leza, manjezeezya ako aa Leza, zyoonse zintu ezyo zya bunaleza, zila kunka kwiinda muli nduwe. Takukwe kuzumbauzya ku busena buli boonse. Takukwe cintu nociba comwe cikonzya kubuka.

⁹² Takukwe cintu nociba comwe cikonzya kulibonya mu kwiibaluka, a kwaamba, “Ee, Nda yeeya Muuka Jones wakasola kusyoma Leza, a Muuka *Boobu-a-boobu*. Muuka Doe wakasola kusyoma Leza ku kuponesegwa, ciindi cimwi, elyo wakacacilwa.” Mwabona?

⁹³ Pele ikuti nzila eyo yajulwa alimwi yasalazigwa, alimwi yazuzigwa muli camukati a Muuya Uusalala, eco taci booli akwalo mu kwiibaluka, taakwe makani kujatikizya Muuka Jones a eco nca kacita. Ngu yebo a Leza, antoomwe, alimwi taakwe muntu umbi pele nywebo nyobilo. Nceeco we. Njeeyo i nkondo yanu. Mu mujaye ku matalikilo. Mu mulesye kafwide mu mukondo wakwe. Ta cili obo bulamfu mbo mukonzya kubamba lumamba kwiindilila kulwanwa. Ngu, mwiilesye ndyoonya eno!

⁹⁴ Ikuti na mula boola, elyo muyo bamba zyalo zya kwiibaluka a manjezeezya, a zintu zyoonse, kuyeeya makani, “Ee, Inga nda kakilwa. Inga tii caba ciluleme.” Muta citi eco, noku ceya.

⁹⁵ Nywebo a musowele ambali zintu zyoonse, a ku jula nzila, a kwaamba, “Leza, Ijwi Lyako dya bwini Cabutamani, alimwi Ndi lyangu. Ikuti mbungano yoonse yakakilwa, ikuti na nyika yoonse yakakilwa, nekubaboobo Nse konzyi kukakilwa, nkaambo Ndili mukubweza Ijwi Lyako.” Njeeyo i nkondo. Eco nce cintu.

⁹⁶ Nkaambonzi inga Leza Singuzu zyoonse ncanga wagwisya kkulege kuzwa ku lukolo lwa mwanakazi, kakutakwe mbata, a kulekela mwana kalede a kufwa? Peepe, munene.

⁹⁷ I musimbi muniini wakasika kuno, kutali ciindi cilamfu cainda, kuzwa ku cikolo cipati. Banyina baka nduumiina fooni, kati, “Mukwesu Branham, musimbi wangu ujisi bulwazi bwa Hodgkin.” Elyo ndi kkulenge, lipangika mu zikoto. Alimwi madokotela baka bweza kabeela kuzwa ku kukwamuka aa kameneno kakwe, baka katumizya, elyo bwakali bulwazi bwa Hodgkin cakumaninina.

⁹⁸ Aboobo wa kaamba, “I kumwi kucilila kwa kukwamuka, inga kwakwamukila atala a moyo wakwe. Cindi ca cita, wa fwa.” Kaamba, “Ta jisi. . . I nzila mbo zili mukukwamuka, uli jisi, kufumbwa busena, myezi yakatiibe yotatwe, ku pona.”

⁹⁹ I banyina ba kaamba, “Ino Nda cinta nzi? Mu josye ku cikolo na?”

¹⁰⁰ Kaamba, “Mu leke aunke, nkaambo uyofwa antela kufwambaana kutalangilwa.” Alimwi kaamba, “Mu leke buyo aunke a kupona buumi bwa lyonse, mbuli mbwa konzya. Ta mwaambili cintu nociba comwe kujatikizya ncico.”

Aboobo mulindu wa kaamba kuli ndime, “Ino Nde elede kucita nzi?”

¹⁰¹ Nda kaamba, “Mu lete awa atala a kumu bikka mu mundando wa mipailo.” Alimwi Nda kaamba, “Yebo boola a nguwe.” Nda kamvwa kulimvwa kweenzu kusyonto.

¹⁰² Elyo cindi musimbi muniini naka boola muni, kuseeni oko, a milomo iiboneka bbulu, kuzwa ku misila, alimwi mbuli cikolo mbo cibazumizya. Alimwi—alimwi muntu muniini waka boola muni. Tii nda kazi oyo mbwakali no boneka; wakali sikundiita aa fooni. Nda kajata janza lyakwe. Nda kaamba, “Wabuka kabotu, mucizi.” Ngooyo mbwa kabede. Oyo wakali nguwe. Mu kaindi buyo kaniini, kalanga ansi kuli banyina a kubona boonse balo kabatakwe Leza, kabatakwe Kristo. Nda kaamba, “Mbobuti mbo mukonzya kulangila kuponesegwa aa mbaakani eezi? Sa nywebo nga mwatambula Jesu Kristo mbuuli Mufutuli wanu wacigaminina?” Nda kaamba, “Sa nywebo nga mwa boola ku ciziba eci kuno a kubapatizigwa mu Zina lya Jesu Kristo nkambo kakujatilwa kwa zibi zyanu?”

Ba kaamba, “Tu la cita eco.”

¹⁰³ Oh, nywebo mulizi eco cakacitika. I mwanakazi ndiza uli kkede kuno kuseeni oku. Bunji bwanu mulikazi kaambo. Mukwesu Mike Egan, umwi wa basyomesi kuno, kalangilila kaambo. Eco cakacitika kutandila myaka yone na yosanwe yainda. I musimbi muniini wa kajosegwa kuli dokotela, kakutakwe akwalo umwi mukondo wa bulwazi bwa Hodgkin mbwaka janwa muli nguwe.

¹⁰⁴ Ino akali makanizi? Yebo waka jula nzila, lutaanzi. Mweelede kujana Silumamba, i Muuya Uusalala, kubikwa ku bbuwa lyankondo, oyo uubweza Ijwi lya Leza. Ngu Ijwi. Alimwi Ulii mvwi awo, takukwe cintu nociba comwe ciyo Wii mika mpawo. Takukwe cintu nociba comwe. Imwi aimwi ya nzila zimbi yajulwa. Mbuli buyo cijikilo ca maanzi ci jisi kapila kasinkide; wa bikka mulilo mukati, ciyo bbotoka kunyonyoona cintu cako. Ayo nge makani a Banakristo banji loko baka nyonyooka-cakubbotoka, ngu kaambo kakuti taba salazyi inzila, taba unki ansi kuli camukati. Yebo ulelede ku cisalazyi, manjezeezya, kwiibaluka, miyeeyo, kubikka ambali zintu zyoonse, a ku booola kuzwa muli camukati kuyanze, a Ijwi elyo lya Leza lisalala, kuti Ngu Bwini.

¹⁰⁵ Tacikwe makani ikuti na bali zyuulu zili kkumi bafwa aa lubazu *olu*, sunu, kabasyoma; bali zyuulu zili kkumi bafwa ku lubazu *olo*, juunza, kabasyoma; eco tacikwe cintu nociba comwe cakucita a ndime. Ndi muntu cigaminina. Ndime oyo umwi

ulimu kusyoma. Ndime oyo umwi uucizumina. Elyo tu labona kunze kuya kutala, ikuti na twali kuyanda ku jula nzila zyesu, ikuti na tulakonzya, a kubona. Tu la jana umwi *oyu* a umwi *oyo*, a umwi *oyu* a umwi *oyo*, bali zyuulu, kabapa bumboni.

¹⁰⁶ Pele dyabolosi uyo soleka kujoka ncobeni. Mwabona, ikuti na inga wanjila muya, noku ceya, wa zunda mpi yako ncobeni mpawo.

¹⁰⁷ Ikuti na kojisi magano aako, kubona, kulabila, kulimvwa, kununkizya, a kumvwa, zili buyo kabotu, pele uta zisyomi citakuti zya zuminana a Ijwi. Zili kabotu, pele, ikuti na tazizuminani a Ijwi, ta swiilili kuli nzizyo. Lino, kweezezya, manjezeezya, kwiibaluka, bupanduluzi, a kulimvwa kwakuyanda, zili kabotu ikuti na zila zuminana a Ijwi. Pele ikuti na kulimvwa kwakuyanda taku zuminani a Ijwi, ku gwisye. Inga wa bbotola kapila, ncobeni kufwambaana. Mwabona? Ikuti na bupanduluzi bwako ta buzuminani a Ijwi, ko zwa kuli mbubo. Cili kabotu. I njini. . .Ikuti na kwiibaluka kwako, ikuti na kweezezya kwako, ikuti na manjezeezya aako, kufumbwa cintu, taci zuminani a Eco calo cili camukati, ci gwisye.

¹⁰⁸ Ino ncizi nco jisi mpawo? Yebo ujisi bweende bwa zuba a mapulaneti. Aleluya! Ncico, Leza wakabikka inyenyezi mu ncililano a kwaamba, “Amulengelele awo mana Nka mwiite!” Zila kkala awo. Taakwe cintu ciyo zisunzya. Cindi Leza nakonzya kubikka muntu mu maanza Aakwe, mane wakonzya kubweza magano, manjezeezya, zintu zyoonse zya salazigwa, kusikila caima a Leza kunze lyaco, mu muuya; takukwe i dyabolosi mu nyika uunga wasyonka kuzumbauzya mukati muya. Cili luleme.

Ula boola koonse a kwaamba, “Yebo to limvwi kabotu nokuceya.”

¹⁰⁹ Manjezeezya oko ali fwide akwalo, kuli eco. I kapila kalasalala loko, kala ongolola, “Aleluya!” I kapila kalalizya ludweba, “Bulemu kuli Leza!” Kala balangala, camasimpe, mubuli kusalala buyo a kulibonya kabotu, ku Ijwi lya Leza kuti libeleke kwiinda mo, i Nguzu zya Leza. Mwabona? Eco nce cintu cipati.

¹¹⁰ Ndeelyo bbuwa lyanu lyankondo. Bbuwa lyanu lyankondo lili kusule awa ku matakilo, kusule awa mu buntu, kusule mu maanu ako obo bujula. I—i maanu ngo mulyango ku buntu, i mulyango ku muuya, mubwini. Maanu ako ala jula kulibambila a kutambula muuya, naula kaka i muuya. Yebo inga waba manjezeezya masyonto, a kulimvwa kuniini, a kunyanyamukwa kuniini, zintu ezi zyoonse. Eco tacikwe cintu nociba comwe cakucita a ncico. Oko ngo kunyanyamukwa buyo kuniini a zintu. Pele cindi ca boola ku kasimpe, maanu ako alaci jula kulibambila. Maanu ako naa bula citambula na kucikaka. Eco ncecico, beenzuma.

Leza, ta lekeli naba umwi wabo kutacimvwisya.

¹¹¹ Mwabona, ngo maanu aako obo aajula mulyango mukulibambila; na kujala mulyango, a kuswiilila ku manjezeezya aako, kuswiilila ku kwiibaluka kwako, kuswiilila ku kulimvwa kwakuyanda. Pele cindi bupampu bwako bwa lijilila ku zintu ezi, a kulekela Leza, i Muuya wa Ijwi Lyakwe, ku njila, Ula nyonyoona zimwi zya zintu. Kuzumbauzya koonse kwamana. Kuyooowa koonse kwamana. Kunyanyamukwa koonse kwa kuzumbauzya kwamana. Kulimvwa koonse kwamana. Kwiina cintu nociba comwe ciimvwi muya pele Ijwi lya Leza, nkabela Saatani takonzyi kulwana Eco. Peepe, munene. Ta konzyi ku Ci lwana. Lino, tu lizi kuti eco masimpe.

¹¹² Eyi nkondo ya kalutila kuzwa ciindi ca buzuba bwa muunda wa Edeni, i nkondo mu maanu aa muntunsi. Saatani wa kaitalika. Ino wakacita nzi cindi na kaswaangana Eva? Ta na katama Ijwi lya Leza, pele waka kusisa bubi kunze lya Ndilyo. Wa kasinka inzila zimwi ziniini awa aa busena bumwi. Wa kaamba, “Pele cancobeni Leza...” Matalikilo 3:1, Mwabona? “Cancobeni, Leza, zyoonse ezi zintu ezyo Nzya—Nzya—Nzya kasyomezya...” Wa kalizi kuti Ijwi lyakali luleme. Pele wa kalizi kuti na taka konzya kuyutuka buyo ncobeni a ku Li bisya, kucwema mbuli oko, pele wa—wa—wa ka Li bamba kuba akukwelelezya kwa-lucengo.

¹¹³ Mbuli baama bakali kunga batupa kuti tunywe musamu, elyo bakali kunga basola kubikka mulolo wa mafuleenke mu mafuta aa kkasita. Ma, kusola buyo kunywa mafuta aa kkasita kakutakwe mulolo wa mafuleenke! Kufumbwa cintu eco ca kucengeezya! Mwabona? Ba...Twa kali kunga tula buka ciindi ca masiku, elyo bakali kunga bala tupa mafuta aa mabwe aamalasha, alesya kukola akufundilila. Alimwi bakali kunga babikka mafuta aa mabwe aamalasha, a kubikka shuga aatala a nguwo; mwabona, kubanga nca kucengeezya. Pele akali kunga atandila kuumpa buyo tulenda twa lulimi, lwako, kuya ansi, shuga lyamana kulweela.

¹¹⁴ Ee, eyo nje nzila mbo yibede, mweenzuma. Saatani ulasola ku—ku kuba wa kucengeezya kujatikizya ncico. Ula sola ku kutondezya cintu cimwi cibotu kwiinda, i nzila ntete loko, makanze aamaanu maningi. Pele takukwe makanze aamaanu kwiinda eyo Leza nga kabamba ku matalikalo, Ijwi Lyakwe. Jata ku Ijwi elyo. Ba akujatilila maningi aali Ndilyo. Amu Li lekele libe akujuatilila aali andinywe. Kkala awo a Ndilyo. Eco nce—nce cintu.

¹¹⁵ I nkondo yakalutila cindi Eva na jula maanu akwe ku kulibambila, ku swiilila kumvwisisya kwakwe. Ako nke kapila mocaka njilila. Eyo i—i nje nzila mocaka selemukila, kumvwisisya kwakwe. Wa, mu buntu bwakwe, wa kabuzyabuzya.

116 Meso aakwe akakali kubona. Wa kabona nzoka. Ya kali mbotu, yeebeka, kubota maningi kwiinda mulumi wakwe wini. Wa kali aa maanu maningi kwiinda banyama boonse ba mu muunda, alimwi antela wa kali mbotu mainingi kwiinda mulumi wakwe. Wa kali kuboneka mbuli munyama wabwaalumi kaimvwi awo. Ino wa kali mupati! Elyo wa kali kusoleka kumwaambila mba kali cintu cipati.

117 Elyo cintu citaanzi nca kacita, wa kajula maanu akwe ku kulibambila. Elyo cindi na kacita, kumvwisisya bwa buntunsi kwaka cijata. “Baa, sa eco inga tii caba kubotelwa?”

118 Eco nce cintu ncacita ku mwanakazi sunu. Mwanakazi umwi a mulumi muniini mubotu, wa jana muntu wabwaalumi, umwi, mupati ncobeni. Oyu muntu yoosola ku jula bupanduluzi kulibambila. Yeeya, oyo ngu Saatani. Oyo ngu dyabolosi. Na, nzila imbi, mwaalumi ku mwanakazi, mwanakazi ku mwaalumi, kufumbwa nzila. Ino ula citanzi? Kubeleka mu nguzu ezyo zya kumvwisisya, ayo manjezeezya na cintu cimwi, citalika kweenda mumo.

119 Pele amupe Ijwi lya Leza busena butaanzi. I muntu takonzyi akwalo ku... Ta konzyi kubisya... Aleluya! Mboobu mbocibede. Eci cila boola, inyama. I muntu takonzyi kubisya kusikila lutaanzi wa sowela ambali Ijwi lya Leza. Ta konzyi akwalo kubisya, oko, nkutasyoma. Kusikila lutaanzi wa gwisya Ijwi lya Leza, i Busyu bwa Leza, ta konzyi kubisya.

120 Eva tana kakonzya kubisya kusikila lutaanzi wa kabikka ambali Ijwi lya Leza, kujula kubamba nzila yakwe ya bupanduluzi kwiinda ku buntu bwakwe, a kotalika kubuzyabuzya. “Baa, ncamasimpe. Mulumi wangu tana ndaambilide zintu ezi, pele Nda syoma kuti yebo... Wa kandaambila kuti ta Nde elede kucita eci, pele, yebo ulizi, yebo ula cibamba kuba kasimpe loko a antangalala loko. Nda—Nda syoma inga caba cibotu, nkaambo uli muku cibamba kuba antangalala loko kuli ndime.” Mwabona, njeeyo yakali nkondo ntaanzi. Alimwi, kwiinda mu nkondo eyo, yapesya lumamba oonse lumbi. Alimwi koonse kutilwa kwa bulowa oko kwakasola kuboola, kwa kacitya nkoonya kuya ku Edeni. Ta na kasyoma Ijwi lya Leza.

121 Elyo ikuti na kabeela kaniini maningi ka Ijwi lya Leza tii ka kasyomwa, kakacitya mapenzi oonse aya, mbobuti mbo tuyo jokela, akutasyoma Ijwi? Ta mukonzyi ku cicita. Kuleelede kulesya zintu zyoonse ezi zimbi, manjezeezya, kwiibaluka, a kwamba... kumvwisisya, a zintu zyoonse ezi zimba. “Kusowela ansi kumvwisisya.” Ta tubuziyibuzyi kujatikizya ncico, noku ceya, katutakwe cintu noku ceya.

122 Tu zumina buyo Ijwi aa mbaakani, “Leza wa kaamba boobu,” a kubikka kukunka kuzumanana aakati ka nduwe a Leza. I nzila zyoonse zila juka aakati ka nduwe a Leza, mpawo.

123 Njeeyo i nkondo, ku matalikilo nkoonya, bbuwa lya kulwanina. Tu tabelesyi twenti-tu raifo; a tujane i—i bbomba lya atomikki. Atu cite mulimo kabotu. Atu bweze bbomba lya tomikki ilya Leza. “Ino ncinzi, Mukwesu Branham?” L-u-sy-o-mo mu Ijwi Lyakwe. Elyo nde bbomba lya atomikki ilya Leza. Li lanyonyoona malwazi a badyabolosi, kululyo a kulumwensi. Li—li la zinyonyoona. Kuzisalulula. . . Oh, ngu. . . Li lanyonyoona buyo. Li lamwaya zyoonse zintu ezyo zitali zya bunaleza. Cindi elyo bbomba lya lusyomo lyalokela mukati muya, a Ijwi lya Leza kunze lyandilyo, lila mwaya badyabolosi oonse, kuciswa koonse, malwazi oonse.

124 Yebo wati, “Sa eco cili luleme, Mukwesu Branham? Nkabela nkaambonzi lilacita, aali bamwi, a kutali aali bambi?”

125 Ngu kaambo ka nzila. Yebo inga walangisisya a kucibona. Pele weelede kuba acalo mukati *awa*, kulanga nzila *eyi*. Kutali anze *awo*, kulanga mukati; weelede kuba mukati, ku langisisya. Mwabona? Yebo tokonzyi ku boola kwiinda mu bupanduluzi. Yebo tokonzyi ku boola kwiinda mu zintu ezi zimbi. Yebo weelede ku boola ansi ncobeni ku nzila ya Leza ya ncico, moonya mu buntu. Nkabela mbobuti mbo cicita? Ino nzila ya mamanino ninzi?

126 Iyo pandu-. . . nkoonya kuya ansi. Yebo wati, magano, “Oh, inga Nda—Nda cimvwa. Inzya, nceeco we. Uh-huh. Oh, nga Nda—Nda cinunkizya, na azimwi zimbi. Ezi zintu nkozili. Inzya.” Cintu cicilila, wa buzyabuzya, “Ee, ciboneka mbuli kuti ulelede kuziba eco nca mbaula. I dokotela waamba kuti ta Ndi konzyi kuba kabotu. Eco ci leelede kuba.” Yebo wabona, mponya awo uli—uli lubide. Oyo ngu dyabolosi kaimvwi awo. Oyo ngu dyabolosi kasyonka zintu ezi muli nduwe. Uta ci syomi.

127 “Aleluya! Ijwi lya Leza lya kati Ndiyo. . . ‘Aatala a zintu zyoonse, inga Nda yanda kuti muzwidilile munseba.’ Cili luleme.” Mbobuti mbo konzya kuba silumamba ncobeni kubusena kuya? Mwabona, “Ndi yanda ndinywe kuti muzwidilile munseba.”

128 Nceeco we, mponya awo, nzila ezyo. Ko zibweza buyo, kujula kulibambila. Uta zyeenguluki buyo.

129 Mpawo ikuti Saatani wakonzya kusika kwiinda muya, kukonzya kupona kwiinda mu manjezezya aya a zyoonse ezi zintu zimbi, mpawo ula selemukila awa ku mamanino aa buntu, mu maanu. Lino, ikuti wakonzya buyo ku kujata. . . To ka—to ka langi aali cimwi ca zyo kusikila lutaanzi yebo weelede ku mulekela kunjila *awa*. Yebo weelede ku mulekela kunjila mukati. Mpawo cindi aa njila, waba bweendelezi. Mpawo ino ncinzi nca cita? Ula talika kubelesya manjezezya. Ula talika kubelesya *eyi*, talika kubelesya nzila *eyi*. Ino nci nzi? Kubona, kulabila, kulimvwa, kununkizya, kumvwa;

kweezezya, manjezeezya, kwiibaluka, bupanduluzi, kulimvwa kwakuyanda. Ula talika kubelesya nzila ezi ziniini zyoonse zyandeene, kufumbwa kuti wakonzya ku njila, aatala aali cimwi *eci* awa. Uu leelede ku boola mu maanu ako, lutaanzi, alimwi yebo weelede ku cizumina. Ci konzya... Amuswiilile. Inga wakudinka dinka, pele takonzyi kusika kuli nduwe kusikila wa ci tambula.

¹³⁰ Cindi Saatani na keenda kuya kuli Eva, a kwaamba, “Yebo ulizi, i mucelo uleebeke.” Wa kaima kwa kaindi kaniini. Oh, eco cindi naka pangaa bulubuzi, cindi nakaima kwa kaindi kaniini.

¹³¹ Uta imi nkambo cintu cili coonse. Uli jisi Mulumbe. Jesu ulapona. Leza ngu Sikuponya. Oyo ngo Mulumbe. Uta imi nkambo cintu cili coonse, taakwe kumvwisya, taakwe cintu nociba comwe cimbi.

¹³² Pele wa kaima kwa kaindi kaniini. Awo nce cindi Saatani na keenda moonya mu maanu ayo. Kaamba, “Ee, cili mvwisya kutambulika kweelede.” Oh, uta citi eco. Kobweza buyo eco Leza nca kaamba.

¹³³ Abrahamu, ino ikuti na kaima nkambo ka kumvwsisya, cindi Na ka mwaambila kuti uyooba a muvwanda kwiinda muli Sarah, alimwi waa kali makumi aali cisambomwe-ayosanwe alimwi walo makumi aali ciloba-ayosanwe? Alimwi cindi nakali myaanda, alimwi waa kali—alimwi waa kali makumi aali fuka; wa, nekuba, wa—wa—wa kazumina kuti Ijwi lya Leza lyakali bwini. Elyo wa kaita zintu ezyo, zyalo zya kataliko, mbuuli kuti zya kaliko. Mwabona? Wa... Abwalo bulangizi, sa kwakacili bulangizi buli boonse? Ta na kabelesya bulangizi akwalo.

¹³⁴ “Ee,” yebo wati, “Ndi langila kuti inga Nda ba kabotu. Ndi langila kuti Ndi lapona. Ndi langila kuti Nda jana Muuya Uusalala. Ndi syoma kuti Ndili Munakristo. Ndi langila ku cita *eci*.” Yebo to ciyandi eco.

¹³⁵ Abrahamu tana kalanga akwalo kuli eco. Amen. “Nibwakamana bulangizi, wa cili kusyoma Ijwi lya Leza.” Lusyomo lula indilila bulangizi. Lusyomo luzwa kusule *awa*, muli camukati. Lusyomo luzwa *awa*.

¹³⁶ Mbobuti mbwa njila? Kwinda mu maanu ayo, oyu—oyu mulyango, bbuwa lyankondo ka liimvwi awo.

¹³⁷ Lino, cindi wa bamba nkondo mukulibambila kulwa! Lino, dyabolosi uli kkede ncobeni ku myoyo yoonse, kuseeni kuno. Uli kkede, moyo wa musimbi oyu muniini. Uli kkede ku moyo wako. Uli kkede koonse kuya. Uli mukwaamba, “Oh, Nda bona wa kasoleka kale. Nda kamvwa eco kale.”

¹³⁸ Mu mutande. Ngo koonse. Mu mutande. Ino Bbaibbele lya kaamba kuti nzi awa, cibalo cesu? “Ku mutanda.” Cili kabotu. “Ku mutanda.” Twa ka yiisigwa.

139 Nda yeeya, “Ino ncinzi casyupa ndiswe to bakambausi?” Ndi yeeyela kuti na musyobo nzi wa kuyiisigwa ngo twa ka jisi.

140 Leza uli mukuyiisya nkambo ka nkondo eyi mpati. Matayo 24 ya kaamba awo, alimwi awalo Daniele 12, kaamba, “Ku yooba cindi ca mapenzi, mbuli eyo atanabede aa nyika.” Alimwi tu li mukupona mu ciindi eco, cindi zilengwa, a lwiiyo, a zintu, zya sinkila atala ku Ijwi lya Leza, a kunjila mu kumvwisisya a zimwi zimbi. I nkondo iili eno. Nguni uyo ima? Aleluya! I nkondo yali bambila ku njila. Yaba iibambidwe kulwa. Amu lange kulwanwa kupati nko tu jisi kutala.

141 Nguni uyo ba mbuli Davida? Kaamba, “Mu laima a kulekela mu Filisiti oyo utapalwidwe kusampaula impi zya Leza muumi? Nda inka nka mulwane.” Ameni. Leza uyanda baalumi a banakazi kuseeni kuno abo bakonzya kubuka a kwaamba, “Njo bweza Mwami ku Ijwi Lyakwe.” Ameni. Takukwe makani eco cikakila, awo *eci* a *eco*, alimwi acalo *eco* umwi nca kacita. Eco tacikwe cintu nociba comwe cakucita a ncico. Nywebo nobana Saulo, a bamwi bambi, ikuti na mwa muyoowa, amu jokele oko nko muzulilwa. Pele, mpi ya Leza iili mu kweenda kuya kumbele, ameni; bantu basintaze, bantu ba—ba—ba lusyomo, bantu ba nguzu, bantu bajisi kumvwisisya. Ta beelede kuba basongwede. Ta beelede kuba bayiide. Ba leelede kuba inzila. Leza ula bweza nzila ezyo ziniini.

142 Wa kaima kwa kaindi kaniini, ku buzyabuzya, kwaamba, “Ee, eno, atu bone.” Ee, mbuli buyo, ino kuti . . .

143 Oyu mulindu muniini, kuseeni kuno, takukwe kuzumbauzya kuti dokotela wa mwaambila, uli buyo afwaafwi kufwa. “Taakwe cintu nociba comwe cikonzya kucitwa.” Ee, eno, eco ngu dokotela oyo. Ta ndimupi mulandu. Oyo muntu ngu muntu wa zya sayansi. Ula bona kuti bulwazi bwa zunda mubili wa mwana. Ta cikonzeki ku cintu cili coonse. Ta jisi musamu oyo uyo cilesya.

144 Mbubonya obo kkulenge elyo lyakazunda mwanakazi oyo; masimpe, lufu lwakazunda mwana oyo; pele Silutwe wesu Mupati, aleluya, wa mpi eyi mpati, Ngu bubuke a Buumi. Taakwe cintu nociba comwe cikonzya ku Mu zunda. Aleluya!

145 I basyabupampu ba mpi bakkede muli basilutwe babo, i bupampu. Rommel, mu Germany, wa kali bupampu bwa Germany; kutali Hitler. Rommel! Cili kabotu. Eisenhower! Bantu basimpi! Patton! Bantu aba bakali ku busena bwaku lwanina, citola kuti ni nzila nzi nje bapa kulailila. Amu tobel silutwe wanu, ikuti na musyobo uululeme wa simulimo wiinda maningi. Ikuti na musyobo uululeme, ikuti na ngu simulimo wiinda maningi wa ntepe-zyone, ikuti na wakasolekwa, ikuti na wakasolekwa kuba uululeme, amu mutobe. Nekuba kuti inga caboneka kulubila, kuli ndinywe, amu zumanana kuya ku busena bwaku lwanina. Amu cite mbuuli mbwa mwaambila.

146 Aleluya! Tu jisi Simulimo wiinda maningi wa ntepe-zyosanwe, ulambwa kuti J-e-s-u-s, kubbikka ntepe zyosanwe aali ndiswe, f-a-i-t-h. Ta na zundwa nkondo pe. Aleluya! Wa kazunda lufu, gehena, a cuumbwe. Amu gwisye badyabolosi mu nzila. Ngu Silutwe Mupati ncobeni. Aboobo, i dyabolosi akwalo tako mu ciimo.

147 I nkondo mpatimaningi eyo yakalutila lyoonse, iili kkede ncobeni kailibambilide eno. Ncamasimpe, mbo ibede. Oh! Aleluya!

148 Cindi Nda yeeya njiyo! Cindi ni Nda kaima a ku Mu langilila kacita zintu, ku Mu bona kayubununa zintu, ku jula zintu, kwaamba, “Ci yooba nzila *eyi* a nzila *eyo*,” nceeco we! Oh, kolanga kusule *awa*, a kwaamba, “Nguni oyu Silutwe mupati?” Oh, ta Ndi langi kusule a kubona kuti na ngu Dokotela *Boobu-a-boobu*. Ndi bona eco Silutwe nca kaamba. “Ngu Silutwe wa lufutuko lwesu.” Aleluya! Ino lufutuko ninzi? Lwangukulo! Bulemu! “Ngu Silutwe wa lwangukulo.”

149 I ora pati lya mulimo lili afwaafwi. Aleluya! Silumamba, a zilwanyo kazibalama, mibala kiluluma! Lusyomo a kuzumbauzya zyali bamba mu kulibambila kulwa, mu cikombelo eci, kuseeni kuno; kuzumbauzya alubazu lumwi, lusyomo kuli lumbi. Basilumamba, amwiime aa bulizi bwa mulimo wanu. Aleluya! Silutwe Wesu, i Nyenyeezi ya Bucedo, lazumanana kusolola. Ta joki pe. Ta (zi) zyi i bbala kudilika. Ta yeelede kudilika. Ameni. Ncamasimpe.

150 I nkondo mpatimaningi yakalwanwa lyoonse, iili muku citika nconbeni mukati awa eno, iiyi, munene, aakati ka buumi a lufu, aakati ka kuciswa a nseba, aakati ka lusyomo a kuzumbauzya, oh, ma, aakati kabulubusi a bwaangwe. I nkondo ili muku citika! Amu balamye masumo aanu, basilumamba. Amu bambulule zilwanyo. Leza uli mukubamba basilumamba Bakwe kulibambila. Ameni. Leza ula nanika mpi Yakwe.

151 America ila samika basilumamba bayo mu bubotu maningi ezyo nzyoba konzya kusamikwa, ngowani zya lubulo, a zilwanyo, alimwi a kufumbwa nzyo ba jisi, myotokala iibikkidwe matobolo malemu mapati, kufumbwa moba njila.

152 Leza ula samika mpi Yakwe. Aleluya! Ino nzi belesyo nzi nzitu belesya? I Muuya wa Ceba, Ijwi lya Leza! Ameni! “I Ijwi lya Leza ndi ceba libosya koonse,” Bahebrayo 4, “kuyasa akwalo kwaandanya i cifuwa, akwalo i—i mumpolyo wa cifuwa, akwalo Sikuziba wa miyeeyo ya maanu.” I Ijwi lya Leza! Ku syoma Ijwi Lyakwe, alimwi eyo nje nzila Leza njasamika zilwanyo.

153 Eco nce cico Nca kapa Eva kulibamba lwakwe acilwanyo. Elyo wa kajaya cilwanyo cakwe. Ino wakakonzya buti kucicita? Kwiinda mu kujula maanu akwe kulibamba ku buzyabuzya. Yebo to buzyanyi a Ijwi lya Leza. Ta likwe

bumvwisye. Yebo...Ndi Ijwi buyo lya Leza. Takukwe i—takukwe i kuzumbauzya kujatikizya Ndilyo. Takukwe kumvwisisya kuli Ndilyo. Ndi Ijwi lya Leza. Eco cila cisitikizya. Eco cila cibamba. Eco cila cisitikizya buteeli.

154 Wabona eco nce Nda amba, muyandwi? [I mucizi uucisidwe waamba, “Ameni.”—Mul.] Ngu Ijwi lya Leza. Leza wakali syomezya. Leza wa kaamba boobo.

155 Ba kaamba kuli Abrahamu, “Mbobuti mbozi kuti uyooba a muvwanda oyo?”

“Leza wa kaamba boobo.” Eco caka cisitikizya.

“Ee, nkaambonzi tomu tambwide?”

156 “Ta ndizi cindi ne Ndi yoomu tambula, pele Ndi yoomu tambula. Leza wa kaamba boobo. Eco ta cikoondilesya nokuceya.” Wa kai- . . .

157 “Nkaambonzi to zumanani kujokela ku muunzi wako, oko nko kazwa?”

158 “Nde elede kuba muzwakule alimwi a mweenzu mu nyika eyi.” Ameni! . . .? . . . “Leza wakapa cisyomezyo. Leza uyoopa muvwanda moonya mu nyika eyi oko Nkwa ka ndituma.” Aleluya!

159 Leza ula kuponya moonya mu bube obu bwa Muuya Uusalala, oko Nkwa ka kutuma. Leza uyo cipa kuli nduwe. Ko cisyoma buyo. Ameni. Amu jule tupila twalo twa buntu a mubili, magano, a manjezeezya, elyo mulekele buyo Ijwi lya Leza linjile lutaanzi, mubweze maanu oyo. Ndeelyo bbuwa lyankondo.

160 Kutali kwaamba, “Ee, ikuti na Nda konzya kucimvwa, ikuti na inga Nda mvwa Bulemu bwa Leza kabuli mukuwa! Oh!” Eco tacikwe cintu nociba comwe cakucita a ncico; taakwe a cintu.

161 Amu jule maanu ayo. Elyo nde bbuwa lyankondo. Mpaawo a busena i nkondo mpoibede mukulibamba kulwa, mponya a bbuwa lya kulwanina, maanu ako. Amu bujule kulibambila, a kwaamba, “Ndi. . .Kuzumbauzya koonse, Nda zumbauzya buzumbauzi kwangu.” Ameni. “Ndili muku zumbauzya buzumbauzi bwangu eno. Ndili muku syoma Ijwi lya Leza. Mpaawa Nda boola, Saatani.” Cintu cimwi ciyo citika. Masimpe, ci yoocitika. Iiyi, munene.

162 Ula nanika bazike Bakwe a Muuya Wakwe. Ula batumina baangelo. Bantu bala sampaula eco, ziindi zimwi, “baangelo.” A ndi—a ndi ye buyo ku cintu cimwi awa a ndinywe, kwa kaindi kasyonto buyo. A tu jule awa ku Bahebrayo, kwa kaindi kaniini buyo. Bahebrayo i caputa 4, caputa 4, alimwi atu. . .Nda amba, i caputa 1 ya Bahebrayo, alimwi atu jule ku kampango ka14.

Sa taili yoonse eyi myuuya iikutauka eyi, itumidwe kuzwa. . .itumidwe kuunka kuyo kutauka kuli balo abo bayooba baswaana ba lufutuko?

...nguli umwi wa baangelo oyo ngwa kaamba...
Kokkala yebo aa janza lyangu lyalulyo...?

...boonse baangelo ba Leza...

¹⁶³ Lino, awa Bbaibbele lila jokela ncobeni a kutwaambila awa, kuti Leza ula tuma baangelo. Bulemu! Ino mbaa nzi? “Myuuya ikutauka.” Bulemu! Myuuya ikutauka, yakatumwa (kuli?) kuzwa ku Busyu bwa Leza. Ino kucita nzi? Kukutauka Ijwi Lyakwe. Ameni! Ta yeelede kukutauka lwiiyo lumwi lwa zyakukombi lwa nkamu imwi yakabungwe, pele kukutauka Ijwi Lyakwe. Nce cico. “Myuuya ikutauka, yaka tumwa.”

¹⁶⁴ Mbobuti mbo tuziba kuti mboibede? I Bbaibbele lya kaamba, kuti, “I Ijwi lya Mwami lyaka boola ku basinsimi.” Sa eco cili luleme? Aba baangelo bakutauka Ijwi Lyakwe, kwiinda mu Muuya Wakwe; kukutauka i Ijwi, kwiinda mu Muuya Uusalala. Alimwi i Muuya alimwi a Ijwi lyaka boola ku basinsimi, elyo basinsimi baka jisi Ijwi lya Leza. Aako nke kaambo nco bakali kukonzya kucita maleele ayo nge bakacita. Ta na kali muntu pe; wa kali Muuya wa Leza mu muntu. I Muuya wa Kristo mu muntu, nkambo ka Ijwi lya Leza. Ino wakacita nzi? Kasalazya inzila zyoonse. Leza wakali musalide, elyo wakali nanikidwe a Muuya Uusalala. Elyo tana kali nguwe. Takukwe nakacita kufumbwa cintu kusikila wa kacibona sansi mu cilengaano. Eliya wa kaamba, aa Cilundu ca Karimeleki, “Koonse oku Nda cita ku kulailila Kwako. Lino, Mwami, aku zibwe kuti Yebo uli Leza.” Oh, bulemu kuli Leza!

¹⁶⁵ Nda cibona ziindi zinji loko, cindi wa bona Muuya wa Leza kuuma busena, elyo busena obo bulaba kungsi aa bunanike! Ikuti na nkamu eyi niini mukati muno kuseeni kuno, yakonzya buyo kubweza maanu aya awa, kugwisya kuzumbauzya koonse mu nzila! Mbobuti mbo cino zumbauzya limbi, cindi mwabona bafwide—i bafwide kaba busigwa, i balema kweenda, i boofu kubona, i basinkematwi kumvwa?

¹⁶⁶ I Angelo wa Mwami, acalo cifwinikiso Cakwe kacilengelela awa aa bulambo, sayansi yabuzya mukubula bwiinguzi, masena oonse. Ino Uu cita nzi? Amukkale ncobeni a Ijwi. Ameni! Li latenda badyabolosi oonse. Iiyi, Li lacita. Ino Nci nzi? “I myuuya ikutauka, itumidwe kuzwa ku Busyu bwa Leza,” kunanika bakanazi ba Ijwi, abo bakkala a Ijwi. Elyo Ula simpikizya Ijwi a zitondezyo kazitobela, kuleta Jesu mbobuca nguwenya, sunu, amuya myaaka. Nceeco we.

¹⁶⁷ Mbobuti mbo tukonzya kuzumbauzya, cindi Nali zyoonse zyasayasi, zyakunyama, zyakumuuya, nzila zyoonse ezyo zikonzya kutondezegwa, Wa tondezya awa na?

¹⁶⁸ Ino makani nzi? Ngu maanu esu. Tu la jula maanu esu ku cintu, kwaamba, “Ee, eno, ta ndizi naa inga caba na pe. Ndiza, ikuti na Nda mvwa kabotu juunza.” Oh, eco tacikwe cintu nociba comwe ca kucita a ncico.

169 Mbuuli mbu Nda kaamba kanji, Abrahamu inga na kaamba kuli Sarah... Wa kaliindide mwaka wakukomena wa—wa kuba mwanakazi. Nywebo mulizi eco nce Nda amba; ngu ciindi ca buumi, mazuba aakwe aali makumi obile-aali lusele. Mwabona, wa kali a myaka iili makumi aali cisambomwe-ayosanwe yakukomena. Antela wa kali ciindide, kwa myaka iili kumi ayone, makumi obile. Elyo wa kaamba kuli nguwe, ndiza, mazuba masyonto aacilila, kaamba, “Yebo ulimvwa lwaandano luli loonse na, oyandwa?”

“Taakwe lwaandano noluceya.”

170 “Eco tacikwe cintu nociba comwe cakucita a ncico. Tu li muku zumanana kweenda ncobeni, munzila iili yoonse. Ee, eno, ikuti na watalika kujoka mbuli i—i mwanakazi mukubusyi alubo, tu lizi, kwiinda mu bulowa obo bwa buumi, ee, mpawo, tu jana kuti kuya eco ciyo kwabilila muvwanda, nkabela zintu zyoonse ziyooaba kabotu. Lino, yebo ulimvwa lwaandano noluceya na sunu? Waba mweezi kuzwa ciindi Na ka ndi syomezya. Yebo ulimvwa lwaandano noluceya na, oyandwa?”

171 “Taakwe nokuceya, Abrahamu. Takukwe citondezyo, takukwe cintu. Ndi—Ndi cili buyo mbuli mbu Nda—Nda bede eno kwa myaka yainda misyonto. Takukwe lwaandano noluceya.”

“Bulemu kuli Leza! Njo mu tambula, munzila iili yoonse.”

172 “Sena upandulula kuti, Abrahamu, atala... Langa, ikuti na Wa ka ku syomezya, cancobeni inga Wa tupa citondezyo nzila *eyi*. Cancobeni inga Wa tupa citondezyo.” Huh! Aleluya!

173 “I nzyalani ya bubi iikompeme iya ndaula zitondezyo.” Cili kabotu. Wa ka jisi citondezyo. Ino cakali cinzi? Ijwi lya Leza. Eco cakali citondezyo.

174 Mbobuti Leza mbwanga waponya mwana oyu? Ijwi lya Leza lya kaamba boobo; ikuti na Nda mvwa kunyanyamukwa, na taakwe kunyanyamukwa. Ikuti na... Tacikwe makani eco cicitika, Leza wa kaamba obo. Eco cila cisitikizya.

175 Abrahamu wa kaamba, “Bweza tungowani twako twatutambo azintu zyoonse antoomwe, tu limu kunyamuka kuya ku nyika.”

“Nkokuli yebo nkoya?”

176 “Ta ndizi pe.” Ameni. “Pele, tu launka, munzila ili yoonse. Mpaawa tweenda!” Kalongela a kuunka. Aleluya! Elyo nde Ijwi lya Leza lyakasimpe. Ino ncinzi cakali kukwelelezya kumbele lyakwe? I cisyomezyo ca Leza, i Ijwi lya Leza. “Tu yomu tambula.”

177 “Kozwa aakati ka bantu bako, Abrahamu. Bali, i cintu ca ncico ngu, mba sikuzumbauzya a basikutasyoma. Ba yooku njizya mu ciimo nciconya. Ko zumanana kuzwa. Lyandaanye lwako, elyo uponene Ndime.” Ino nci nzi?

“Kosiya oonse manjezeezya magano aako kunze lyako, mbuli obo. Kojula maanu ako, alimwi yeeya, ngu Ndime. Boola, pona a Ndime.” Ameni.

¹⁷⁸ Leza uli mukwiita Lunyungu loonse lwa Abrahamu, kuseeni kuno, ku musyobo oyo nguwenya wa buumi. Nkondo mpati iili mukucitika eno, nyika yoonse. Leza uyanda bana Bakwe kulyaandanya lwabo kuzwa kunzi? Kubona, kulabila, kulimvwa, kununkizya, kumvwa; kweezezya, manjezeezya, kwiibaluka, bupanduluzi, kulimvwa kwakuyanda; zintu zyoonse. Amujule maanu enu a kulekela Ijwi ku boola mukati, a kweenda a Ijwi. Oyo ngo silumamba wakasimpe.

¹⁷⁹ Eyo nje nzila inyenyezi mbo ziima. I bweende bwa zuba a mapulaneti ta buna cinca; i zodiac. I nyenyezi yaku bucedo ilazwa akuba aa bulizi bwa mulimo wayo, kuseeni akuseeni, mbubonya buyo nzila mbo ya kacita cindi nyika niya lengwa. I nyenyezi yaku mangolezya ila bweza busena bwayo; nyenyezi zyoonse. I Nkamu Niini ya nyenyezi zili ciloba zimwekesya, alimwi mpaonya aa ciindi ceelede, ili mbonya buyo awo mpo yeelede kuba. I Nyenyezi yaku Nyiika iliimvwi nji elyo taisunzuki. Aleluya! I zintu zyoonse zila zyunguluka Nyenyezi yaku Nyiika, zyoonse zimwi zyazyo, nkaambo ili mponya aakati ka nyika.

¹⁸⁰ Oyo ngu Kristo. Ameni. Uli imvwi awo, ulalalila mpi Yakwe mbuli Siltwe mupati.

¹⁸¹ Mbuli Musa aatala lya cilundu a maanza aakwe mujulu, elyo Israyeli yakali kulwana, kupanga nzila yabo yakwiinda kwiinda mukugonka, elyo wakaima a maanza aakwe mujulu. Wa kaima a maanza aakwe mujulu kusikila zuba lyaka bbila. Ba kali kujisi maanza aakwe mujulu. Oyo wakali Musa.

¹⁸² Wa kali cikozyano ca Kristo. Kuba masimpe kuti maanza Aakwe aa kakkala mujulu, maanza Aakwe aa kagagailwa aa ciingano. Aleluya! Elyo Wa kakkwela nyika iila kagwagwa atala ya Bulemu, sunu, a zikobela Zyakwe Zyabulowa kumbele lya Leza, ku janza lya lulyo lya Bupati Bwakwe Kuya. Alimwi i nkondo, kuli silumamba oonse, uyo panga nzila, yakwe yakwiinda kwiinda mukugonka. Ta ndikwe makani eco cicitika; a Ijwi lya Leza, uyo lyangulula kwiinda mukugonka. Ameni.

¹⁸³ Mbuli kana ka nkuku mu ji, ino ikuti na kayoowa kusondela? Ino ikuti na ka yoowa kugogomwena ji? Ino ikuti na ka nkuku kaniini mukati ka ji, kayuni kaniini, kakali yoowede kukonkomona cipapa ca ji? Ino ikuti na nikakamvwa kulimvwisya kuli caanze, kwaamba, “Uta konkomoni cipapa eco, inga walicisa lwako”? Pele bulenge lwabo, mu kayuni, bula kaambila, “Ci gogomone! Kodonkola kapulo muli ncico.”

¹⁸⁴ Amuleke tubunga toonse twa kaindi twaambe, “Mazuba aa maleele akainda. Yebo uyo licisa lwako. Yebo uyooinka mu ciimo cakwiindilizya.”

185 Kogogomona ncobeni aa cipapa, ca nguzu buyo mbuuli mbo konzya. Aleluya! “Saatani, zwa awa! Ndili mukuzwa awa.” Nce cico. “Ta ndikoolala awa, limbi pe. Ta ndili mukukkala awa, limbi pe. Ta ndi cili aa bbuwa eli lya dyabolosi wa kaindi. Ndili muku konkomona nzila yangu kuti ndizwe, kuseeni kuno. Ameni! Ndime sikwaze.” Ameni! Aleluya!

186 Pele ako ka sikwaze kaniini ka kaindi, eyo nsingo ya simugogomwena wakaindi kuya, kakagogomona cipapa eco. Takukwe makani obo cipapa mbo cakali ciyumu, ka kagogomona kuzumanana ncobeni kwiinda muli ncico. Cintu citaanzi mulizi, mpawo, ka kakonzya kuumauma mababa aako asyonto. Wa kali kabotu.

187 Kogogomona kubamba nzila yako kuti uzwa. Cili kabotu. Mbobuti mbo cicita? Ku cinyonyoona a, “MBU BOOBU MBWAAMBA MWAMI. MBU BOOBU MBWAAMBA MWAMI. MBU BOOBU MBWAAMBA MWAMI.” Kumalekelo, yebo ula talika kununkizya muwo umwi mubotu. “MBU BOOBU MBWAAMBA MWAMI.” Kobikka mutwe wako aali caanze. “MBU BOOBU MBWAAMBA MWAMI.” Tonta ca nguzu, uli mukuzwa!

188 Ta cijokeli ku cipapa alubo. Ameni. Ula ngulukide. Oh, ma! Elyo Ijwi lya kkalikila buyo ansi, kwiinda mu magano aya oonse a manjezezya a zintu, ku kkalikila ansi *awa*, alimwi maanu obo mbwa jula kulibambila a ku Ci lekela. O Leza, koba fwida luse! Takukwe cintu nociba comwe cakucibikka mubwaangwe alubo. Yebo uli angulukide. Oyo walo Mwana ngwaangulula uli zwide mu cipapa. Kabungwe kako taka konzyi ku kujosya. I dyabolosi takonzyi kucita kufumbwa cintu cimbi kuli nduwe. Inga wavuluma a kukwiila, mpawo.

189 Pele yebo ulimu Mugwagwa mupati, koli mukuzuza alubilo lupati, oh, ma, kuzuzaana atala ku Mugwagwa mupati wa Mwaami, silumamba unanikidwe wa ciingano. Alimwi ngu ndinywe nyoonse basikwaze, a lusyomo, mwaambilizye Jesu, i Mumuni wa nyika, zuzila atala ku Mugwagwa mupati wa Mwaami. Masimpe. Iiyi, munene!

190 Eyi ngo “myuuya ikutauka,” itumidwe kuzwa ku Busyu bwa Leza, kuba bakutausi, ku kutauka (nzi?) Ijwi Lyakwe; kutali lwiiyo lumwi lwa zyabukombi, pele Ijwi lya Leza. Ngu myuuya ikutauka, yakatumwa kuzwa kuli Leza, kuti ikutauke. Myuuya ikutauka! Oh! Alimwi, amuyeeye, ikuti na wakutauka cintu cimwi kunze lya Ijwi, tii wakazwa kwa Leza pe. Nkaambo, “Ijwi Lyako li simpikisigwa lyoonse mu Julu.” Lyoonse, mu Julu, i Ijwi, Leza ula Li mamela. Alimwi kwiina Na yotuma i muuya ku kutauka cintu cimwi kunze lya Ijwi.

191 Kwiina nayo tuma muuya ujisi D.D.D., Ph.D., mapati ncobeni a kkola lyakwe kali nyonedede ku zyunguluka kusule,

zintu zyoonse mbuli eco, kwaamba, “Ee, mu bwini, i mazuba aa malele akainda. Tu lizi toonse eco.” Peepe, peepe. Eco tii cakazwa kuli Leza. Ci liimpene ku Ijwi. Ameni.

¹⁹² Ula tuma bamwi abo bakutauka Muuya wa Ijwi. Ameni.

¹⁹³ Oh, Nda jisi zintu ziciliko zitandila kuli zyone na zyoosanwe, pele Ndi laleka kwaamba kujatikizya ncico a ciindi ecino, ndi yozi jokela Nsondo iicilila. Ncibotu.

Saatani a badaimona aakwe bali nanikidwe.

¹⁹⁴ Ikuti eyi myuuya ya baangelo ili nanikidwe kumu letela Ijwi, ku mupa kuti musyome Ijwi, eno sa inga mwabona awo mpo mwakasola kumvwa musinsimi, musinsimi wakasimpe wa Leza, kukaka Ijwi lya Leza? [Mbunga yaamba, “Peepe.”—Mul.] Peepe, munene. Ino ncinzi cakacitika cindi tubunga twa buzuba bwabo ni twa kabuka a kwaamba, “Lino, uli lubide”? Wa kaima kakwiina lugwasyo, a kwiima alike. Wa kaamba, “Cili luleme.”

¹⁹⁵ Amu lange kuli Mikaya kunselelo kuya buzuba obo, i mubumbulusi-uusalala, mwabona, mwana wa Imula. Kwakali bali myaanda yone baka nanikidwe, bakeelede kuba, basinsimi ba nanikidwe kabaimvwi kutala kuya, boone bakali kusaninwa, a kubambwa kabotu, a ma digrii mapti ncobeni, a basicikolo basongo aba kayiya muziimo zyaatala. Kaamba, “Koya kutala, mwaami wesu uusyomeka. I Mwami abe anduwe. Eco cizulilwa kuli ndiswe. Joshua wakacipa kuli ndiswe. Aboobo yebo koya kutala a kuyo cibweza. Eco cili luleme ncobeni. Yebo koya kutala a kuyo cibweza. Inzi . . .” Wa kaamba, “Ee, Josh- . . .”

¹⁹⁶ Nywebo mulizi, Josafati wa kaamba, “Sa takukwe umwi umbi na, kubusena bumwi?” Ee, ba ka jisi bali myaanda yone. Nkaambonzi kuta syoma ibali myaanda yone? Wa kaamba, “Pele, ncaobeni uli jisi umwi umbi, kubusena bumwi.”

¹⁹⁷ Kaamba, “Ndi—Ndi . . . Ee, tuli jisi umwi. Kuli umwi umbi, pele, oh, Nda musula.” Huh! Mwabona?

¹⁹⁸ “Ngooyo—ngooyo, ngo muntu ngu Ndi yanda kuswiilila, mwabona.” Kaamba, “Mu mulete kutala. Atu bone eco nca yooamba.”

¹⁹⁹ Elyo aboobo bakainka kuyo mwaambila, kaamba, “Lino, amuswiilile. Yebo bamba nkambauko yako kabotu buyo, kuseeni kuno, nkaambo uyo kambauka ku mwaami. Yebo uyo kambauka ku . . . yoonse i—i nkamu ya bukutausi ya *boobu-a-boobu*, yebo wabona, ya Palestine, inkamu yoonse ya bukutausi. Lino, nywebo mulayeeya, nceeci eco ncoba kaamba. Yebo aamba cintu nciconya. Yebo usyome cintu nciconya.” Oyo muniini . . .

²⁰⁰ Wa—wa kajisi muntu ulubide muya. Oyo muntu wakazwa ku kumvwisisya oku kwa kaindi. Wa kasalazya tupila, mwabona, manjezeezya akwe.

201 “Elyo, ee, nkaambonzi, yebo ulizi ezyo nzoba yoochita? Ikuti na ukaambe cintu nciconya, Nda yeezezya kuti bayo kubamba kuba mwaalu wa cilikiti. Antela bayo cita. Bayo—bayo kubamba kuba mulinguzi ulanga boonse ba cilikiti awa, ikuti na uyo—uyo zuminana buyo a mbabo.” Oyo tana kali muntu wa Leza wakasimpe.

202 Baa, tupila twakwe twakali salazidwe, koonse kwa manjezeezya aakwe a zintu zyoonse kulibonya kabotu. Maanu aakwe akali jukide ku Ijwi lya Leza. Elyo Ijwi lya Leza, lilikke, ndyanga wa syoma. Eyo nje myuuya ikutauka. Oyo ngo muuya ukutauka.

203 Wa kaamba, “Ta ndizi eco ca kwaamba eno. Pele, Njo mwaambila eci cintu comwe, Njo amba eco Leza nca ndaambila kuti ndambe.”

Aboobo baka lindila masiku ayo. Wa ka jisi cilengaano.

204 I kuseeni kwaka cilila, inga Nde ezezya Mikaya kalanga kwiinda mu Magwalo a kwaamba, “Lino, atu bone lino. Sa cilengaano eco. . . Lino, bantu boonse balo, kuli cintu cimwi cilubide aa busena bumwi, nkaambo Ci liimpene kuli eco ncoba kaamba. Ee, ino inga Ca amba nzi? Atu bone eco Eliya nca kaamba kaindi awa, i musinsimi, nkaambo tulizi wa kali musinsimi. Mwabona eco. . . I Ijwi lya Mwami lyaka boola kuli Eliya. Inzya. Ino Lya kaamba kuti nzi? ‘Nkabela babwa bayoomyankuta bulowa bwako. Jezebele, i babwa bayo mulya. Alimwi nkaambo ka mululami Ahabu. . . i mululami Naboti.’” Wa kaamba mpawo. . . Cindi na kabona eco, wa kabona kuti cilengaano cakwe cakali luleme buyo a Ijwi lya Leza, mpawo, oyo Ahabu wakaindi cakali ku boola kuli nguwe.

205 Wa kayutuka mponya awa, kaamba, “Kozumanana kuya kutala, pele Nda bona Israyeli. . .” Mwabona, ta kafwa bweeme kwaamba cilengaano cakwe mpawo, nkaambo lyakali Ijwi lya Mwami. Wa kalizi kuti inga wabweza cintu eco cakulondoka buyo. Inzi? Wa kali julide moyo wakwe, maanu aakwe, ku Ijwi lya Leza, alimwi Ijwi lya Leza lyakali yubunwidwe kaindi, aboobo wa kalizi kuti elyo lyakali Ijwi lya Leza cakulondoka.

206 Lino, yebo waamba, “Oh, ikuti Nda konzya buyo kuba Mikaya!” Ula konzya kuba. Mbo bede. Mbo bede, ayebo, muyandwa. [Mukwesu Branham alubo wakanana ku mucizi uucisidwe—Mul.] Yebo uli Mikaya, i musinsimi. Ino inga wacita nzi? Kojula maanu aako. Ino Ndi sola ku kwaambila nzi kuseeni kuno? I Ijwi lya Mwami. Mwabona? Kojula maanu aako, kwaamba, “Lino, yebo ulizi, Ndi la syoma kuti inga Nda ponesegwa.” Ee, ino Ncinzi, mpawo? Sa Ngu Ijwi lya Mwami? Masimpe, Ngu Ijwi lya Mwami.

207 Elyo mwaalumi *oyu* awa waamba, “I mazuba aa maleele akaindi. Yebo tokonzyi kucita eci. Alimwi yebo. . .” Koluba kujatikizya ncico. Kobikka Leza lutaanzi.

208 Ndeeli lya boola Ijwi i Mwami, elyo wa ka Lya amba, elyo Lya kaba boobo.

209 Lino, ino Saatani wakacita nzi? Saatani wakali jisi bambi baka nanikidwe. Lino, Saatani ula nanika bazike bakwe. Oh, masimpe. Uh-huh. Masampe. Ula nanika bazike bakwe. Ino uba nanika nzi? A kutasyoma. Saatani a madaimona aakwe balananika bantunsi kutasyoma Ijwi lya Leza.

210 Lino, ikuti na muyanda kusimpikizya eco, amu jule ku Matalikilo 3:4. Atu ye buyo kusule awo a kuswiilila kuli eci, kwa kaindi kaniini buyo, a kubona ikuti na eco tabuli bupyungi bwakwe butaanzi. Eco nce cintu citaanzi nca kacita. Ta siyi bupyungi bwakwe mbubonya. Ula cicita ciindi coonse. Lino, amubone buyo ikuti eco—eco mbo cibede. Lino, tana kaimpana a Ijwi pe. Wa kamucitya buyo ku baanga nku ta Li mvwisya mu nzila iitaluleme asyoonto, nywebo mulizi, ku baanga buyo ku Li bamba kumvwika nzila nja kali kuyanda kuti Li mvwike, uta bwezi Ijwi lyoonse. Lino, Matalikilo, Ndi jisi awa, Matalikilo 3:4. Atu bone ikuti na eco mbo ca kaamba eno. Ncibotu.

Nkabela nzoka ya kaamba ku mwanakazi, Nywebo ta mu kafwi cancobeni:

211 “Tokafwi cancobeni.” Amubona mbwaka Li balulula koonse? “Oh, tula syoma mazuba aa maleele akainda. Ta tusyomi kuti kuli cintu cili boobu mbuli kutambula Muuya Uusalala mbuli mbuba kacita aa Pentekoste. Oh, kufumbwa nzila njo kabapatizigwa, tacipangi lwaandano noluceya.” Mwabona i dyabolosi? Mwabona bupyungi bwakwe? “Ee, ikuti na dokotela wakakwaambila kuti tokonzyi kuba kabotu, eco cila sitikizya.”

212 Lino, kutali kusampaula, kutasyoma dokotela. I dokotela uli mukuzwiidilizya nzila ya zyasayansi. Alimwi dokotela wacita zintu zyoonse nzya konzya, kuvuna buumi bwa bantu. Alimwi tacikonzyi kuvunwa, nkaambo takukwe cintu nociba comwe cimbi ncazi ku cita. Uli ku magolelo aa kukonzya kuyeeya kwakwe kwa kubamba muzeze uusoelokede cakufwambaana. I mwaalumi ula syomeka. Pele, lino, i cisamu ca luzibo cili kabotu, pele cindi weenda ntaamo ya ciimo mbuli mbo ciyooenda, mpawo koleya kuya ku Cisamu ca Buumi alimwi zumanana kuyabuya. Amen. Nce cico. Ci yobeleka buyo kusika boobu. Inzya.

213 Lino, ino bucitanzi bupyungi bwa Saatani eno? Ino wakaamba nzi awa? Lino amulangilile kampango ka 1 a i—i 2. Lino andi—andi bale kampango 1 awa, kusika ku 3.

Lino nzoka yakali ya maanu i loko kwiinda boonse, kufumbwa munyama wa mu muunda oyo MWAMI Leza ngwa kapanga. Elyo wa kaamba ku mwanakazi, Inzya, sa Leza wa kaamba, Nywebo muta kalyi. . . misamu yoonse ya mu muunda?

214 Amu swiilile kuli nguwe eno, obo buyo bubu loko mbwaba, a obo—obo mbwa sisa bubyabi kunze lya Ijwi elyo. Mwabona? Ngu...Ino usola kucita nzi? Kunjila mu maanu aakwe. Mwabona? Uli mu kwaambaula kuli nguwe, nikwakamani kuti Ijwi lyakali kwabilidwe kale awo.

215 Lino, mutalekeli Saatani kumwaabilila cintu nociba comwe. Mwabona? Amu bambe Ijwi lya Leza kali kwabilidwe mu myoyo yanu. Mwabona? Amu cite cintu nciconya. Lino amulangilile, nywebo nobana Mikaya.

. . . i mwanakazi wa kaamba ku nzoka, Inga twa lya micelo ya misamu ya mu muunda: pesi i . . .

Pele kwa mucelo wa musamu oyo uuli aakati (akati, mwabona) ka muunda, Leza . . . kaamba, Nywebo muta kalyi kwa nguwo, tamweelede nywebo kuyo uguma, kuti muta kafwi.

216 Mwabona, eno, elyo ndi Ijwi. Uli muku Li balulula kujoka kuli nguwe. Lino amulangilile.

Elyo nzoka ya kaamba ku mwanakazi, Nywebo tamu kafwi cancobeni:

217 Mwabona bupyungi bwakwe? Mwabona? Ino usola kucita nzi? Oyo muntusi mutaanzi, uli mukusola ku nanika mwanakazi oyo muyandisi awo, mwana musimbi wa Leza, a kutasyoma mu Ijwi lya Leza. Eco mbombubo ncali mukusola kumu bamba ku cita.

218 Eco nca sola kukubamba ku cita, muyandwa. [Mukwesu Branham alubo wakanana ku mucizi uucisidwe—Mul.] Eco nca sola ku bamba umwi aumwi wanu ku cita, kubusena awo, ku kunanika. Alimwi cintu buyo ncoelede ku cita eno. . . Yebo uli muntu ulisalila cakucita. Lino inga yebo wa citambula ikuti na ulayanda. Pele cibbompele aanze. Ikuti na Eva nata kaima kwa kaindi kasyonto ako, ku swiilila! Muta imi nkambo ka cintu nociba comwe. Muta imi.

219 Cindi—cindi Eliya na kaambila Gehazi, kaamba, “Kobweza musako wangu, koya ukaulazike aa muvwanda uufwida. Alimwi ikuti na kufumbwa muntu akwalo wakanana kuli nduwe, ta mu vwiili. Ikuti na uli oonse wasola ku kwiimika, kozumanana buyo kuyabuya.”

220 Amulange ku mwanakazi cindi na kaita muzike wakwe. Wa kaamba, “Kkwela kambongolo a kuya kumbele, alimwi uta kaimi akwalo mane Nka kulailile.” Nce cico.

221 Cindi yebo wano jisi Mulumbe, kozumanana kuyabuya. Ameni. Koamba, “Ta ndikonzyi kweenda kuya kutala alubo. Peepe, Ndili mukukompama.” Kozumanana buyo kuyabuya. Uta imi. Kubikka ambali zintu zyoonse, kozumanana buyo kubamba kakondo kwiinda mu kugonka. Mukwesu, uli jisi Ceba mu janza lyako, kozumanana buyo kutendaula.

222 Nda kanjila mu bbuwa lya bbola lyamaulu, cimwi ciindi, elyo ndakali kuunka kuyo kambauka. Elyo Nda kaima aa mulyango a kulanga mujulu, mujulu awo. Kwa kaamba, “Tauli musela wa mubwa mu kulwana. Ngu musela wa kulwana mu mubwa.” Aboobo eco nce cizunda nkondo. Mwabona?

223 Yebo wati, “Ee, langa. Langa ku mbungano zyoonse zipati zilwana Eci.”

224 Ta ndikwe makani oyo musela ngo babede. Ngu kulwana oko kuli mu mubwa, eco nce cijisi makani mapati. Ngu lusymo olo luli mu muntu ugaminina. Ikuti na uli mukandu, joka kumpako yako yakukkala. Pele, mukwesu, ikuti na uli silumamba, koyutuka awo. Njeeyo i nkondo iili mukucitika. Ciluleme a cilubide zyaba muciiimo. Atu lwane.

225 Mbuli Peter Cartwright, waka njila mu dolopo, kaamba, “Mwami wa ndaambila ku—ku njila muno akuba a lubukulusyoy.” Wa kabadelela kaanda kakuyobweda ka kaindi, ka njila muya a kutalika kusalazya akubamba kabotu.

226 Elyo sikutilimuna mupati wa mu tauni, a pisito kailengelela ku lubazu lwakwe, wa kaselemuka. Kajata zijazyo... Bamwi babo, kaamba, “Ino oyo mwaalumi uselemukila nzi kuya?”

227 Kaamba, “Ngo mukambausi. Uya nda kuba a muswaangano, wa kaamba.”

228 “Ee,” wa kaamba, “yeeyela kuti Nde elede buyo kuya kunselelo, a kumusowela mu kagwagwa a kumutanda kuzwa awa. Ngu koonse. Ta tuyandi muswaangano aa busena bwesu boonse.”

229 Aboobo waunka kunselelo kuya, wakazunganya cijazyo. Elyo Peter Cartwright wakasamide bbaki lyakwe, nywebo mulizi, elyo wa kali kusanzya buyo mpulungwido a bulambo kuyansi. I muntu muniini muubauba, nywebo mulizi.

230 I mukambausi wakaindi waka museka, nywebo mulizi, nkambo kakulya nkuku a maanza aakwe; cili mulao waku lilemeka kabotu, nywebo mulizi.

231 Aboobo wakali kusanzya buyo mpulungwido a kubamba koonse. Sikutilimuna mupati wakeenda kuyomudinka, wakadonsa bbaki lyakwe, pisito kileengelela ku lubazu lwakwe, kaamba, “Ino ucita nzi?”

232 “Oh,” wa kaamba, “Ndi sanzya mpulungwido.” Elyo wa kazumanana kusanzya mpulungwido, nywebo mulizi. Wa ka jisi bukanze bomwe. Leza wa kamwaambila kubamba muswangano wa lubukulusyoy. Kusanzya mpulungwido, kuzumanana kuyansi.

Wa kaamba, “Ta tuzumizyi lubukulusyoy aa busena awa.

233 Wa kaamba, “Oh, pele Mwami wa ndaambila ku—ku ba a lubukulusyo olu.” Mwabona? Wa kazumanana buyo, aa busena bwa mulimo wakwe. Mwabona? Mwabona?

234 “Ee,” wa kaamba, “kuli cintu cimwi yebo—yebo nco eelede kumvwisya.” Wa kaamba, “Ndi leendelezya tauni eyi oonse awa.”

235 Wa kaamba, “Oh, sa ulacita?” Elyo wakazumanana kusanzya mpulungwido, nywebo mulizi.

236 Wa kaamba, “Kotanaba a lubukulusyo, yebo weelede kundinabba lutaanzi.”

Wa kaamba, “Oh, sa Ndi cite? Ee, Njo cita buyo eco kwamana mpawo.”

237 Wa samununa buyo bbaki lyakwe. Wakeenda kuunka kuya, a ku musika ku kkola, a ku muuma kuwida aa cibuye, a kusotokela atala aali nguwe. Kaamba, “Nde elede kulwana, ikuti na Nde elede kulela. Yungizya camba cangu, Mwami.” Kudinkaula itwe kuzwa mu li nguwe.

Kaamba, “Yebo uli jisi kunji?”

238 Wa kaamba, “Iyi.” Wa kabuka a kusuka janza lyakwe. Wa kafutuka masiku ayo, mu mbungano.

239 Nceeco we. Mwabona? Ngu, bweza Ijwi lya Leza a kulibambila nzila kwiinda mu kugonka kuzumbauzya koonse. Mwa cibona? Masimpe, nce cico. Oyo ngo mulimo ucilila, atuu beleke. Ncibotu. Cintu cicilila nce Nde elede kucita nkuzwa ku buzumbauzi bwangu, kuci gonkela ansi. Oyo ngo mulimo wangu uucilila, nku gwisya kunyongana akulibilika kwangu koonse. Ikuti na magano aangu andaambila, “Ee, yebo ulimvwa bubi,” cintu icicilila kucita nku kosola cintu eco. Cili kabotu.

240 Yebo wati, “Ee, yebo. . .Ba ndaambila kuti. . .Yebo ulizi, manjezeezya angu andaambila kuti, Mukwesu Branham, kuti Ndi. . .” Ee, yebo inga akwalo wa kosola cintu eco. Yebo tokwe ku sakana kwiinda eco. Kobeleka buyo mulimo wako uucilila. Kosamununa bbaki lyako a mudukwa ncobeni muli nguwo. Kozumanana buyo kuyabuya. Bukanze bomwe, “Ndi yozwidilila.” Ameni. “Ta ndikonzyi kuzundwa. Ndi yozwiidilila.” Ameni.

241 Saatani ulananika. Mwabona? Ino bupyungi bwakwe butaanzi ninzi? Ino bwakali busena nzi bwakwe butaanzi ku njila? I maanu. Wa kaima kwa kaindi kaniini, ku swilila eco nca kaamba. “Oh, yebo toambi boobo?”

242 Awo mpempawo bakaintu banji baniini mpo bapanga bulubizi bwabo, alimwi a baalumi banji baniini mpobaka panga bulubizi bwabo; ncobeni, kwiima kwa kaindi kaniini, kaima buyo kwa kaindi kaniini. Nziindi zinji buti nzi Nda bona twaambo twa kulekana a zintu kaziboola, aali eco.

243 “Ee, Nda kwaambila, Mukwesu Branham, wa kasiba mulosi mbuli ‘fwiiti-fwiiwu,’ yebo ulizi, elyo Nda kaima, elyo, masimpe, tii Nda—Nda kali kuyanda.” Uh-huh. Nceeco we.

244 “Oh, wa, Nda kali kkede aa tafule kulangana a nguwe. Wa—wa kali a meso ayebeke maningi!” Mwabona? Uh-huh. Mwa cibona? Nce cico.

245 I dyabolosi ulacita cintu nciconya. “Oh, dokotela wakandaambila kuti ta Ndi konzyi kuba kabotu, aboobo Nda...” Nceeco we, cintu nciconya, mwabona, i nkondo mpatimaningi eyo yakalwanwa lyoonse.

246 “Ee, ba la ndaambila...Nda bona *Boobu-a-boobu* utaminina kuti ujisi Muuya Uusalala.” Inzya, yebo walanga aali sikuupaupa umwi wakaindi. Mbobuti kujatikizya balo abo baka Uu jisi cakasimpe? Uh-huh. Inzya. I dyabolosi uyo kutondekela cakukongesya ca cikwaangala wakaindi, pele taka kutondeezi nziba ya kasimpe. Uh-huh. Cili kabotu. Ta kookutandezya eco, elyo uyo cisinkila eco kuzwa kuli nduwe.

247 Oh, ngu sikulwana, awalo, muyeeye. Pele mupati ngu wesu. . . “Mupati kwinda ngu Oyo uli muli ndinywe, kwiinda oyo uli mu nyika.” Pele amujatilile ku Ijwi lya Leza; amu Li syome, nywebo no basilutwe bampi ano. Amujatilile mayubilo aanu, mukwesu. Cili kabotu, amujatilila bulizi bwa mulimo wanu.

248 Aboobo, Nda ka jisi musimbi muniini kuno, ciindi cimwi. I mulindu nga kano kkede kuno eno. Zina lyakwe wakali Nellie Sanders. Cimwi ca ziindi zyangu zitaanzi nze Nda kasola kubona dyabolosi kutandwa. Twa kali kukkala, eno, ikuti na Nda konzya buyo kuyeeya busena; a kuba buyo amayake aamaanda manji atandila kuli otatwe atala awa, kwiindilila namaumbwe. Alimwi ne Nda kazwaa kuba buyo mukambausi, alimwi Nda kali kukambauka mponya awa aa busena butantamukide, a muswaangano wa tente.

249 Elyo oyo musimbi muniini wa kali umwi wa bazyana baina. Wa kainka ku cikolo cipati kunselelo awa, a walo a Lee Horn. Elyo bunji bwanu ano mu tauni muli muzi Lee Horn kunselelo kuno, ngu yendelezya busena bwa kusobanina tubbola. Alimwi aboobo balo, walo a Lee Horn, bakali bazyana baina bakaliko mu cisi. Muna Katolika, lwakwe. Mubwini, bukombi tii bwakali kwaamba cintu nociba comwe kuli mbabo, aboobo mpawo...Nellie a balo. Aboobo, waa kali sikuzyana mupati, alimwi mbwakabede, awalo. Elyo bakali jisi awa cizyano eci citegwa “cizyano cakunimbula cibuno,” a “cizyano cakubinda,” a zyalo zintu zyoonse. Elyo waa kali ku. . .Balo bobilo bakali mbe baina mu cisi.

250 Bumwi buzuba, wa kadadalika ku njila atala awa, masiku amwi, ku muswaangano. Awo waa kawida ansi, ku cipaililo, Nellie muniini. Longezya moyo wakwe. Waa kalala awo aa cipaililo. Waa kanyamuna mutwe wakwe. Elyo waa kalila,

a misozi kiimbulumukila aa masaya aakwe. Waa kaamba, “Billy. . .” Wa kali ndizi. Waa kaamba, “Ndi yanda kufutuka, cakusinizya loko.”

²⁵¹ Elyo Nda kaamba, “Nellie, inga wa futuka. Jesu waka kufutula kale, musimbi. Yebo uleelede ku citambula eno aa mbaakani ya Ijwi Lyakwe.”

²⁵² Elyo waa kakkala awo. Elyo waa kalila, a kukomba, alimwi waa kaambila Leza kuti taka swiilili ku zintu zya nyika alubo. Mpawo buyo, luumuno lubotu lubotezya lwa kaboola ku buntu bwakwe. Waa kabuka kuzwa awo, kaongolola a kulumbaizya Leza, kalemya Leza.

²⁵³ Elyo kutandila myaka iili cisambomwe na lusele kwiinda eco, waa kali kuza buselemuka ku Kagwagwa ka Spring, masiku amwi.

²⁵⁴ Lino, musimbi mukubusyi buyo, waa kali buyo mu bukubusyi bwakwe, kutandila myaka iili kkumi aili lusele yakukomena. Elyo wa ka boola kuli ndime, alimwi waa kati, “Hope. . .” Oyo wakali mukaintu wangu, umwi oyo wakafwa. Waa kaamba, “Ni Nda li kuboneka mbuli Hope a Irene.” Waa kaamba, “Yebo ulizi, takukwe ni bakaunka mu masena aa mu nyika.” Kaamba, “I nyika ilabikka bube aali nduwe.” Kaamba, “Ndi jisi busyu bugalankene.” Kaamba, “Lino, Nda leka ku nana mi-sila a zintu, pele Ndi boneka kugalankana loko. Akwalo kuboneka kwangu, mu busyu bwangu,” waa kaamba, “Ndi boneka kugalankana.” Waa kaamba, “Ba boneka kutabisya a basibuuya loko.” Kaamba, “Ndi lombozya kuti ni Nda kacita eco.”

²⁵⁵ Nda kaamba, “Nellie, Bulowa bwa Jesu Kristo bula salazya kuzwa ku zibi zyoonse, muyandwa. Ko zumanana, ci syome.”

²⁵⁶ Wayne Bledsoe, bunji bwanu muli muzi kuno, mweenzuma wangu wamunsi, a myaka a myaka. Wa kali sikunywa. Elyo waka boola kutala kuno a mukwesu wangu, Edward. Elyo wa kakolwa kunselelo awa mu kagwagwa, elyo Nda kamu bweza, nkaambo basilikali niba kamwaanga. Elyo Nda kamuleta kutala kuno. Elyo Nda kali mukambausi alimwi nda kali kukkala kutala awa, ali bataata a baama, kaindi ka Ndi ta na kwata. Elyo Nda kamutola, kamu bikka mu bulo awo. Ndi lala, kalala aa cuuno cakoonena. Kwakali nkamu mpati yabana Branham, nywebo mulizi, swebo notuli kkumi. Alimwi aboobo twa kajisi twaanda tone, elyo twa cita kubaanga twa tubelesya atwalo, a syoonto. Aboobo, Nda ka jisi cuuno cakoonena cakaindi mpo Nda kali koono. Nda kacivungununa mbuli *obu*, a—a kubikka Wayne mu bulo antomwe a ndime. Kakedwe, ndakacita ku mulikka mu ng’anda a ku mulazika ansi.

²⁵⁷ Elyo Nda kali lede awo. Nda kati, “Wayne, sa touside bweeme lwako, mbuli obo?”

258 Elyo wa kaamba, “Uh, Billy, taambauli mbuli obo kuli ndime.” Elyo mpawo Nda kabikka janza lyangu atala. Nda kaamba, “Ndi la ku kombela, Wayne. Leza a kulongezye.” Alimwi Nda kazwaa kufutuka kutandila, oh, Ndi yeeyela kutandila, ndiza i mwaka.

259 Elyo aboobo nkabela, cakufwambaana akutayeeyelwe, i—i kotokala, kajala cijazyo anguzu anze, alimwi muntu umwi wakali kukonkomona canguzu ncobeni. “Mukwesu Bill! Mukwesu Bill!” [Mukwesu Branham wakonkomona aa cikambaukilo—Mul.]

260 Kayeeya, “Ma, yawe, muntu umwi kuleelede kuti uyanda kufwa.” Nda kasotoka mujulu, i cijazyo; ndakakwempa cintu cangu cakaindi awo, kasowa pajamasi yangu koonse, mbuli *obu*; aku vumbilila Wayne. Kazuzila ku cijazyo.

261 Ca kamvika mbuli mwanakzi. Nda kajula cijazyo, elyo musimbi oyu mukubusyi kaimvwi aa cijazyo. Waa kaamba, “Oh, sa inga Nda jila?”

Nda kaamba, “Ko njila.” Elyo Nda kayasya magesi.

262 Elyo waa katali kide kulila buyo mbuli obo, alimwi waa kaamba, “Oh, Mukwesu Billy, Nda—Nda—Nda fwa! Nda fwa!”

263 Nda kaamba, “Ino ncenzi casyupa, Nellie? Yebo ujisi—ujisi ku lwanwa kwa moyo na?”

264 Waa kaamba, “Peepe.” Waa kaamba, “Mukwesu Bill, Nda kali kuboola kunselelo ku Spring.” Waa kaamba, “Masimpe, Mukwesu Bill! Masimpe, Mukwesu Bill, tii Nda li kuyanda kubisya. Tii nda li kuyanda kubisya.”

265 Nda kaamba, “Ino ncenzi casyupa?” Nda kayeeya, “Ino Ndi yocita nzi a nguwe eno?” Ta ndizi ca kucita. Mebo, muntu mukubusyi buyo. Alimwi Mebo. . .

266 Kaamba, “Oh, Mukwesu Bill,” kaamba, “Ndili buyo—Ndili buyo—Ndili buyo unyongene koonse.”

Nda kaamba, “Lino, ko umuna, mucizi. Nda ambile koonse kujatikizya ncico.”

267 Elyo waa kaamba, “Ee,” waa kaamba, “Nda liku boola kunselelo mu kagwagwa, alimwi i Buyake bwa Redman. . .” Alimwi bakali kunga baba zizyano masiku mu Mujibelo kuya. Alimwi waa kaamba, “Nda kajisi zintu zimwi, kuti Nda li kuunka ku muunzi kuyo lipangila dresi.” Alimwi waa kaamba, “Nda kamvwa lwiimbo olo.” Alimwi waa kaamba, “Yebo ulizi,” kaamba, “Nda kaima buyo kwa kaindi kasyonto.” Alimwi kaamba, “Lwa kazumanana kuya bubota. Aboobo Nda kayeeya, ‘Yebo ulizi, ta cikondi cisa ikuti na Nda ima mponya awa.’”

268 Awo mpempawo mpaka pangila bulubizi bwakwe, wakaima kwa kaindi kasyonto. Waa kaswiilila buyo.

269 Kaamba, “Ee, Ndi yo yeeya.” Kaamba, “O Mwami, Yebo ulizi kuti Yebo Nda kuyanda, nekuba.” Kaamba, “Yebo uli kuti Yebo Nda kuyanda Mwami. Pele inga masimpe Nda yeeya ciindi elyo Lee a Ndime ni twa kali kunga twazwidilila kujana i—i inkomeki zyoonse zya cilumbo, azimwi zintu.” Kaamba, “Ma, Nda yeeya lwiimbo olo lwa kaindi lwakali ku ndi kweelelezya. Ta citi eno.”

270 Uh-oh, uh-oh! Yebo uyeeya buyo kuti tai citi. Ya kujata kale, mponya awo. Eco cili mbuli buyo nca yanda, mponya awo. Mwabona?

271 Mbangaye baka muzi lyoonse Nellie Sanders? Ee, Ndi yeeyela kuti ndinywe nyoonse. Inzya. Masimpe. Aboobo ba—ba kali—ba kali. . .

272 Kaamba, waa kaamba, “Ee, yebo ulizi na?” Kaamba, “Ndiza ikuti Nda inka atala aa matantilo atala awo,” kaamba, “ndiza Njo konzya kupa bumboni kuli bamwi babo.”

273 Oh! Mwabona, yebo uli aa buwa lya dyabolosi. Ko zwa kuli ndilyo. “Amu tantamuke nkukonya kulibonya kwa bubu.”

274 Pele waa kanka atala, aa tala lya matantilo, a kwiima awo maminiti masyonto. Alimwi cintu citaanzi mulizi, waa kali mu maboko aa mulombe umwi, aabusena aa cibuye.

275 Mpawo waa kapempenukwa. Alimwi waa kaliimvwi awo, kalila a kuyabuya, kaamba, “Oh, Nda sweeka eno, ca kumaninina.”

276 Nda kayeeya, “Ee, ta Ndi zi maningi kujatikizya Bbaibbele, pele Ndi lasyoma Jesu wa kaamba eci, ‘Mu Zina Lyangu bayo tanda badyabolosi.’” Nda. . .

277 Elyo Wayne wakali beteme, a syoonto, alimwi wakali kkede awo, kalangilila. Mwabona? Aboobo Nda kaamba, “Lino, dyabolosi, ta Ndi zi na nduweni, pele Ndili muku kwaambila eno, oyu mucizi wangu, elyo to jisi makani aa kumu jatilila. Ta na kali kuyanda kucita eco. Waa kaima buyo kwa kaindi kasyonto.” Awo mpempawo mpaka pangila bulubizi bwakwe, nekuba. Nda kaamba, “Pele yebo uleelede kuzwa muli nguwe. Yebo wandimvwa na?”

278 Elyo aboobo ndi gwasye, Leza, ku Busena bwa Lubeta, kuziba. Eco cijazyo calusabwe caka talika kujuka a kujala, i lwaco. “Pulampiti, pulampiti,” awo aa cijazyo. “Pampu, ka-pulampi, ka-pulampi.” Nda kayeeya.

Elyo waa kaamba, “Bill, langa awo. Langa awo.”

Elyo Nda kaamba, “Inzya. Ino ncinzi eco?”

Waa kaamba, “Ta ndizi pe.”

Nda kaamba, “Ambebo ta Ndi zi.”

279 Elyo cijazyo ca keenda “pulampiti-pampu, ti-pampu,” kujala mbuli obo. Nda kayeeya, “Ino cinzi cisyupa ano? Ino ncinzi cisyupa?”

280 Nda kalanga alubo, mbuli *obo*. Alimwi Nda kaamba, “Mwa ngulule, Saatani! Mu Zina lya Jesu, ko zwa muli nguwe!”

281 Cindi ni Nda kaamba eco, ca kaboneka mbuli kuti ngu kampaafwa mupati ncobeni, kutandila bulamfu *obu*, wa kanyamuka kuzwa kunze lyakwe, a boya bulamfu kabulengelela ansi kuzwa ku mababa aakwe elyo wakauluka ikuzwa ku matende aakwe, mbuli *obo*. Wakali kuyabuya, “Oooooh.” Kaatalika ncobeni kuboola kuli ndime, ca nguzu buyo mbuli mbwaka boola.

282 Nda kaamba, “O Mwami Leza, i Bulowa bwa Jesu Kristo bundikwabilile kuzwa kuli eco.”

283 Elyo Wayne wakasotokela mu bulo, kalanga. Elyo ngooyu mpoka kabede, mbuli cinziniimwa cipati, kazyunguluka koonse, kwinka atala a kwinka ansi kunze lya bulo. Wakacija kuzwa mu bulo Wayne, kunjila kaanda kacilila, ca nguzu mbuli mbwakali kukonzya. Aboobo twa . . .

284 Nda kabweza Nellie a ku mutola ku muunzi. Elyo ndaka joka, elyo tii Nda kakonzya . . .

285 Baama baka njila muya a kudikimuna milembo a zintu zyoonse. Takukwe cintu nociba comwe mu bulo *obo*. Ino cakali cinzi? I dyabolosi wakazwa muli nguwe. Ino ncinzi cakacitika? Waa kaima kwa kaindi kasyonto. [Mukwesu Branham wakonkomona aa cikambaukilo zindi zyobilo—Mul.] Ngu koonse.

286 Mu taimi, noku ceya. Cindi Leza aabbizya Ijwi Lyakwe mu myoyo yanu, amubweze buyo Ceba elyo a kotalika ku kosaula a kutenda. Aleluya!

287 “Ta ndi jisi ciindi ca kulindila cintu nociba comwe cimbi. Kuzabuka buyo, ta Ndi jisi ciindi acalo ca kusitikila.”

288 Wa kaamba, “Ee, elyo bweza musako wangu a kuyo ulazika aa muvwanda. Elyo ikuti na kufumbwa muntu wakanana kuli nduwe, uta soli ku kanana kuli mbabo.”

289 Ikuti na dyabolosi waamba, “Ebo, ulizi *obo* mboli mukulimvwa na?” Uta soli ku kanana kuli nguwe. Ko zumanana buyo kuyabuya.

290 I dyabolosi, nywebo mulizi, i dyabolosi waamba, “Pele nywebo mulizi na? Nywebo mulizi, *Boobu-a-boobu*, cindi ni bakatambula Muuya Uusalala, ula yeeya ba—ba katii sondoke.” Uta soli kukanana kuli nguwe. Ko zumanana buyo kuyabuya. Nywebo tamuzi kujatikizya *Boobu-a-boobu*.

291 Ngu nduwe a Leza. Cili kabotu. Kokkala a Leza. Ula nanika bazike Bakwe. Nde elde kubinda. Leza ula nanika bazike Bakwe. Mwabona?

292 Lino Nde elede kweenguluka bulembo busyonto awa, pele Ndi yanda kwaamba eci. Awa, amu swiilile eno, kabotu.

293 Mulindu muniini, swiilila kabotu. [Mukwesu Branham alubo wakanana ku mucizi uucisidwe—Mul.]

294 Awa tu labona bupyungi bwa dyabolosi. Mbobuti mbo tu cita? Lino, Ndi jisi Magwalo manji awa, aa basinsimi a zintu, awo mpa ka boola kuli mbabo, a bantu baandene mu Bbaibbele, alimwi bakacita cintu nciconya. Mbu pyungi bakwe lyoonse, nku sola ku bamba bantu kutasyoma Ijwi lya Leza. Amuswiilile, nywebo no basilumamba ba ciingano. Cindi nywebo mwatasyoma Ijwi lyomwe lya Leza lya Bbaibbele lilembedwe, mwa nyangwa zilwanyo.

295 Wasyoma na, muyandwa? [Mukwesu Branham alubo wakanana ku mucizi uucisidwe—Mul.]

296 Yebo wanyangwa zilwanyo. Wa lipa, yebo mukompami. Amusame zilwanyo zyoonse zya Leza. Ameni. Tu li mu nkondo. Eco Leza nca kaamba mbwini. “Majwi aa bantu boonse mbu beji.” Mwabona? Pele kufumbwa buyo yebo. . . ku kubamba ku swiilila ku cintu comwe, obo mbo bupyungi bwakwe, mwa nyanzigwa zilwanyo.

297 Nzintu zyangaye Eva nzya keelede ku swiilila? Comwe. Waa kanyangwa zilwanyo mponya buyo. Ino dyabolosi waka cita nzi? Wakalilongela canguzu kwiinda mu mu bupampu bwakwe, mu muuya wakwe, elyo awo waa kapilingana. Sa eco cili luleme? Waa kapilingana kaindi kasyonto nkakonya elyo naka kanyanzigwa zilwanyo, cindi na takasyoma Ijwi lya Leza. Ncibotu. Awa tu la bona bupyungi bwakwe

298 Basilumamba ba Leza bali lailidwe kuti “Amusame zilwanyo zyoonse zya Leza.” Sa eco cili luleme? [Mbunga yaamba, “Ameni.”—Mul.] Lino, ikuti na mu yanda kulemba Lugwalo olo aa pepa, lijanwa mu ba Efeso 6:10 a 13. Mwabona? Twa lubala kaindi kaniini kainda. Ngu cibalo cesu. Ncibotu. Amubone. “Amusame zilwanyo zyoonse zya Leza.” Atu. . .Sena muli jisi ciindi ca maminiti masyonto? [“Ameni.”] Atu joke kuya kwa kaindi kaniini. Atu bone buyo kuti zilwanyo zyoonse zya Leza ninzi. Ncibotu. Atu talikile aa kampoango ka 10. Lino, amu swiilile kabotu lino. Atu jane zilwanyo zyoonse zya Leza. “Kumalekelo, bakwesu bangu. . .” Lino, Ndi lizi Ndi yo. . .Ndi. . .

299 Ngu maminiti aali makumi obilo, ndyoonya eno, kuya ku twelufu, kutandila buyo. Ta—Ta ndi. . .Ta ndi yandi ku mu yiisya ciindi cilamfu, sunu, pele inga tii Nda—Nda nojisi buyo kubaanga Mulumbe omwe usyeede mane nka bweza lweendo lwangu lumwi lwakulikwaya lwa mainza, mwa bona.

300 Elyo mu lizi na? Nywebo mulizi kuti nkaambonzi Ndili muku cita eci? Njo mwaambila. I buzuba bumwi Nda ka jisi ciloto. Tii nda keelede ku caamba, pele cili buyo aa maanu aangu. Inga nda cicta acalo, Mwami na kamana ku ndipa bupanduluzi.

301 Nda kalota kuti Nda kali kulibambila kuzabuka mulonga mupati, ku mulimo wakutola makani mabotu. Alimwi eno, lutaanzi, Ndakali atala kuya a mukaintu wangu. . .

302 Elyo mbangaye baka muzi lyoonse George Smith, sikisi-sekondi Smith, kuno mu tauni? George Smith, mulombe wakwe uli mu mpi ya basilikali kuno. Walo, George mucete, ngu cakolwa eno. Pele wakali umwi wa basikulwana baina. Ngu umwi waka keendelezya kwiiya kwangu, nketana akwalo kwiinka ku Y.M.C.A a ku busena buli boonse. Wa kali kutu yiisya. Alimwi wakali uubinda, uubinda ncobeni. Wa kali buyo sifwaindi mupati, wa mapaundi aali mwaanda-amakumi one-aosanwe. Alimwi wa kandiisya. Alimwi wakali kunga waima awo, alimwi wa kali kukonzya kubweza fwaindi yakwe, mbuli *obo*, a ku nduuma ncobeni mwida, ku ndinyamuna kusyanikizya ku bulambo, mwabona, pele, alimwi tii cakali ku ndinyonganya. Wa kandi yiisya buyo, kwa kanyina cintu nociba comwe pele kwiiya buyo.

303 Elyo mpawo Nda—Nda kalota, masiku amwi, cakuti Nda kabona sikisi-sekondi Smith. Lino, tii cakali cilengaano. Ca kali ciloto. Elyo Nda kabona sikisi-sekondi Smith, bantu bakubusyi ka baboola ku mulwana, mu cisobano cakubbuntilana ansi. Elyo walo, oyo muntu wakaindi, kutandila, oh, Ndi yeeyela. . . Ndili makumi osanwe-aibili. Walo utandila makumi osanwe-aili lusele, makumi aali cisambomwe. Kwa kanyina naba omwe wa balo bantu bakubusyi bakali ku konzya ku muguma, mu nzila iili yoonse. Uu ba lebula buyo, mbuli *obo*, ku balazika buyo aa cibuye a kubajata mu maanza aakwe.

304 Nda kayeeya, “Eco nceenzu.” Nda kayeeya kuti mukaintu wangu wakali a ndime, alimwi Nda kaamba, “Eco nceenzu.” Nda kaamba, “Yebo ulizi na, Meda? Wa kali mwiiyi wangu.”

Waa kaamba, “Nda—Nda yeeya eco, yebo ko ndaambila kujatikizya ncico.”

305 Nda kaamba, “Iiyi, munene. A ku yiisya kwakwe kubotu, Nda kazunda kulwana kwa kwiiya kusumpukide kuli kkumi akosanwe, a kuleka i—i mulimo; kambauka Makani mabotu.”

306 Mpawo buyo cakacince, alimwi Nda kali kuya bweenzya aa—aa meenda. Pele cindi ni Nda kali buyabuya, Nda kali buyabuya a bwato bwa i njini. Nda kalanga atala, elyo mpawo kwaka kkede bakwesu bangu kabakkede awo, mu kaato, kaba libambila kuunka a ndime. Nda kaamba “Ta mukonzyi kucita eco, bakwesu. Huh-uh. Nde elede kuunka endike.”

307 Elyo simaato wa kaboola, elyo wa kaamba, “Mboobu bwaato bwako,” i kaato ka pulasitki katuba ncobeni.

Nda kaamba, “Ehe. Huh-uh. Kutali ako.”

308 Wa kaamba, “Ee, yebo ula konzya kunyamuka mu nzila *eyi* a nkako, mamaile aali makumi osanwe mu ora.”

Nda kaamba, “Pele Nde elede ku kuzabuka nzila *eyo*.”
Mwabona?

“Ee,” wa kaamba, “koya *abalo* baalumi.”

³⁰⁹ Nda kaamba, “Ta bali basimaato. Ta bazi ncobeni kujatikizya eco. Bali yandide maningi. Ta bakonzyi kweenda cakufwaambana mu nzila yomwe obo. Boonse bayo nyikila kuya. Ta bakonzyi buyo ku cicita.”

Elyo wa kaamba, “Sa yebo . . . konzya ku syoma . . .”

³¹⁰ Nda kaamba, “Swiilila, Ndi—Ndi lizi kunji kujatikizya maato kwiinda mbo bazi, elyo inga tii Nda sola kubweenzya cakufwaambana mu nzila yomwe a ceeco, oyo musyobo buyo wa cibambyo.” Nda kaamba, “Ce elede kutola bwaato bwa injini ku kosola eco.” Nda kaamba, “Ci yotola cintu cimwi cipati maningi kwiinda eco.”

³¹¹ Elyo Nda ka mubona kalanga koonse, kuli umwi wa bakwesu, elyo wa kaamba, “Sa yebo uli simaato?”

I bakwesu ba kaamba, “Iyi.” Mwabona?

Nda kaamba, “Eco cililubide.”

³¹² Elyo simaato waka joka. Wa kaamba, “Kwaambila eco ca kucita.” Kaamba, “Ba la kuyanda. Ba la kusyoma. Pele,” kaamba, “ikuti na usole kuzabuka mu bwaato obo bwa injini, bayo sola ku kutobela mu kaato ako. Ba yofwa boonse, mwabona.” Kaamba, “Ta ba konzyi ku kutobela.”

Elyo Nda kaamba, “Ee, ino Nde elede kucita nzi?”

³¹³ Elyo simaato oyu ku cito, wa kaamba, “Yebo joka atala *awo*.” Kaamba, “Kuli buyo ciyobwedo comwe ciniini mu cisi eci coonse, ciyobwedo comwe ciniini. Elyo kobikka buyo mukati cakulya cinji,” kaamba, “elyo bayo kkala awa. Ba yo—bayo kkala awa kuciindi yebo—kuciindi yebo wa ta nooliko. Pele,” kaamba, “yebo weelede kuyo bikka zyakulya.”

³¹⁴ Elyo Nda kali kulailila buyo zyakuula zya misyobo yoonse ya kkabici, a matanipu, a maradishi, a zintu, kuzilundika mukati muya mbuli obo. Nkabela Nda kasinsimuka.

³¹⁵ Ta ndizi nce cakali kwaamba, pele Ndi lizi lino. Mwabona, tu li mukubikka mukati zyakulya, bakwesu. Obu mbo buumi bwakuti weelede kuyoenda amulikke.

³¹⁶ Leo, ula yeeya ciloto nco ka jisi ciindi eco nowa kasaanguna ku boola kuno? [Mukwesu Leo Mercier waamba “Ameni.”—Mul.] Kujatikizya piramidi, alimwi wa kayeeya kuti inga nowakatanta mukati muno. Nda kaamba, “Leo, kwiina muntu utanta atala awo. Leza weelede kubikka muntu atala awo. Yebo wa katanta masena aakucitikila oonse aa kunyama ayo aakali kukonzeka kutantwa.” Nda kaamba, “Yebo tokonzyi kuboola ano, Leo. Mwabona? Jokela ansi. Ambila buyo bantu kuti cizwa kwa Leza.” Mwabona? Mwabona?

317 Ngu cintu cimwi eco yebo—eco yebo ncota konzyi ku yaamina, mbuli buyo bakwesu a bacizi, a mbungano yangu a zintu zyoonse, alimwi bubotu mbuli imbungano zimbi mbozibede, a bakwesu, masena oonse.

318 Lino, Nse konzyi kutantamuka kuzwa ku mbungano ku busena kuya. Muntu umwi waamba, “Ee, nkaambonzi nco unka ku masena a balo bantu, balo bana trinitaria, boonse *aba*, *abo*, a *bambi*, a oneness, a Jesus Name, alimwi zintu zyoonse ezyo zimbi kuya? Nkaambonzi nco sanganina abo, mu nzila iili yoonse?” Mbi bangu. Tacikwe makani eco nco bakacita, mbi bangu. Balo ngo cikambaukilo cangu.

319 Cindi Israyeli niyakacita ubi loko, mane Leza akwalo wakaambila Musa, kaamba, “Ko lyandaanya. Ndi yotalika mukowa i—i mupya a nduwe.”

320 Musa wa kalisowela mu nzila, kaamba, “Yebo Ko tana banyonyoona, ndi nyonyoone.”

321 Takukwe makani eco nco bakacita, abo mbe Nda katuminwa. Ula tuma Mumuni, kutali kumunika awo aali Mumuni. Abusena aali mudima, oko nkokoko Mumuni nkouzulilwa. Alimwi yebo weelede kunjilana a bantu. Yebo weelede kwiima a mbabo, nekuba, uleelede kucita, mu bulubizi bwabo.

322 Israyeli yakali bulubide mbuli bulubizi mbo bwa kakonzya kuba. Ba kali lubide loko kusikila Leza wa kabatakata. Pele, Musa, lyoonse Nda gambwa obo mbocakasola kuboola, pele i Muuya wa Kristo muli Musa. Mwabona?

323 Mwabona, toonse tuli lubide. Wa ka twiiminina toonse cindi ni twa kali mu bulubizi bwesu.

324 Takukwe makani obo mbo balubide, tutaleki kuba a luswaanano na kulilesya kubeleka acintu cili coonse. Kufumbwa kuti twa konzya kuli janina muntu, atu njile antomwe “kusongwaala mbuli nzoka, kutabisya mbuli nziba,” mwabona, akusola kuli janina bantu boonse abo mbe tukonzya.

325 Lino, ceci nce Ndili mukwaamba kuseeni kuno, nku yobola Zilyo. Kuyobola Zilyo, kutegwa mukabe acintu cimwi cakulya, kutegwa mukabe acintu cimwi ca kutafwunya. Amu cijane aa mateepu aanu. Amu kkale mu butontozi bwa twaanda. Ndiza, cindi Nda tanooliko kwa ciindi cilamfu, mu cinoyo yeeye zintu ezi kuti nzya bwini. Amu kkale mu twaanda twanu a kuswiilila. Mwabona? Alimwi ezi ngo Zilyo, kuyobola mukati, i mu ciyobwedo. Ta ndizi ku busena lweendo lwakuwila nkolubede. Pele, kufumbwa nkolubede, Uli zi ku busena Nkwa sololela; ta Ndi zi. Ndi tobela buyo.

326 Lino, ino ncinzi nca kaamba awa lino? Amu swilisisye.

Kumalekelo, bakwesu bangu, a muyume mu Mwami, a mu nguzu yakwe impati.

... a muyume ... mu nguzu zyakwe impati.

Amusame zilwanyo zyoonse zya Leza, kuti nywebo mukonzye kwiima kulwa mameneno aa dyabolosi.

Nkambo ta tulwi a bantu balya maila, ...

Kudubula misyonga a kutenda aa zifulo, mwabona, eco tacili nceecico.

... pele kulwa malelo, kulwa inguzu, kulwa beendelezi ba ... mudima wa nyika eyi, ...

³²⁷ “I beendelezi ba mudima.” Nguni weendelezya nyika? I dyabolosi. Ncamasimpe. Nguni zintu zyoonse ezi zili muku zumanana, zyoonse ezi zintu zitali zya bunaleza zizumanana, koonse kwiinda awa, a mfwulumende ezi, alimwi azimwi zintu? Ngu dyabolosi alike. I Bbaibbele lya kaamba boobo. I dyabolosi ngu endelezya United States. I dyabolosi wakeendelezya Germany. I dyabolosi ngu endelezya masi oonse mu nyika. Ndi boola kuli ncico, mu kaindi buyo asyonto, elyo tu yoziba naa ulacita, na pe. Naa...Bwami boonse bwakasola kuba a buyo sola kuba, bweendelezegwa aa dyabolosi, kusikila Leza akayake bwami Bwakwe.

³²⁸ Ta ndaambi kuti bantu boonse bali muli njiyo ngu dyabolosi, eno. Kuli bantu banaleza mu—mu milimo eyo ya mfulumende.

³²⁹ Ku yooba umwi kuno mu masiku akubwene, nkonya kuno, ku tondezya cifwanikiso kuno antomwe a Mukwesu Arganbright, kuno ku busena. Wa kali mwiiminizi ku baleli ba cisi batandila kuli bosanwe, Mukwesu Rowe. Alimwi ngu i... Uyo ba kuno, Ndi yeeya kuti kutandila nsondo yabili mu Mukubwekangala. Mukwesu Neville uyo ca mbilizya. Alimwi mwaalumi mubotu.

³³⁰ Wa kaamba kuti wa kali ku konzya kukanana milaka iili lusele yaandene, Nda syoma. Pele cindi na katambula Muuya Uusalala, ta naka jisi mulaka waku konzya ku kanana kuli Mwami, aboobo Mwami wa kamupa umwi, wa kaamba, aboobo wa kwaambaula kuli Nguwe a oyo umwi. Kamupa umwi mupya, oyo ngwa taka yiiya. Ncibotu.

... bubu bwa kumuuya mu masena aa kujulu.

Nki kaako ...

³³¹ Lino amu swiilile, nyoonse nywebo no basilumaba eno, katutana buyo kotalika mundando wa mipailo.

... amu libwezele kuli lwanu... kuli ndinywe (z-y-o-o-n-s-e) zyoonse (kutali cibeela buyo cancico)... zilwanyo zyoonse zya Leza, kuti nywebo mukonzye kukazya mu buzuba bubu, ...

Obo mbo buzuba mbotupona mo.

... elyo muku cita zyoonse, i kwiima.

Amwiime . . .

332 Ameni. Wacimvwa eco? Wabona, muyandwa na? [Mukwesu Branham alubo wakanana ku mucizi uucisidwe—Mul.] Cindi mwacita zyoonse nzo mukonzya, ku kwiima, mpawo amwiime. Muta puti.

Amwiime nkokuti, kamu jisi muzikungu zyanu . . .

333 Amu swiilile kuli eci. Amuswiilile awa, eco mbo cibede. “Zikungu zyanu.” Ezyo nzi beela zyanu zyaakati, awa, mwabona.

. . . kamu lyaangide a bwini, . . .

334 Ino Bwini ni nzi? I Ijwi lya leza. Cili kabotu. “Ijwi Lyako ngo Bwini.” Ncibotu.

. . . a mukuba cikwabilizyo ca bululami;

335 Eco ngu, “Cita eco cili kabotu.” Jisi Ijwi lya Leza muli ndinywe, kucita eco cili kabotu. “I cikwabilizyo ca bululami.”

Elyo a matende aanu kasamide kubambwa kwa makani mabotu aa luumuno;

336 Kamuya ku busena buli boonse, kufumbwa busena, kufumbwa ciindi, matende kusamide kubambwa kwa Makani mabotu. Mwabona? Alimwi amulange:

Kwiinda zyoonse, kwiinda zyoonse zyaco, mubweze i ntobo ya lusyomo, . . .

337 Eyo njiyo iiwusya mimvwi, mwabona, “I ntobo ya lusyomo.”

. . . anjiyo muyo konzya kuzimya mimvwi mikali yoonse ya mubi.

Elyo amu bweze ngowani ya lufutuko, . . .

338 Obo ngo buntu. . . I maanu—i maanu, mukati awa, i mutwe; lavumba atala aa mutwe.

. . . elyo i—elyo i ceba lya Muuya, lili ngo ijwi lya Leza:

339 Mbobuti mboyo lekela ngowani eyi, eco ncoicita? Ngo cikwabilizyo. Ino ngowani yakapangwa ku nzi? Mukuba. Mukuba akwalo tabukonzyi kubambwa kuyuma loko; yumu, buyumu loko kwiinda butale. I heete ya mukuba, (i nzi?) i lufutuko, luzibo lwa kuziba eci, “Elyo kuponesegwa kwangu kuzwa kuli Leza. Lufutuko lwangu luzwa kuli Leza. Luzibo lwangu luleendelana aa Ijwi Lyakwe, kutali muzeezo wa mabungano; i Ijwi!” Ameni. Mpaawo we. Kuvumba atala, a cikwabilizyo, i ngowani ya lufutuko, lwaanguluko. Bweza eco, mpawo koya bweenda kuya kumbele. Oh, eno, eno eco nce tweelede kucita. Mpi ya Saatani. . .

340 Lino amulangilile, eno, tu. . . Nde elede kubinda, pele Nde—Nde elede kunjizya eci.

341 Mpi ya Saatani ileta malwazi. Obo mbwabede Saatani, ngu sikunyonyoona. Saatani, boonse bwami bwa Saatani, ngu malwazi, lufu, a buusu, a kunyongana, a kulibilika, zyoonse aali Saatani.

Leza ngu Buumi, lusyomo, lutangalo, luumuno, abusena *awa*. Mwabona?

342 Lino, ezyo ni nguuzu zybilo zipati ezyo ziboola antoomwe ndyoonya eno. Zili muku lwana. Zili muku lwana mponya awa mu buyake mponya eno. Zila lwana, buzuba abuzuba, a ndinywe, nguuzu zyoonse.

343 Saatani, kukutobela ambali, oyo Goliati, wabupaizi, wabwami, mupati ncobeni kusola kukukonga kufwa. Uli ncobeni, pele Leza . . .

344 Yebo uli kwabilidwe, ameni, a Makani mabotu, a Ijwi lya Bwini lyangidwe mu cikungu cako. Bulemu! Mukambausi, eco mbo cibede. Ngowani ya lufutuko; i ntobo ya lusyomo; alimwi a Ceba, ku Li vukuuzya mu janza lyako! “Saatani, Nda boola ku kuswaanganya. Ndi swaangana mu zina lya sayansi. Ndi swaangana mu zina lya—lya zilengwa. Ndi swaangana mu zina lya kabungwe. Ndi swaangana mu zina lya *eci, eco*, na *cimbi*. Pele Nda ku swaangana mu Zina lya Mwami Leza wa Israyeli. Nda boola kutobela nduwe. Ko lekela!” Alwalo lufu talu konzyi kwiima awo. Ko donkola cipulo ncobeni kwiinda muli ncico. Cili kabotu.

345 Mpi ya Saatani ileta malwazi, elyo mpi ya Leza itumidwe ku zitanda. Ameni. Nceeco we. Ziindi zyoonse Saatani aasowela cintu cili coonse ali, aali nduwe, mpi ya Leza ileelede ku mutanda. Ameni. Ku tanda!

346 Eyo nje nzila yalo Leza njaka belesya. Saatani waka belesya mpi ya lunyonyooko, ku kutasyoma Ijwi lya Leza, alimwi wakaliyakila bwami bubotu kwiinda Mikayeli mbwaka jisi, mpawo Leza waka mutanda.

347 Nzila ya Leza, ngu, tanda mubi. Sowela ansi kumvwisisya. Sowela ansi malweza. Sowela ansi kulibilika. Sowela ansi malwazi. Sowela ansi cibi. Ameni. Uli atala aali ncico, wakabuka muli Kristo Jesu, ulikkede mu masena aa Kujulu, a badyabolosi oonse kuni lya tende lyako. Ikuti na watalika kuyunya mutwe wakwe mukati muya, eeco . . .

348 Yebo ulizi, yebo uli fwide. Buumi bwako buli sisidwe. Ncizi *kufwa*? Yebo uli fwide ku magano aako. Yebo uli fwide ku manjezeeya aako. Ku yanda kwako kwini kwa buntunsi inga kwaamba, “Iyi, Nda yeeyela Nda . . .” Kufwa ku kumvwisisya kwako. Kufwa ku zintu ezyo zyoonse. Elyo wa kazikkwa mu Zina lya Jesu Kristo; elyo kufumbwa Nkwa bede, nkoli a nduwe. Elyo kufumbwa Mbwa bede, mpaawo mbo bede ayebo

³⁴⁹ Ino ncizi cakacitika cindi balo, umwi wabo wa basikuzumbauzya, niba kanjila ku Julu? Leza waka mutanda. Elyo Wa kaamba nzi kuli basilumamba abo bakabuka muli Kristo? “Cindi dyabolosi aboola ambali, amumu bbompele anze. Amumu tande.” Cindi Jesu naka yiisya mpi Yakwe, a kubatuma ku magolelo aa nyika, “Ka muya mu nyika yoonse, akuyo kambauka Makani mabotu ku bantu boonse. Oyo uyoozumina a kubapatizigwa uyo futuka; oyo utazumini uyo nyonyooka. Elyo ezi zitondezyo ziyo batobela abo basyomi, basilumamba Bangu. Mu Zina Lyangu bayo tanda badyabolosi; kukanana mu myaambo mipya; bayo bweza nzoka, na kunywa zikola, pele tazika bakoli; ikuti na babikka maanza abo aa balwazi, ba yooona.”

Kuyakumbele, Basilumamba banakristo!
 Ku macing’a mbuuli ku lumamba,
 A ciingano ca Jesu
 Kuyabuya kumbele.

³⁵⁰ “Nda kabambulwa a Nguwe, nekubaboobo Nda pona; ta ndili ndime oyo upona, pele Oyo upona muli ndime.” I Ijwi kaliyabuya, kumbele, Leza kakosola, a Ceba Lyakwe ilibosya-konse.

³⁵¹ Mpawo, ta cigambyi, cindi Grant naka bweza Richmond, alimwi oyo mwanakazi waku musanza muniini naka bona Grant ka boola mukati, i bunanike bwaka muuma. Elyo waa kaamba:

Meso a ngu abona bulemu bwa ku boola kwa
 Mwami;
 Uli muku layataula waini kubusena kuli
 misaansa a bukali buyoobwedwe;
 Wa kaangulula lulabo lubyaabi a ceba
 Lyakwe lifwamba liyoosya;
 Nkamu zyakwe zyampi zilimu kuzumanana
 ku macing’a.

³⁵² Ameni. Mbobuti Grant mbwaka bweza Richmond? Mbuli buyo mbwa ka boola kuli ncico. Ameni. Eyo nje nzila mbwaka bweza Richmond.

³⁵³ Eyo nje nzila basilumamba ba Leza mboba bweza cibi, bulwazi; mbuli buyo mboba boola kuli ncico. Ameni. Eyo nje nzila mboba zunda buzumbauzi bwabo, a buyoofu, a zintu. Cindi umwi aabuka, bala mugonkela ansi. “Ko zwa mu nzila!” Oh, ma! Eco nce cico. Leza waka batanda, mbuli Mbwa ka cita ku Julu. Silutwe Wesu Mupati ncobeni wakatutondezya obo mbo cakacitwa. Ameni.

³⁵⁴ Roy Roberson a Mukwesu Funk, bunji bwanu basyazibwene balumamba bakaindi ano, mulizi silutwe oyo wakasimpe mbwabede.

355 Cindi cimwi Nda...eci cibeela ciniini cazyamililo ca Jeffersonville kunselelo kuno. Busena bwa Pfau bwaka jatwa mulilo. Alimwi mpaawo kwakali cibeela cazyamililo ca Jeffersonville kaciimvwi kunselelo kuya, elyo silutwe keenda koonse, kaamba, “Bboomona maanzi masyonto atala *awa*.” “Sp-sp-sp-sp,” mbuli kapila ka meenda kaniini aabusena awa. Mpaawo kwaka boola Clarksville, “Bboomona maanzi masyonto aabusena *awa*.” “Sp-sp-sp.” Buyake bwa Pfau bwakapya do.

356 Ba kaita Louisville. Mpaawo kwaka boola bantu baka yiisigwa. Oh, obo tu sairini mbo twa kalila koonse kuya!

357 Elyo mbaabo basilutwe bapati ambali awa, ba baaba ba cibeela cazyamililo, kwaamba, “Bbomona maanzi masyonto atala *awa*. Bbomona maanzi masyonto ansi *awa*.” Bantu bataka yiisigwa.

358 Mukwesu, mpawo buyo eyo injini niyakazima, nguni wakali ku mutwe wa matantilo ayo? I silutwe. Cindi matantilo ayo nakaya mujulu, wakainka a ngawo. Cindi nakauma mpulungwido, tana kali nasika ku mpulungwido. Wa kakwempa keembe kakwe a kukawaala kwiinda mu mpulungwido, a kwaamba, “Amu boole, balombe.” Elyo mulilo wa kazima, mu maminiti masyonto. I silutwe!

359 Ta li silutwe, kwaamba, “Bbomona maanzi masyonto *awa*. Soleka asyonto *awa*.”

360 Pele, “Amu boole, balombe!” Amen. Wa kasololela mu nzila. Wa ka tutondezya mbo cicitwa.

361 Nda kayeeya, “Eco cibeela cazyamililo ca kayiisigwa-kabotu, ba kauzima mulilo oyo mu maminiti masyonto.” Nkaambonzi? Ba ka jisi silutwe kuya oyo wakazi eco ncaakali kucita.

362 Mukwesu, ambaula lwiiyo lwako loonse lwa zybukombi ndo yanda. Tubungwe twako twakapangwa-aabantu, tubunga twako, sobana a ncico.

Ndi jisi Silutwe Mupati oyo wakandaambila nzila yaku cicita.

Kwaamba, “Ee, ikuti na Nda konzya kucinunkizya, ku cimvwa.” Oh, bufubafuba!

363 *Njeeyi* i nzila Silutwe Mupati nja kaamba kuti mbo cicitwa, muli Luka caputa 4. Ta ndi jisi ciindi caku cibala. Amu cibale, lwanu. Ncibotu. Luka caputa 4, mutalikile a kampango 1.

364 Taakwe na kaamba, “Lino Njo mwaambila. Kamuya ku busena *awa* elyo mukapange kabunga kapati. Amu kabambe baalu, a badaikona, a, na kabambe makkardino, a mabishopo, alimwi mukabambe *eci*.” Ta na kaamba eco.

365 Cindi saatani na ka Mu swaangana, wa kaamba, “Eno Yebo uli a nzala. Sandula mabwe aya kuba cinkwa.”

Wa kaamba, “Kuli lembedwe. . .”

366 Wa kaamba, “Atala awa, tu yookutola Yebo awa a kukutondezya Yebo cintu cimwi.”

“Pele kuli lembedwe. . .”

“Ndi yocita *eci*, ikuti na Yebo wacicita.”

“Kuli lembedwe. . .”

367 Eyo nje nzila Silutwe Mupati nja kaamba kuti mbo caka citwa. Mbobuti mbo cicitwa, mucizi? “Kuli lembedwe, ‘Ikuti na babikka maanza abo aa balwazi, ba yoopona.’” “Kuli lembedwe, ‘Mu Zina Lyangu bayo tanda madyabolosi.’” Ameni. Ino ncinzi? “Kuli lembedwe!” Ayo nge malailile aa Silutwe. “Kuli lembedwe, ‘Kufumbwa muntu uumvwa Majwi Aangu a kusyoma aali Nguwe oyo wa ka Ndi tuma, uli a Buumi Butamani.’ Kuli lembedwe! Kuli lembedwe! Kuli lembedwe!” Ayo nge—ayo nge malailile. Oyo ngu silumamba. Eyo nje nzila. Ayo nge matobelanwa mapati ngetu tonta kutala.

368 Ino wa kacita nzi? Wa keenda kuya atala ncobeni kuya, kuli Goliati. Wa katondezya i. . . Mbobuti Davida mbwaka tondezya mpi nzila mbo caka citwa? Mbobuti Davida mbwaka tondezya Israyeli nzila mbo caka citwa? Davida caamba “mufutuli, uuyandwa.” Mwabona? Mbobuti Davida mbwaka cicita? Wa kaamba, “Njeeyi nzila mboci cicitwa. Amu syome mu Ijwi lya Mwami.”

369 Elyo Goliati waka yutuka awo, kaamba, “Yebo ulizi na? Njo kusumpula atala kumamanino aa sumo eli, elyo Njo kusanizya ku tuyuni.”

370 Wa kaamba, “Ndi swaangane mbuuli kabunga. Ndi swaangane mbuuli muntu wasunu wa sayansi. Ndi swaangane a ceba lyako pati ncobeni lya tukokola tuli kkumi-atone. Ndi swaangane a ngowani ya mukuba, alimwi a cikwabilizyo eco nce Nda ta kakonzya akwalo kunyamuna kuzwa aansii. Ndi swaangane mbuuli sikulwana waka yiiya. Ndi swaangane a Ph.D. a L.L.D. a L.D. yabubili. Ndi swaangane mu zintu ezi zyoonse. Pele Nda boola mu Zina lya Mwami Leza wa Israyeli, elyo sunu Njo kosola mutwe wako kuzwa ku ziwezo zyako.” Ameni. Eyo impu iniini loko kaiyutuka awo kulwana jompojoompo elyo, pele wa kalizi awo mpa kaimvwi.

Israyeli, kaizungaana buyo kunze kuya, “Oh, muntu muniini mucete.”

Goliati wa kaamba, “Njo kutendezya oyo ngwe Njo cita.” Elyo ngooyo waka sika.

371 Wa ka jisi f-a-i-t-h, mwabona, m-u-l-i J-e-s-u-s, mabbwe osanwe, mabwe osanwe. Bbwe lyomwe liniini mukati muya, ku

litalisya kweenda. Kalizyunguluka koonse mbuli eco, i Muuya Uusalala waka jata bbwe, nkabela ndeelyo lyakaunka. Goliati waka wida ansi. Eyo nje nzila mbo cicitwa.

³⁷² Eyo nje nzila Jesu nja kaamba, eco Nca kaamba. “Lino, ikuti na nywebo no bakwesu nomuunka mu masena aa mu mulimo, ikuti na mula yanda kuzunda madyabolosi aya, Njo mu tondezya mbo cicitwa.”

³⁷³ Saatani wa kaamba, “Nda kuswaangana.” Goliati, “Nda kutondezya Yebo eco Nce konzya kucita. Yebo uli aa nzala. Ikuti na Uli Mwana wa Leza, Nda kuzundikizya Yebo. Yebo waamba kuti Uli Mwana wa Leza. Nda kuzundikizya Yebo. Ikuti na Uli Mwana wa Leza, sandula mabwe aya abe cinkwa. Kolya; Uli aa nzala. Alimwi ikuti na Uli Mwana wa Leza, Uli jisi nguzu ku cicitwa.”

³⁷⁴ Wa kaamba, “Pele kuli lembedwe, eno, ‘Muntu takaponeni buyo ku cinkwa cilikke.’” Oh, eyo nje nzila Silutwe Mupati njaka cicitwa.

Wa ka Mu nyamuna atala lya mpela ya tempele. Wa kaamba, “Ikuti na Yebo walisowa Lwako ansi,” kaamba, “Yebo ulizi kuli lembedwe akwalo. . .”

³⁷⁵ Kaamba, “Inzya.” Kaamba, “Kuli lembedwe, alubo, ‘Yebo uta sunki Mwami Leza wako.’” Mwabona na obo Mbwa kaliita Lwakwe? “I Mwami Leza wako.” Uh-huh. “‘Yebo uta sunki Mwami Leza wako,’ kuli lembedwe, alubo, mbuli obo.” Mwabona? Oh, ma!

³⁷⁶ Ino Wa kacita nzi? Wa ka muzunda, a Ijwi lya Leza. I bupyungi bwa dyabolosi nkuku bamba kuti utasyomi Ijwi lya Leza. Elyo Silutwe Mupati wa kaamba, “Amu bweze Ijwi lya Leza a ku Li cita. Mu Zina Lyangu bayo tanda badyabolosi.”

³⁷⁷ Oh, Saatani, silutwe wabo mupati, oh, inzya, nywebo mulizi, tumwi twa tubungwe otu tusola ku mubamba kusyoma kuti ujisi nsumba zyandeene, nywebo mulizi, a mucila upasaukide, a zintu ezyo zyoonse. Muta cisyomi pe. Tali ciimo eco. Peepe, munene, mukwesu. Ngo mucenjezu. Muta syomi kuti ujisi eco. Ba cita buyo eco ku mukonga. Oyo tali dyabolosi pe. I dayabolsi ta jisi nsumba, kuzwa kukutalika; Nda ci zumbauzya maningi. Ngo muuya buyo. I dyabolosi ngo muuya. Ta jisi nsumba zyandeene a zintu, mbuli mbo musola kumu tondezya. Peepe, peepe.

³⁷⁸ Pele, ngo musongo. Mukwesu, ngo muntu musongo, waka yiiya mbo kweelede, lyoonse mbwa kabede, mu busongo bwanyika. Oh, inzya. Ngo mubotu. Kabamba mpi yakwe a busongo bwanyika, mane, mukwesu, muta soli ku—tasoli ku kanana majwi aanu. Ncibotu mwaziba eco nco muli mu kwaambaula cindi wa swaangana umwi wa baalumi aba, baamba, “I mazuba aa maleele a kainda.” Peepe, ta jisi—ta jisi

nsumba zipasaukide. Uli, oh, uli—uli—uli mu busena ncobeni bwa seminari. Uli songweede loko, mukwesu. Nce pandulula, uli panukide, Ph.D., L.L.D., Q.U.S.T., alimwi a zyoonse zimbi zyo. Mwabona? Koonse mukati muya, uli panukide buyo mbuuli mbwa konzya kuba. Musongo, masimpe, ngu nzoka, sikusobelega ubainda boonse babo. Masusu ka bbandeme, mukwesu, alimwi, nce pandulula, samikidwe, alimwi kaku takwe inkwinya mu bbaki lyakwe. Upanukide, mbuuli buyo musongo a mupampu mbuuli mbwa konzya kuba. Cili kabotu.

³⁷⁹ Muta lyeeni a nguwe cita kuti kamuzi eco nco mwaambaula. Cili kabotu. Oh, pele tulizi bupyungi bwakwe bwa kaindi—bwa kaindi. Tu lizi eco ncali muku sola kucita: kutu bamba kuti tutasyomi Ijwi lya Leza.

³⁸⁰ Elyo ta jisi nsumba zyandeene. Peepe, peepe, peepe. Lino, tu jana kuti na ta jisi nsumba zyandeene, nkokuti weelede kuba cintu cimwi cimbi. Ngo mucenjezu. Ngo musongo, wakaiya, waka bambwa kabotu. Mukwesu, ujisi mpi yakwe mbubonya.

³⁸¹ Amulange, ciindi cimwi, kuya mu Switzerland. Nse konzyi buyo kujana busena bwa kwiima, no bantu. Kuli i—i... Kuya mu Switzerland, mpaawo kwaka boola mpi ya German, mar-... a bamuzwakule kaba boola mukati. Baa, ca kaboneka mbuli bulambo bwa matina; bantu boonse baka yiisigwa, masumo oonse kabambidwe mbuli *obu*, tukokola tuli lusele na ciloba kwa kulwanina. Elyo baka boola kutala ku bana Swiss baniini bacete kutala kuya, ino nga bano jisi nzi? Ba kali libambilide a zilwanyo zya—zya mabemba kuzwa ku masikela abo, tusamu a mabbwe, elyo mpaawo ba kaima. Ba kali kunga bazisoleka soleka. Kutala ncobeni lya cilundu kwakali miinzi yabo. Mpaawa mpi yabana Swiss yakazwa kuyo baswaangana. Takukwe cintu nociba comwe nco baka bacitila. Ba ka boola buyo mukati a kutola nyika yabo.

³⁸² Ino ncenzi mu nyika oyu mwana nca cita, mucece buyo? Saatani, oyo ngo nguwe, inga watola buumi bwakwe ikuti na wakonzya. Ncamasimpe. Ngooyo we; kucitika cafwambaana. Mwabona?

³⁸³ I bana Swiss takukwe noba kacitide cintu nociba comwe. Ba kali bantu babotu. Ba kali kusoleka ku kwabilila miinzi yabo, pele ba kaima awo acamba kuti bakwaabilile. Nikwakainda kaindi, kwakali umwi wa zina lya Arnold von Winkelried. Mpaawa ya kaboola mpi eyi. Boonse ba kazyungulikwa. Kaamba, “Ino tu cite buti?”

³⁸⁴ Masena oonse, kuvula buyo kwa nkamu zya bantu, baka yiisigwa-kabotu. Eyo ne nzila Saatani nja cicita. Baka yiisigwa-kabotu, masumo abo ka tondekede ncobeni anze, muntu amuntu mu ntaamo; yomwe, zyobilo; yomwe, zyobilo; kaba saala mpi eyi niini. Kuzumanana buyo—buyo kweenda,

oko nku koonse nkuba keelede kucita, a kubabweza buyo, boonse bantu, aa maceba. I masumo kazumanana kubayasaula. Eco nicaka gozya mpi ya bana Swiss. Ayo inga nakaba mamanino. Kutala ncobeni lya cilundu nku kwakali miinzi yabo a bayandwa. Banakazi babo inga nibaka babisizya a kuligwa nkwela cakwaanganisigwa, a bana babo basimbi bakubusyi, a bana kujaigwa, a miinzi kuumwa, a zintu zyoonse, zilyo zyatolwa, ng'ombe a zintu, zyamana. Mbaabo mbo bakabede.

³⁸⁵ Cinzi cakacitika? Bunanike bwakauma umwi wa zina lya Arnold von Winkelried. Wa kaamba, “No bantu ba Switzerland, buzuba bunu Nda fwida Switzerland.” Ameni. “Buzuba bunu Nda fwida Switzerland.”

Ba kaamba, “Ino ula cita nzi?”

³⁸⁶ Wa kaamba, “Nywebo a mu nditobele buyo a kulwanya a coonse ncomu jisi.” Wa kaima awo; kawaala ansi sumo lyakwe, i kasamu kaniini nka kajisi mu janza lyakwe, mbuli *obo*. Elyo wa koongolola, a maanza aakwe mujulu, mbuli *obo*, a kuzuza kuya kuli eco, kakwiila, “Amu bambe nzila yalwanguluko!” Kazuza canguzu mbuuli mbwakali kukonzya kuunka, nkoonya ku mpi. Elyo, cindi nakacita, wa kakwempa limwi alimwi sumo elyo ndya kakonzya, a kwaafusa ncobeni mu cambia cakwe mbuli *obo*, nkabela wakafwa.

³⁸⁷ Wa ka baambila, katana unka. Kaamba, “Kuli muunzi muniini kutala kuya, i banangu a bana bamwi abo mbe Ndi siya, i muunzi muniini oyo ngu Nda kazwaa kuula.” Alimwi kaamba, “Nda—Nda ba yanda, pele, sunu, Nda fwida Switzerland. Wa kapa yangu. . .” Wa kaamba, “Nda pa buumi bwangu kuvuna cisi.” Elyo oyo wakali similimo wacamba. Ta bana bede a lumamba kuzwa ciindi eco mane sunu. Eco, eco caka cigozya.

³⁸⁸ Ca kazunda mpi eyo, ciimo eco cabusimulimo wa cambia caka tondezegwa boobo, mane kwaka nyina. . . I—i mpi yaka nyonganisigwa maningi. I bana Swiss bakakunkulisizya mabwe aali mbabo, a kuba tanda kuzwa mu cisi; alimwi tabana joka kuzwa ciindi eco mane sunu. Eyo yakali myaka iili myaanda yainda. Mwabona? Nkaambozi? Oyo wakali mucito mupati.

³⁸⁹ Pele, oh, mukwesu, buzuba bumwi, cindi ikutaziba, malweza, kuzumbauzya, kunyongana, a buyoofu, ni zyaka syanikizya bantu ba Leza mu kasena. Kwakali Umwi wakaulikwa zina Jesu Kristo, “Buzuba bunu Nda fwida bantu.” Cili kabotu.

³⁹⁰ Ino wa kaamba nzi ku mpi yakwe? “Amu nditobele a kulwanya zintu zyoonse nzi mu jisi. Ikuti na ujisi inkoli, ko lwanya inkoli. Muta yoowi. Yebo ujisi kasamu, lwanya a kasamu. Yebo ujisi bbwe, lwanya a bbwe, kufumbwa cintu nco jisi.”

³⁹¹ Eco nca amba Silutwe wesu Mupati sunu. “Nda kabweza Ijwi lya Leza, elyo Nda kazunda dyabolosi a nguzu zyakwe.” Wa kamutendaula mu mitendu, ameni, a Ijwi elyo. Lino, kufumbwa cintu nco jisi, ikuti na ujisi Ijwi lyomwe buyo, “I Mwami Leza wanu oyo uumuponya,” mu tende. Amutobele. Ameni. Amu tobele Silutwe wesu. Iiyi, munene. Wa kamu tendaula.

³⁹² Saatani, a mami aakwe, mabotu mapati, a bweebesi maningi, a zintu zyoonse, zyoonse ku-si-ka eno. Ta jisi cintu nociba comwe caku cita a ndiswe. Cili kabotu. Ucili ngo munyama wa maanu maningi kwiinda boonse ba mu muunda. Iiyi, munene. Jesu wakaamba kuti bana ba nyika eyi bakali basongo maningi kwiinda bana ba Bwami bwa Leza.

³⁹³ Lino, ezi nzwango zybilo zipati. Tu yoo...Ndi jisi... ndeелеde kujala. Oku kucumbana kobilo kupati kuli muku boola antoomwe ndyoonya eno. Ndyoonya eno ngu ora cindi malwazi a zintu nco zyauma nyika, kusikila sayansi yazyakusilika yakataazigwa, alimwi zintu zyoonse zyazingwa maningi. Takukwe cintu nociba comwe, alimwi—alimwi tu yo buyo. . . Alimwi mpi, mpi niini ya Leza, iili mu kusyanikizigwa mu kasena a zintu zyoonse. Mukwesu, ciindi ca uumbi Arnold von Winkelried. Ngu ciindi, ciindi ca uumbi muntu wa Leza kwiima kumbele. Ngu ciindi ca Eliya kulibonya. Ngu ciindi ca cintu cimwi kutola busena.

³⁹⁴ Mpi ya Leza, amu jale maanu aanu. Muta imi kwa kaindi kaniini, ku yeeya kufumbwa cintu dyabolosi nca elede ku mupa kwiinda mu magano anu. Pele amuyeeye, Ijwi lya Leza tali konzyi kukakilwa.

³⁹⁵ Ezi impi zybilo zipati! Cindi sinkondo na boola mbuli zambangulwe, mbuuli mbali muku boola sunu, ino Leza wakaamba kuti inga Uyo cita nzi? “I Muuya wa Leza inga uyo busya ciimo ca kucilwana.” Sa uli umwi wa mbabo? Iiyi, munene.

³⁹⁶ Tu la yiisigwa muli Jakobo 4:7...Ta ndi jisi ciindi ca kwiibala. Jakobo 4:7, ku, “Amu mukazye dyabolosi, elyo,” ta kozwa buyo pe, pele, “uyo cija.” “Amu mukazye dyabolosi.” Mbobuti mbo mu mukazya dyabolosi? I nzila njiyonya Silutwe wesu Mupati nja ka twaambila kucita. Amu bweze Ijwi lya Leza. Eyo nje nzila mbo mu mukazya dyabolosi, nkwiinda ku Ijwi lya Leza. I Silutwe wesu Mupati waka twaambila nzila buyo mbo caka citwa. Neibotu.

³⁹⁷ Lino, mu kujala, Ndi yanda kwaamba eci. Oyo dyabolosi mukulukulu, eno, nywebo mu yeeya kuti tafwi nsoni. Mu yeeya kuti uyo lwana mwana na? Uyo lwana kufumbwa cintu. Wa ka lwana Jesu Kristo. Wa ka boola kuli Nguwe, a kulwana kotatwe kwabukali. Sena mwa kalizi eco? Saatani ta na ka lwana buyo lomwe. Uyo ku lwana a bulwazi, nkabela mpaawa

uyo joka a ku kulwana, ku kwaambila, “Mazuba aa maleele akainda. Yebo tii wa kaponsegwa. Takukwe cintu nociba comwe kuli Ncico.” Yebo ulizi eco cili kabotu?

³⁹⁸ Wa ka lwana Jesu ziindi zgotatwe. Kulwana kotatwe kwabukali, wa kabbuntumukila muli Jesu, a kutasyoma kwakwe mu Ijwi lya Leza. Jesu wakali Ijwi. Masimpe, taakwe naka ci syoma. “Ikuti na Yebo uli...Ikuti na Yebo uli...” Ngooyu wa boola, kulwana kwabukali, mbuli ziindi zimwi sinkondo sunu. Mpaawa ba boola, kaamba, “Ikuti na Yebo uli Mwana wa Leza, ndi tondezye i maleele. Andi cibone kucitwa.” Mukwesu, wa kakazya a kulwana kwabukali kotatwe, “Ikuti na Yebo...Ikuti na Yebo uli...”

³⁹⁹ Lino, wakacita nzi Jesu? Jesu wakali Ijwi lya Leza. Wa kali Ijwi. Wa kalwana Ijwi. Bulemu! Ndili—Ndili mukuba buyo... kulimvwa buyo kabotu, ku kambauka eno, Ndili masimpe. Cili kabotu. Jesu ngo Ijwi. “Ku matalikilo kwakali Ijwi, alimwi Ijwi lyakali a Leza, alimwi Ijwi wakali Leza. Alimwi Ijwi lyaka kkala, kaba mumubili wa buntu, a ku kkala...” Jesu wakali Ijwi. Ino Wa kacita nzi? Wa kamu tendaula mu mitendu. Oh, ma! Ndi laleka. Ino Jesu wakacita nzi? Wa kali Ijwi. Aboobo, a Ijwi, Wa kaingainga Saatani aa kulwana kwakwe kwabukali. Wa kakazya kuya mbuli nkamu ya para-, basilumamba-bayiide bwaandene, na cintu cimwi cimbi mbuli obo, kakazya Jesu, i Ijwi, mbuli obo. Elyo Jesu waka bweza Ijwi, aku mutendaula mu tubeela. Aleluya! Masimpe, kamutendaula mu tubeela, ka muzunda a Ijwi.

⁴⁰⁰ Mwabona kulwana kwakwe? Amulangilile, amuswile kabotu, kujala oku. Kulwana kwakwe nkwanzi? Kutasyoma Ijwi lya Leza, oko nko kulwana kwakwe. Awo, sa mula konzya na kubona nkondo mpatimaningi i yakalwanwa lyoonse? Kuli buyo nguuzu zoyobilo; Saatani a Leza. Elyo nci lwanyo nzi ca Saatani nca lwanyo nduwe? Nku sola ku kubamba kutasyoma Cilwanyo cako. Ula kunyanga zilwanyo. Atu—atu swiilile zii ncobeni eno. Amuswiilile. Ikuti na wakonzya ku kubamba kutasyoma Cilwanyo cako ngu kweelana muciiimo, ikuti na wa kubamba kusyoma kuti Cilwanyo cako tacili ciyumu loko, wa ku nyanga zilwanyo.

⁴⁰¹ Oh, Mukwesu Neville, Nda syoma tuta cisiyi eco. [Mukwesu Neville waamba, “Nda syoma a kutalombozya.”—Mul.]

⁴⁰² Amulange. Ula munyanga zilwanyo cindi amubamba kutasyoma Cilwanyo eco. Cindi nywebo mwalazika Eco ansi, eco cimana kulwana kwako. Nywebo mwamana. Amujate Cilwanyo eco. Muta Ci laziki ansi. Tu labona kutasyoma kwakwe. Atu...

Cintu cimwi casyaala nce Ndi yanda kwaamba eno, mu kaindi kaniini.

403 Russia. Ndi yanda kwaamba eci ku lugwasyo lwa basimulimo wacamba, a zimwi zimbi, kuno, alimwi a nywebo no basicikolo ba Bbaibbele. Ino ninzi nco mulibilika a koongolola kujatikizya Russia? Huh! Ta mu ndimvwi ku mwaambila kuyaka ziyobwedo zya mabbomba, sa mula ndimvwa? Ino ninzi nco mulibilika kujatikizya Russia? Russia tacili cintu. Ta baka zundi lumamba. Ta baka zundi nyika. Kkomunizimu tai kazundi nyika pe. Ino ncinzi casyupa bantu? Sa inga Ijwi lya Leza lyakakilwa?

404 Amu swiilile, eci aa teepu eno. Ku nyika, Nda kanana, na kufumbwa ku masena mateepu aya nkwangana aya. Alimwi kuli ndinywe no bantu kuno, tacikwe makani cintu cili coonse cicitika kuli ndime, amu syome eci.

405 Russia, kkomunizimu, tazili muku zunda cintu nociba comwe. Ijwi lya Leza tali konzyi kukakilwa. Buna Roma buyo zunda nyika.

406 Atu bweze cilengaano ca Daniele. Elyo ngo Ijwi lya Leza. “Yebo, O Daniele. . .” “Yebo, O Mwaami Nebukadinezara, ngo mutwe oyu wa ngolide,” Babuloni. “Bwami bumbi buyo tola busena bwako, obo ngu siliva,” mwabona, obo bwakali Medesi-o-Persia. Bumwi bumbi bwakali Greece, Alexander i Mupati. Bucilila, bwakanjila, Rome. Elyo takukwe cintu nociba comwe ca kaambwa kujatikizya kkomunizimu. Rome yakazunda nyika.

407 Jesu Kristo wa kazyalilwa mu Bwami bwa bana Roma, a kupenzegwa, ciindi Cakwe citaanzi nakaboola kuno, kwiinda mu bwami bwa Roma. Alimwi aa Kuboola Kwakwe kupati kwabili, kuboola eno, Mulumbe Wakwe ulimu kupenzegwa a tubungwe twa bana Roma, oyo uli ngo banyina wa boonse babo. Alimwi cindi Na bweeda, Uyo jokela ku gwisya bwami obo bwa bana Roma, eeco bama Juda lyoonse bali ku Mu langila kuboola a kuzogwisya bwami bwa bana Roma.

408 I mbunga ya bantu ya Katolika a tubungwe toonse mu nyika, ndyoonya eno tu boola antoomwe mbuuli kabunga, mbunga yansangano ya mabungano kuli bamba kabunga antoomwe. Ta ili Russia. Ngu Rome. MBU BOOBU MBWAAMBA MWAMI. Inzya. Amu ndi tondezye Lugwalo awo kkomunizimu, na kufumbwa cintu cimbi kunze lya Rome, ciyo yendelezya.

409 Sena Medesi-o-Persia yakatola busena bwa Nebukadinezara? Masimpe. Sena Greece yakatola busena bwabo? Inzya. Sena Rome yaka beendelezya, kuzwa awo? Sena bwaka mwaika kuba inguzu zya Ottoman zili kkumi mbuli buyo mbo tu jisi eno? Sena. . .

410 *Eisenhower*, eco caamba “butale.” *Khrushchev* caamba “bulongo.” Sena baka jisi muswaangano wabo nkoonya kuno? Alimwi Krushchev wa kasamununa bbusu lyakwe.

[Mukwesu Branham wakonkomona aa cikambaukilo—Mul.] Ku cibamba kuba antangalala, cintu cijulidwe, wakabbompa aa desiki, mbuli *obo*, kutondezya bantu. [Mukwesu Branham wakonkomona aa cikambaukilo.]

411 Ee, ino makani nzi a bantu sunu? Nkokuli lusyomo nko lwaya? Nkaambozi, sa tamu syomi Ijwi lya Leza kuti ngo Bwini? [Mbunga yaamba, “Ameni.”—Mul.] Alimwi cintu eco tacili mukati *Awa*. Ino ncinzi casyupa bakambausi sunu? “Kkomunizimu!” Mukambausi oonse uli aabusena kuno kusola kulwana kkomunizimu. Kkomunizimu, tacili cintu!

412 I cintu, dyabolosi uli muku civukuuzya nkonya kungsi aa mpemo yako, elyo ta mucizi; ngu buna Roma, bunakabungwe. Elyo Rome ngu banyina wa tubungwe. I Bbaibbele lya kaamba, “Waa kali sikuvuula, a bana bakwe basimbi bakali basibwaamu,” kulwana Leza, kulwana Ijwi Lyakwe.

413 Basilumamba, amu bweze Ijwi. Baangelo ba luse, amu kkale a Ijwi elyo. Ndi yo nyonyooka buzuba bumwi, pele Ijwi eli talika nyonyooki. Alimwi nywebo no bantu bakubusyi, ikuti na tii cacitika mu nzyalani lyangu, muyo bona. Nceeco cintu.

414 Sena mwamvwa makani aakapepele kuseeni kuno? Muka. Kennedy uunka, kuyo bona pope, alimwi a eco pope ncaamba. Mwabona, boonse bukombi bwa nyika! Oh! Ee, ndiza tu kabe akusyonto kumbi kwa ceeco, Nsondo iicilila.

415 Mwabona, muta libiliki kujatikizya Russia. Russia ndi bbwe liniini aa nkomwe. Muta libiliki kujatikizya kkomunizimu. Amu langilile buna Roma cindi nebuli muku kamantana a mabungano. Takukwe cintu cilembedwe mu Lugwalo kujatikizya kkomunizimu kwendelezya nyika.

416 Elyo Ndi leenda a Ijwi, takukwe makani a eco cintu cili coonse cimbi ciinka. Ngu Ijwi Nde syoma. Ngu buna Roma obo butola nyika. Alimwi buna Roma ngu banyina wa tubungwe. Kwa kanyina kabungwe mane Rome, alimwi a tumwi twabo twa kazwa muli njiyo. Alimwi Bbaibbele lya kaamba boobo, “Waa kali banyina wa basibwaamu.” Inga Nda kkala cisela a buzuba aali ncico, alubo, pele Ndi yeeyela kuti inga akwalo Nda zumanana.

417 Cindi sinkondo aa tulwana, mpawo, “Oh, Nda kwaambila, yebo weelede kuboola kusangana a ndiswe. . .” Ino uyo cita nzi, kubbingila, kulimvwanya? Kutali silumamba wakasimpe, takaciti. Peepe, munene.

418 Ino tu cite nzi mpawo? I maanu, “Amu leke maanu ayo aakali muli Kristo. . .” Eco Bbaibbele nce lya kaamba na? [Mbunga yaamba. “Ameni.”—Mul.] “I maanu ayo aakali muli Kristo, abe a ndinywe.” Ino musyobo nzi wa maanu Nga ka jisi? Kkala a Ijwi. Cili kabotu. Kkala a Ijwi, Ijwi lya Taata,

kazunda sinkondo ziindi zyoonse. Lino cindi sinkondo alwana a kusola kwaamba kuti weelede kucita *eci* a kucita *eco*, ino uyo cita nzi? Kkala a Ijwi. Cili kabotu.

419 Ino ncinzi nco yanda kucita mpawo? Bweza Ijwi. Ino Ijwi ni nzi? I Bbaibbele lya kaamba awa. Twa zwaa kucibala. Nkambo i Muuya, a wa Leza, ngu Ijwi. Mwabona? Amulange awa. “Elyo amu bweze ngowani ya lufutuko, alimwi i Ceba, i Ceba lya Muuya.” I Ceba lya Muuya! Inzi? I Muuya oyo uunjila kwiinda mu maanu aanu a kunjila muli ndinywe, alimwi i Ceba lya Muuya oyo ngu Ijwi lya Leza.

420 Ino Muuya oyo ulwanya nzi? Ino Muuya Uusalala ulwanya nzi, kunyanyamuka, kulimvwa? [Mbunga yaamba, “I Ijwi.”—Mul.] I IJwi; moyo! Fyuu! Bulemu! Ino Li lwanya nzi, kulimvwa? Ijwi! Ijwi! Atu lyaambe, Ijwi! [“Ijwi!”] Ijwi! [“Ijwi!”] Ijwi lya Leza ngu ceeco Muuya nco ulwanya.

421 I Muuya wa Leza uleenda ncobeni kuya kuli dyabolosi, alimwi kaamba, “Kuli lembedwe!” Ameni! “Kuli lembede!” Nkabela dyabolosi ulalekezya.

422 Ino tu cite nzi? Amubweze i Ceba, lili ngu Ijwi lya Leza, ku Li kwela a (nzi?) i janza lya lusyomo, janza jumu lya lusyomo, Ceba libosya-konse. I Bbaibbele lya kaamba, mu Bahebrayo 4, “Ngu—ngu i Ceba libosya-konse,” li tenda koonse ku kuboola a kwiinka.

423 Mukwesu, ino ulacita nzi? Bweza Ijwi. Bweza i Muuya, lekela Muuya unjile mu moyo wako. Ko jula maanu aako, kwaamba, “Ijwi Lyako ngu bwini.” Lino, cita *eco*, mucizi. [Mukwesu Branham alubo wakanana ku mucizi uucisidwe—Mul.] “Ijwi Lyako ngu bwini.”

424 “Mwami, Nse ka swiilili obo mbo Ndili mvwa, *eco* kufumbwa muntu, walo ncaamba. Ndili mukusinka, Ndili mukumwaya zyoonse zya nzila zyangu, kunyongana koonse, a buzumbauzi, a kutasyoma oko nko Nda kasola kuba ako. Kulimvwa koonse nko Nda kajisi lyoonse, kuciswa koonse nko Nda ka jisi koonse, zintu zyoonse zimbi nze Nda ka jisi lyoonse, Ndili mukuzimwaya zyoonse. Ndili mukweenguluka zyoonse ezyo. Ndili muku boola kugama ncobeni ku muuya wangu. O Mwami, seluka ansi. Yebo wakaamba kuti Wa kandi bamba muntu ulisalila cakucita.”

“Mbo bede, mulombe Wangu.”

425 “Ncibotu, Nda jula moyo wangu a maanu aangu. Ko njila, Mwami Jesu.”

426 Elyo kwempa Lusyomo, elyo Ceba lya Muuya, MBU BOOBO MBWAAMBA MWAMI. Kokwiila “Aleluya!” Ameni. Mpawo gonkela ansi basinkondo boonse kumbele lyako. Ameni. Nceeco we. Gonka basinkondo boonse. Kutu na i—i muuya wenzu uyoosya wakaindi ukubamba kulimvwa koonse. . . . Cikosole cintu *eco*, a Ijwi lya Mwami.

Pele kukonzya kwesu, ngu, “I lutangalo lwa Mwami nko kukonzya kwangu.”

427 “Ko zwa kuli ndime.” Bbaa! Yebo mutende a Ijwi. Naa cibe daimona, naa cibe sinkondo, naa cibe kuciswa, naa cibe bulwazi, kufumbwa mbo cibede, bweza Ijwi elyo a ku Li kwela a Ceba. Alimwi ikuti na wa cuuma canguzu ciindi citaanzi, ta ciboneki kuputa, cuume alubo, a ku cuuma alubo, a ku cuuma canguzu alubo. A ku cuuma kusikila wa donkola kapulo, mbuli ka nkuku kaniini kayuna lwako; na sikwaze, mbo bedede. Koli gogomwena ncobeni kwiinda mu cipapa eco cakaindi ca kuciswa. Libambile nzila kwinda mu kujuba, a kwaamba, “Aleluya! Uuli kuli umwi uucilila?” Amen. Eyo ni nkondo. Oyo ngu silumamba. Oyo ngu silumamba wa ciingano. Iiyi, munene. Kouma cakuzunda basinkondo boonse.

428 Nkaambonzi? Nkaambonzi? Swebo, imbuto ya Abrahamu, yabwami yakakanzwa. Cindi Abrahamu naka tama zintu zyoonse ezyo zyakali kulwana Ijwi lya Leza, wa kali bambila nzila kwiinda mukutendaula ncobeni zisinkila zyoonse ezyo zyaka boola kumbele lyakwe. Ba kaamba, “Mukaintu wako uli cembeede maningi.” Wa katendaula buyo cintu kuzwa mu nzila. I dyabolosi wa kaamba, “Yebo tokonzyi kucita *eci*. Yebo tokonzyi kucita *eco*.” Abrahamu wa kacitendaula kuzwa mu nzila. Wa ka cuuma, a kuuma aali ncico, kusikla ca tenda lwaco kwiinda.

“Ncili cicilila, Mwami?”

429 “Ko sunzya tente lyako atala *awa*.” Wa katanta a ku Mu yakila cipaililo atala awo.

430 Katanta awo, elyo Saatani wakasika, kaamba, “Lino, Nda kwaambila, obu tabuli busena bubotu.”

“Njo kkala mponya awa. Ko zwa ku masena aangu.” Wa kaamba, “Aleluya!”

431 Lota wa kaamba, “Ncibotu wa boola kunselelo awa. Tu jisi ciindi cibotu kunselelo awa. Toonse tu jisi tubungwe twesu kunselelo awa. Baa, mukaintu wangu ngo mweendelezi wa kakamu ka zybulembi a zintu zyoonse zimbi, mu dolopo. Nda kwaambila, weelede ku boola kunselelo awa.”

Sarah wa kaamba, “Abrahamu . . .”

432 “Umuna, Sarah.” Aleluya! “Ko ima mponya awa. Obu mbo busena Leza mpaka ndibikka. Mponya awa mbo busena mpo Ndi ima.”

433 Mpaawa aa busena Leza mpaka ndibikka.

Boonse amubone nguzu zya Zina lya Jesu!
Amuleke Baangelo balemeke cakufugama;
Kuleta diademu ya bwami,
Aku Mu samikamusyini Mwami wa boonse.

Ali Kristo, Bbwe jumu, Nda ima;
 Masena oonse aambi ngu musenga uubbila,
 Masena oonse aambi ngu musenga uubbila.

⁴³⁴ Alwalo lufu lwalo, zintu zyoonse zimbi, ngu musenga uubbila. Aali Kristo, Bbwe jumu, Nda ima.

⁴³⁵ “I Lunyugu lwa Abrahamu lwabwami.” I Lunyugu lwabwami! Baa, i mpi iikketedwe maningi ya England ngu busyomesi bwa England, bulowa bwabwami, zintu zyoonse. Alimwi Lunyungu lwabwami lwa Kristo ngu mbungano iizwide aa-Muuya Uusalala, iizwide a Muuya Uusalala. Ninzi? Lunyungu Lwabwami, kwiinda ku cisyomezyo, kutali ku kunyanyamukwa. Pele, kwiinda ku cisyomezyo ca Leza, ba laima a Ijwi lya Leza, a kulibambila nzila kwiinda mukutenda, koongolola, “Aleluya!”

Alwalo lufu lula boola a kwaamba, “Ula boola mumsi lyako maningi.”

⁴³⁶ Kwaamba, “Ko lekela, Jordano. Ndili mu kuzabuka.” Kobamba nzila yako kwiinda mukutenda, ku Nyika ya cisyomezyo. Amenii.

⁴³⁷ Ino ncinzi cicitika i nkondo yoonse yamana? Ndili muku jala lino, masimpe loko. Cindi nkondo yamana ku masena oonse, elyo basalali ka baboola kaba macing’a ku Muunzi, Ndi yanda ku mubuza cintu cimwi, ino ncinzi caka citika?

⁴³⁸ Ino ncinzi caka citika cindi Hitler naka njila mu France? Baa, ba kwaamba kuti nimwata kakonzya akwalo kubona milengalenga, kwa kaindi kaniini, i ndeke. I nzila yaku-macing’a yabana German. [Mukwesu Branham wacita nzila yaku-macing’a aa cibumbili ziindi ziyobilo—Mul.] Mwabona, ba kali imvwi, ka bainda, kusekelela luzundo.

⁴³⁹ Cindi Stalin naka boola ku Russia, kwa mamaile kunze, matobolo oonse aakunkulisigwa akali kutobelana buyo asyonto syonto, akalosya buyo mabbomba aali Berlin kusikila kwa kanyina cintu nociba comwe cakasyaala ca njiyo. Ngu koonse. Alimwi cindi niba kainka, a baaba bana German... Aba basilumamba bana Russia kabasekelela, ba ka njila a ceeco, nywebo mulizi, eco cintu eenzu cisyoonso nce bacita. Nda ka cibona aa cifwanikiso, ciindi cimwi mu London, nzila mbo ba njila, cifwanikiso cini ca cintu ku busena, eco caka citika, kaba njila, kabasekelela. Oh, ma!

⁴⁴⁰ Cindi ni twa kamvwa kuti lumamba lwa mana, twa kakwiila, twakalalizya indwiba. Cindi basimulimo bacamba niba kajoka, twa kaba swaangana kutala kuya. Ba kakwiila. Ba koongolola. Nda ka jisi mweenima wakali mukati muya, kwaamba, cindi naka joka, boonse bapati... I basimulimo wacamba bakaindi ba nkondo bakali a mbata zyazyaso maningi, tii bakali kukonzya kuzwa mu bulo, aboobo ba kaba kkubila buyo muzyendelo atala lya bwaato cindi nibaka njila, kuti babone Cibumbwa ca Bulubusi ka ciimvwi. Kwaamba,

“Balo bantu bapati ncobeni kabaimvwi awo, ba kalila buyo, alimwi bakuwa atala mbuli *obo*, cindi niba kabona eco Cibumbwa ca Bulubusi.” Bakali kule kuzwa ku muunzi kwa myaka yone, kabalwana, kulebuka-kwa munkondo, a zintu zyoonse zimbi. Pele bakalizi kuti mukaintu uukwetwe, a muyandwa, a baama, bataata, a bana, a boonse abo mbe bakali kuyanda, bakali kunze ncobeni lya Cibumbwa ca Bulubusi. Ca kaiminina eco nco bakali kulwanina. Oh, indweba zya kalizigwa, elyo New York yakanjila mu kukwiila, ngu koonse, cindi basimilimo babo bacamba niba kanjila kaba macing’a. Eco ciyooba cintu ciniini.

⁴⁴¹ Ciindi cimwi elyo Caesar, niya kamana nkondo, wa kaamba, “Ndi yanda silumamba wangu wampuwo maningi ku kwela a ndime mu kusekelela oku kupati kwa kuzunda kuli sinkondo wesu.” Elyo umwi aumwi wa basilutwe baka bamba kabotu zisumpa zyabo a kubalameya ntobo zyabo, a ku macing’a azyo, nywebo mulizi, mbuli *obo*, mbuuli—mbuuli basilumamba bakasimpe mbuli *obo*. Nikwa kaina kaindi, muntu wakaindi, muniini waka boola, wakatendwa. Ma! Wa kabaanga walanga buyo mujulu, a kutalika kweenda, mbuli *obo*. Caesar wa kaamba, “Amulindile kaindi kasyonto. Amulindile kaindi kasyonto. Yebo,” katasamide akwalo mbuli i—i simulimo, kaamba, “boola kuno.” Kaamba, “Nkokuli nkonga wajana mbata ezyo?”

Wa kaamba, “Kuya ku bbuwa lyankondo.”

⁴⁴² Kaamba “Ko tanta ano. Ndo nduwe mwaalumi oyo ngo Ndi yanda ku kkala ambali lyangu.” Nkaambonzi? Wa ka tondezaya kuti wakali mu nkondo.

⁴⁴³ O Leza, koba luse aa muntu ukonzya kukosola kuboko kwa aa kagabba kanswi a kujana bukanazi bwakulumbaizigwa. Ndi yanda kuba a mbata-zyaku nkondo. Mbuuli Paulo mbwa kaamba, “Ndi jisi mu mubili wangu zyaando zya Jesu Kristo.” Aako nke kaambo nce Ndi yanda kulwana mu mulimo.

⁴⁴⁴ Buzuba bumwi, cindi Silutwe wesu Mupati ncobeni aa ku boola, Oyo wa katusamika zilwanyo, Oyo wa katupa zilwanyo zya Leza, i Muuya Uusalala, katupa Ijwi Lyakwe kulwanyo alyo, akuyutuka awo; cindi Silutwe wesu Mupati ncobeni akuboola kakwelede mukati, Ndi yanda kusotokela atala mu nkalaki a kweenda kutala ku Muunzi a Nguwe. Sa tamu yandi? [Mbunga yaamba, “Ameni.”—Mul.] Nkabela cindi Nda kubweza mukaintu wangu wakaindi muniini ku kuboko, kulanga koonse kuno a kubona bakwesu bangu a bamakaintu babo, a bana babo, cindi twa kutalika kweenda kuselemuka kwiinda mu maparadiso ayo aa Leza, a Baangelo kabazuzya luwo a twiimbo tusalalale, aatala mbuli *obo*, kwaambaula zya kusekelela!

⁴⁴⁵ Elyo cindi nkondo yamana, tuyo sama musyini. Oh, ma! Oh, basilumamba ba ciingano, kuseeni kuno, amusomone oko kuboko kwa lusyomo awa, alimwi mu jate mujanza Cilwanyo eci.

446 Ino kujatikizya ncico, mucizi, sena ulili bambilide? [Mukwesu Branham alubo wakanana ku mucizi uucisidwe—Mul.] Somona Cilwanyo eco, kwaamba, “Leza, Ta ndikwe makani eco—eco dyabolosi ncaamba kuli ndime, oko kunji buti kufumbwa muntu umbi ncaamba. Kuseeni kuno, Ndila syoma.” [I mucizi waamba, “Ndila syoma, ambebo.”] “Ndila syoma.”

447 Mbuuli mbu Nda kaamba buzuba bumwi, i syoonto... Nda syoma Nsondo zisyoonto zyainda, kwakali muntu wa ka jisi ciloto. Wa kalota kuti dyabolosi wakali cintu cakaindi ciniini, kazuza kutala ku nguwe. Wa kati, “Boo!” Elyo wa kasotokela kusule, elyo dyabolosi wakakomena maningi. “Boo!” Elyo wa kasotokela kusule, elyo dyabolosi wakomena maningi. Kumalekelo, dyabolosi waka komena mbuli mbwa kabede, wakali kuyanda ku muzunda. Wa kalizi kuti wa keelede kumu lwanya a cintu cimwi, aboobo wa kalanga koonse. Ta na kajana cintu nociba comwe cakumu lwanya aco. Wa ka bweza buyo Bbaibbele. Elyo dyabolosi wa kaamba, “Boo!” Wa kaamba, “Boo!” kujosya ncobeni kuli nguwe, elyo dyabolosi wakaceya maningi, a maningi, a maningi. Elyo, kumalekelo, wa kamuuma caku mu jaya a Ijwi.

448 Yebo uli silumamba, sa toli boobo, mucizi? [Mukwesu Branham alubo wakanana ku mucizi uucisidwe—Mul.] Bweza Ijwi elyo a kwaamba, “Kuli lembedwe.” Ameni. “Ta ndi koofwa pe. Ndi yoopona. Ndi yokkala ncobeni mu cikombelo eci a kulumbaizya Leza nkambo ka bubotu Bwakwe, a bamwi bambi.”

449 Sa mula syoma eco, basalali? [Mbunga yaamba, “Ameni.”—Mul.] Ameni.

Atu kotamike mitwe yesu.

450 O Mwami Leza, Mulengi wa majulu a nyika, acizibwe sunu kuti Yebo ucili Leza. Takukwe makani obo kunji nkwenza Nda kambauka, obo zintu zinji nzenga Nda amba, Mwami, i Ijwi kuzwa kuli Nduwe lila cisitikizya.

451 Otu tutambala tuli lede awa, kwiiminina bantu baxiswa. Nda komba, Taata Wakujulu, kuti zilongezyo a nguzu Zyako ziyokkala aali kamwi akamwi, mbuuli mbu Nda bikka maanza angu aali ntuto. Leza, mu Zina Iya Jesu Kristo, Nda komba kuti Uyo nanika tu tambala otu a Busyu Bwako Busalala, nkambo kuli lembedwe mu Ijwi. Ta cili cintu cilwana Ijwi. Pele ca kaamba mu Ijwi, kuti, “Ba kagwisya ku mubili wa Paulo, tutambala a tusila. Myuuya mibi yakazwa mu bantu, elyo baka ponesegwa ku malwazi aandeene.” Lino, ta tuli Musalali Paulo, pele Yebo ucili Leza, alimwi Yebo ucili Muuya Uusalala nguwenya. Nda bikka maanza angu aa tutambala otu, mu Zina Iya Mwami Jesu, alimwi ndalomba kuti Yebo uulongezye a kuponya umwi aumwi wabo.

⁴⁵² Elyo, Leza, kulede atala awa mu bulo, oyo wali kulede awa, taakwe umbi pele mwana, musimbi buyo muniini mubotu. Ta konzyi kupona, Mwami. Saatani wacita bubi kuli nguwe. Alimwi basilisi bayandwa ba nyika eyi basola ca nguzu, kakutakwe kuzumbauzya, ku vuna mwana. Ta ba konzyi buyo ku cicita. Ba li kumagolelo aa kukonzya kwabo. Ta bazi cintu cimbi ca kucita. Pele, Mwami, Nda botelwa loko kuli caputa iimbi iilembedwe. Inga twa jula peegi limbi, alimwi mu peegi eli tu la bona Musilisi Mupati ka njila. Tu li muku Mwi itila lulayo kuseeni kuno.

⁴⁵³ Lino, Mwami, sa ta cilembedwe awa mu Ijwi Lyako, kuti, “Ezi zitondezyo ziyo batobela abo basyoma”? Mwami, ikuti na ta Ndili musyomi, ndibambe kuba umwi eno. Ikuti na musimbi oyu muniini tali musyomi, mubambe kuba umwi eno. “Ezi zitondezyo ziyo batobela abo basyoma; ikuti na babikka maanza abo aa baciswa, ba yooona.” Kuli lembedwe akwalo, “Mu Zina Lyangu bayo tanda badyabolosi.” Mwami, alo—alo ngu Majwi Aako. Ndi Lyako. Ndi Ijwi Lyako. Alimwi eno mbuuli muzike Wako . . .

⁴⁵⁴ Mbuuli Mbo kaamba, “Ikuti na kuyoba bobilo na botatwe ba ndinywe bayo swaangana antoomwe, Ndi yoba aakati kanu; alimwi ikuti na muyo zuminana, mbuuli kujatikizya cintu cimwi, kulomba, muyo cita tambula.”

⁴⁵⁵ Leza, oyu mwana ndiza ngo muntu uucisidwe kwiinda mu buyake kuseeni kuno, nkaambo takonzyi kupona kakutakwe Nduwe, ciindi cilamfu maningi, alimwi ngo mulwazi uucisidwe kwiinda. Aboobo, toonse tuli, tula zumina, mbuuli basilumamba boonse baimvwi ano. Alimwi mu nkamu eyi kwiimvwi Lunyungu lwabwami lwa Abrahamu.

⁴⁵⁶ Tu li muku saala kulwa Saatani eno. Alimwi akwalo inga mwalibambila kweenda, Saatani, nkaambo zilwanyo zyesu zilabalama, a mibala ilaluluma; baalumi a banakazi ba jisi Maceba, ku macing’a kuya kumbele eno aali nduwe, nkambo ka musimbi oyu muniini. Ko zwa muli nguwe, Saatani. Mu siye mwana oyo. Mbuuli mpi ya Leza uupona, twa ku sampaula. Mu siye, mu Zina Iya Jesu Kristo.

⁴⁵⁷ Nda yinka kuyo bikka maanza aali nguwe. Alimwi, Saatani, waanga mwana oyu, wa kacita bubi obu. Ndi lizi kuti uli muzundi wiinda ku muntunsi, pele toli muzundi wiinda ku Mwami wangu pe, aboobo Nda boola mu Zina Lyakwe. Mwa ngulule, yebo o muuya wa dyabolosi. Yebo daimona Iya kuciswa, ko zwa mu mwana oyu, a kuba kuti aa nguluke, kuzwa buzuba buno cakuzumanana. Nda amba eci camulao, mu Zina Iya Jesu Kristo.

⁴⁵⁸ Lino, Mwami Leza, Yebo Oyo ka busya bafu a kutondezya kuti Yebo wakali Leza, busya mwanakazi oyu mukubusyi ku nseba a kukonzya zyakwe alubo, kuti ime mu buyake obu kuno. I dyabolosi wazwa kuli nguwe! . . .? . . . kuyo mu ponya. Akube kuti apone ku bulemu a lulemeko lwa Leza.

Ca—Ca kanaanwa, eno ci lekwe cicitwe.

⁴⁵⁹ Sa kuli bamwi mukati muno abo bayanda kunyamuna maanza aanu a kwaamba, “Ndi yanda ku kombelwa. Ndili cisidwe. Ndi bulide Leza”? Ta ndizi ciindi mbo cili cinji ncotu jisi. Tuli jisi ciindi cinji kuti tu lekele balo bantu kwiinda awa. Ndi mvwide buyo kuumbulizya ncobeni eno kuseeni oku. Inzya. Inzya. Ndi yanda kuti uboole ansi awa, Billy, a kubweza buyo ndiza cibeela eci comwe mponya awa, aa lubazu *olu* luli awa, lulikke. Lekela buyo cibeela eci kuboola lutaanzi, nkabela tu bweze cibeela ca kusule kwamana eco, atala buyo kuli mwakwiindila *omo* kuya. Nkabela tuyo babweza buyo mbuli obo, nkabela ta ba . . .

⁴⁶⁰ Elyo eno Ndi yanda Mukwesu Neville a bamwi bakwesu bangu bakutauka kwiima ambali kuya muni lyangu, mponya awa, kutegwa inga mwa batola nkoonya kunselelo mwakwiinda alubo. Ncibotu. Ncibotu. Lino Ndi . . .

⁴⁶¹ Mbangaye banu ba samide zilwanyo? [Mbunga yaamba, “Ameni.”—Mul.]

⁴⁶² [Mukwesu Branham wafutatila cikambaukilo a kukanana ku mucizi ngwa zwaa ku kombela—Mul.] Yooba bwaandene eno. Koya ku muunzi, ube kabotu eno, uupo nesegwe.

⁴⁶³ Ameni. Oh, ma! Nyoonse no basilumamba, amukwele Ceba. Amukwele Ceba, basilumamba ba ciingano, kuyabu macing’a, kuyabu macing’a.

Aali Kristo, Bbwe jumu, Nda ima.

Masena oonse aambi ngu musenga uubbila.

⁴⁶⁴ Ncibotu, amuboole ncobeni ambali, ansi ncobeni aa lubazu *awa*. Bantu boonse mu mipailo eno, mbuli mbo baina.

Mu Zina lya Jesu, ponya mwanakazi oyu. Ameni.

Kokwela Ceba lyako eno. Kokkede nkoonya ku cuuno cako, koongolola.

⁴⁶⁵ [Mukwesu Branham a bakutausi bakombela baciswa, kutantamuka kuzwa ku maikrofooni, kwa masekondi aali makumi one-aosanwe—Mul.]

Kuyakumbele, Basilumamba banakristo!

Ku macing’a mbuuli ku lumamba,

A ciingano ca Jesu

Kuzumanana kuya kumbele.

⁴⁶⁶ “Ko lekela, Saatani!” Ino makani nzi, basilumamba? Sena ta muzi na kuti inga twazunda? [Mbunga yabotelwa a kwaamba, “Ameni.”—Mul.] Uu zundidwe kale. Tuli basikuzunda baina muli Kristo Jesu. Madyabolosi oonse atandwa, zintu zyoonse zimbi. Ameni.

Amuboole kuno, bakwesu bangu! . . .? . . .

Nda komba kuti uyooponya! . . .? . . .

Koponya mukwesu wangu, Dok; ko mu ponya, Taata, mu Zina Iya Jesu.

Mu Zina Iya Jesu Kristo, koponya mulindu oyu. Boola...?...

⁴⁶⁷ Lino, wa kabweza... Nda cita ku lomba bakwesu kusule. Masena onse, i Mwami...?...

⁴⁶⁸ O Mwami Leza, Mulengi wa majulu a nyika! O Leza, Yebo ulizi cili mu moyo wakwe. Yebo ulizi zyoonse kujatikizya ncico. Nda kombela boonse baama a bataata. Mu Zina Iya Jesu Kristo, Nda tuula...?...

Mu Zina Iya Jesu Kristo, Nda...?...

Mu Zina Iya Jesu Kristo, Nda...?...

⁴⁶⁹ Leza, koba a mucizi wangu. Tu lizi, myaka ya talika kucita kuba kucinca a kucitya lufu ku yanda kutola mubili wa mwanakazi. Lino, mu Zina Iya Jesu...?...

⁴⁷⁰ Mu Zina Iya Jesu Kristo, leleka musimbi oyu muniini, Mwami. Nkondo yesu ku cikolo kuya, Ndili zi ncali muku penga. Nda komba kuti Uyo muleleka. Akube kuti akwele Ceba elyo, kuseeni kuno, akweenda kumbele!...?... Koleleka mulombe oyu muniini, Mwami; ulimu kuboola, kaita Zina Lyako, kuseeni kuno; Nda komba kuti Uyo unka a...?...

⁴⁷¹ Leza, koleleka mukwesu wangu, komupa kulomba kwakwe. Mu Zina Iya Mwami wesu Jesu, Nda caamba!...?...

Mu Zina Iya Jesu Kristo, twapa mupailo oyu.

Mu Zina Iya Jesu Kristo, twapa mupailo oyu.

Mu Zina Iya Jesu Kristo, twapa mupailo oyu.

Mu Zina Iya Jesu Kristo, twa...?...

Mu Zina Iya Jesu Kristo, twapa mupailo oyu.

Mu Zina Iya Jesu Kristo...?...

Mu Zina Iya Jesu Kristo...?...

Mu Zina Iya Jesu Kristo, koponya mukwesu wangu.

Mu Zina Iya Jesu Kristo...?...

Mu Zina Iya Jesu Kristo!

Mu Zina Iya Jesu Kristo!

Mu Zina Iya Jesu Kristo!

Mu Zina Iya Jesu Kristo!

Mu Zina Iya Jesu Kristo!

⁴⁷² [Muntu umwi waamba, "Taata wakafwa."—Mul.] Leza, mu gwasye, mu Zina Iya Jesu.

Leza, mu Zina Iya Jesu Kristo, twa...?...

Leza, mu Zina Iya Jesu!

Mu Zina lya Jesu Kristo...?...

Mu Zina lya Jesu Kristo, koponya mukwesu wangu.

Mu Zina lya Jesu...?...

Mwa mvwisya eno?

O Leza, akube kuti eci citantamuke kuzwa...?...

⁴⁷³ Mu Zina lya Jesu Kristo, twa komba!...?...Komupa mucizi...?...

⁴⁷⁴ O Leza, kuziba baama abo baniini bayandisi, kwiinda mu mapenzi aya oonse, Nda komba, Leza, kuti Uyo...?...aali nguwe.

Kokwela Ceba elyo, Ed, a kuya kumbele, mu Zina lya Jesu.

⁴⁷⁵ O Leza, koponya mwankazi. Komupa kulomba kwakwe. Akube kuti abweze Ceba elyo kumbele lyakwe, mu ciindi ca buyumuyumu.

O Leza...?...kuseeni kuno. Nda komba kuti Uyo...?...

⁴⁷⁶ Taata, Leza, Nda komba kuti Uyo ponya mukwesu wesu a kumu bamba kuba kabotu. Alimwi mu Zina lya Jesu Kristo...?...

⁴⁷⁷ Leza, Nda komba kuti inga Wa ponya mucizi wesu, mubambe kuba kabotu, mu Zina lya Jesu Kristo.

⁴⁷⁸ Taata, Leza, Nda komba kuti inga Wa—wa ponya mukwesu wesu.

Koponya mucizi wesu, Mwami!...?...

Taata, mu Zina lya Jesu, koponya oyu, mucizi wesu, Taata.

⁴⁷⁹ Taata,...?...twa komba mu Zina lya Jesu. Leza, koponya mwanakazi oyu.

O Leza, Nda komba kuti Uyo...?...

⁴⁸⁰ O Leza, ko muleleka, Taata!...?...Obo mbo tuyanda bantu abo bakaindi, Mwami. Elyo Nda komba kuti Uyo mupa kulomba kwakwe!...?...

⁴⁸¹ Taata Wesu Wakujulu, Nda komba kuti mukwesu wangu...?...O Leza,...?...walo, O Leza...?...silumamba wa ciingano. Alimwi uyo kwela Ceba elyo, kuseeni kuno, ku macing'a kuya kumbele.

Leza, tu...?...Kopa eci, O Mwami, kulomba kwakwe.

⁴⁸² Leza, koleleka mukwesu...?...Nda komba kuti Uyo mu ponya, Mwami!...?...Komupa ku yandisya kwa moyo wakwe, mu Zina lya Jesu Kristo.

⁴⁸³ O Taata Wakujulu, oyu mukutausi muniini wa Makani mabotu, kameneno kakwe...?...Abusena mpa kasanzia mu mipika...?...Leza, Nda komba kuti Uyo...?...Elyo kuciindi mpi impati ya Leza noili mukweenda kuya

kumbele eno, a Maceba kaanyamwidwe, ko mupa luzundo, Mwami. Mulumi wakwe muniini kuno, Mwami, oyo wa kaletwa kuzwa ku bulo obo bwaciimo cakuciswa kkulenge abusena mpa kalede, kufwa ku kkulenge, a madokotela kaba mulangabuyo, mbuuli mbwa keenda. Elyo mpaawa nkwali, kuseeni kuno, silumamba muniini oyo wa ciingano. Ko muyumya, Mwami, nkambo ka mulimo Wako, twa komba, mu Zina Iya Jesu.

⁴⁸⁴ Ndi yanda oyo mulindu muniini...Kuli cintu cimwi cimbi a mukambausi oyu muniini awa. Boola kuno, Mukwesu Kidd. Oyu muntu wakalekelwa kuya ku muunzi kuzwa ku cibbadela, calinolino buyo, kufwa, wakaligwa aa kkulenge. [Mucizi Kidd waamba, "I mwaka wainda."—Mul.] I mwaka wainda. ["Yobilo."] Myaka yobilo yainda, kaciswa kulebuka akukompama loko. Dokotela wakwe wakamupa buyo mazuba masyonto aa kupona. Elyo kuseeni kumwi, twa kainka kutala kuya, kufuma loko, twa kamu tuulila mupailo, umwi nguwenya buyo mbuli wa nduwe, elyo taba konzyi kujana akwalo mukondo waco. [Mbunga yabotelwa.] Wa kaponesegwa. Amen. Wa—wa...[Mucizi Kidd waamba, "Kacita kucizumina."] Uli jisi kulema kunji eno kwiinda mbwa kabede lyoonse. Walo a mukaintu wakwe muniini bakali mu milimo ya Makani mabotu, ndiza Nke tana kuzyalwa. Uli ano eno...[Mukwesu Kidd waamba, "Myaka iili makumi osanwe-ayosanwe."] Myaka iili makumi osanwe-ayosanwe. Kanditana akwalo ku boola aa nyika, bakali ku kambauka Makani mabotu. Elyo ngooyu nkwali, kaponesegwa, aa myaka yakukomena iitandila ku makumi aali ciloba-ayosanwe na...["Makumi aali lusele-ayosanwe."] Makumi aali lusele-aomwe. [Mukwesu Kidd waamba, "Twa kali kunga twaba a lubukulusyoy, muswaangano wa mvwiki zyobilo, kukambauka masiku amasiku."] Lubukulusyoy lwa mvwiki zyobilo, kabamba buyo lubukulusyoy lwa mvwiki zyobilo, a kukambauka masiku amasiku. Myaka iili makumi aali lusele-aomwe yakukomena, kaponesegwa, ku kkulenge, cindi naaka ceembede.

⁴⁸⁵ Ncibotu, mucizi, ngu ciindi cako eno. Ula syoma na? [Mbunga yabotelwa a kwaamba, "Amen."—Mul.] *Kuyakumbele, Basilumamba Banakristo*. Ncibotu, mucizi. Yebo, kuli umwi aumwi wanu, ino uyo cita nzi? MBU BOOBU MBWAAMBA MWAMI. Ino tu cita nzi, kukkala a busena awa na?

⁴⁸⁶ Saatani, yebo wakasweekelwa. Twa boola abusena eno. Tuli muku macing'a kukosola kuya mu Nyika ya cisyomezyo. Ino eco cinzi? "Ino eci ngu cilundu nzi, kumbele Iya Zerubabelo? Nguni oyu, wiimvwi kumbele awo? Yebo uyooba i nkwaalala." Nkaambonzi? A Ceba libosya-konse, tu yoomu gonkela ansi. Cili luleme. Ncibotu.

Kuyakumbele, Silumamba munakristo!
 Ku macing'a mbuuli ku lumamba,
 A ciingano ca Jesu
 Kuzumanana kuya kumbele;
 Kristo, Simalela wabwami,
 Lasololela ku lwana sinkondo; (a Ijwi Lyakwe)
 Kumbele mu nkondo,
 Amubone, zikwabilizyo Zyakwe zilaunka!
 Kuyakumbele, Basilumamba banakristo!
 Ku macing'a mbuuli ku lumamba,
 A ciingano ca Jesu
 Kuzumanana kuya kumbele.

⁴⁸⁷ Aleluya! Ino baka cita nzi? I cintu citaanzi cakaya kumbele, mu nkondo, kwa Israyeli, ino cakali cintu nzi citaanzi? I baimbi bakaunka kumbele, lutaanzi. Ncinzi cakatobela? I Bbokesi. Mpawo i nkondo. Ncibotu. Sa mula cisyoma na eno? [Mbunga yaamba, "Ameni."—Mul.] Tuli mukwiimba *Kuyakumbele, Basilumamba Banakristo*. Tuli mukusomona buzumbauzi boonse. Kubuka ku matende esu eno, tu la macinga'a kuya ku nkondo.

A twiime eno, bantu boonse.

Kuyakumbele, Basilumamba banakristo!
 Ku macing'a mbuuli ku lumamba,
 A ciingano ca Jesu
 Kuzumanana kuya kumbele;
 Kristo, Simalela wabwami,
 Lasololela ku lwana sinkondo;

Mbobuti mbo tu muzunda? A Ijwi.

Kumbele mu nkondo,
 Amubone, cikwabilizyo Cakwe kacuunka!
 Kuyakumbele, Basilumamba banakristo!
 Ku macing'a mbuuli ku lumamba,
 A ciingano ca Jesu
 Kuzumanana kuya kumbele.
 Ta twaandene pe,
 Toonse tuli mubili omwe;
 Bomwe mu bulangizi a njiisyo,
 Bomwe mu luyandisyo.

⁴⁸⁸ Boonse abo basyoma eno, baambe, "Ameni." [Mbunga yaamba, "Ameni."—Ed.] Aleluya! Mula syoma eco na? ["Ameni!"] Tuli basikuzunda. Bali kuli boonse basinkodo? Kungsi aa matende eesu. Ino tuli nzi sunu? Babukide muli Kristo!

⁴⁸⁹ Lino, ca mana, mucizi. [Mukwesu Branham alubo wakanana ku mucizi, oyo wacisidwe—Mul.] Ula syoma eco na? Koya ku muunzi eno. Yebo ulimvwa kabotu na? Wa amba kuti ulimvwa kabotu eno. Zintu zyoonse zili kabotu.

⁴⁹⁰ Mbangaye aabusena awo balimvwa kabotu? [Mbunga yabotelwa cakumvwigwa a kwaamba, “Ameni.”—Mul.] Elyo cindi ni bakaongolola, bulambo bwa kawida ansi, ameni, elyo ba kausaala. Ameni. Ba kasaala muunzi. Ameni! Ameni! Mula Mu syoma na? [“Ameni.”]

⁴⁹¹ Lino, muta lubi kuswangana kwa masiku sunu. Mukwesu Neville unooli kuno masiku ano, a kutuletela mulumbe mubotu. Elyo mu Nsondo, Nsondo iicilila, Mwami akuyanda, amukabe kuno.

⁴⁹² Lino a tweende, mbuuli mbo tweenda. Alimwi a tweende, eno anze kuzwa ku buyake, a tweende, katwiimba, *Kuyakumbele, Basilumamba Banakristo*. Elyo kuzwa ku buzuba buno, kutalikila, muta soli limbi kubikka Ceba elyo mu cikanda. Amu lisomone. Atu zunde. “Ba kainka kumbele, kabazunda, a kuzunda.” Ncibotu, alubo, aa kampango aako kataanzi.

Kuyakumbele, Basilumamba banakristo!
 Ku macing’a mbuuli ku lumamba,
 A ciingano ca Jesu
 Kuzumanana kuya kumbele.



INKONDO MPATIMANINGI YAKALWANWA LYOONSE TNG62-0311

(The Greatest Battle Ever Fought)

Oyu Mulumbe aa Mukwesu William Marrion Branham, wakakambaukwa lutaanzi mi Chikuwa mu Nsondo kuseeni, Miyoba 11, 1962, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2015 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org